





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.262







Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.262




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.262




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.202







2.6.262









Conventus S. Marci Florentiae

DECRETA PROVINCIALIS SYNODI FLORENTINAE,

*Presidente in ea Reverendissimo D. ANTONIO
Altonita Archiepiscopo.*

CVM PRIVILEGIO.

Domini Petri de S. Marci

*2
6
262*

Jo. Nicolaus

Jo. Baptista

Jo. Joannes



Jo. Maria

Jo. Maria

Marinus

FLORENTIAE,
Apud Bartholomæum Sermartellium.
MDLXXIII.

DECRETA

PROVINCIALIS

SYNODI FLORENTINAE

Presidente in ea Reverendissimo D. Antonio

Almonia Archiepiscopo.


CVM PRIVILEGIO.



FLORENTINAE

Apud Bartholomaeum Germanicellum.

MDLXXIII.



ANTONIVS
ALTOVITA
ARCHIEPISCOPVS
FLORENTINVS

Venerab. Fratribus Canon. & Capitulo Metropolitanae
Ecclesiae Florentinae.



AGNOSPERE Semper concu-
piuimus, Metropolitanam
hanc Florentinam, Eccle-
siam, ex quo, quamquam
indigni ad eam regendam
& gubernandam summa DEI
Opt. Max. ut existimamus,
voluntate asciti sumus, quasi vitem fecundissi-
mam, ramos iucundissimis fructibus onustos in
agrum domini late profunderere, eamque perinde ut
cupressum in calum tolli. Quare nos quidem ipsius
excolendae & iuuandae desiderio flagrant postquam
multos labores atque incommoda perpepsi sumus,

★ ii ma-

magnosq; sumptus fecimus, ut muneri nostro satis aliqua ex parte factum esset, Aliquando tandem sanctam Synodum Prouincialem coëgimus, quemadmodum & à Sacrosancto generali Concilio Tridentino rite nobis imperatum: idq; egimus, ut quod constabilitum & in reliquis sacris Conciliis tum generalibus tum prouincialibus, quæ maiores nostri partim domi partim foris celebrarunt, & in hanc regionem urbem Dei Opt. Max. gratia, & Catholicam & piam coacta viderunt, in hac quoque Synodo firmius corroboraretur sic, ut altissimis defixum radicibus labefactari praterea non possit. Ut si forte populus atque adeo Clerus vel suapte malitia, vel Sathana impulsu, se se à vero cultu Sacrorumq; Canonum disciplina longe abduxerit, in viam redeat, qua qui ingrediuntur ad perfectam atque absolutam Beatitudinem perueniunt. Atque hoc ipsum quod dicimus actum est, & a sidentibus, & re & consilio iuuantibus fratribus nostris comprouincialibus Reuerendissimis Episcopis: nec non vobis & presentibus, & opem & auxilium ad rem totam conficiendam afferentibus. Itaq; vos quantum quidem possumus, & oramus & obtestamur, ut operam detis, ut quicquid Deo Opt. Max. adiuvante à nobis constitutum est, id vos omni studio & sollicitudine tum a vobis ipsis, tum

III

tum ab ipso grege, qui fidei nostra commissus & man-
datus est, agendum curetis. Et quoniam incredi-
bilem vestrum omnium prudentiam perspectam ha-
bemus, incredibili nostra cum latitia atq; animi vo-
luptate in eo obseruando constantes, vt speramus &
assiduos spectabimus. Quod vt eueniat omnium bo-
norum auctor & princeps Deus ad vestram cetero-
rumq; omnium salutem nobis permittat. Valete.
Dat. Florentie, Idibus Decembris MDLXXIII.



TITVLORVM INDEX.




Dulteris. Rubri-	Indulgentijs. rub. 45.	99
ca 38. 83	Iudæis. rub. 8.	14
Baptismo. rub.	Imaginibus Sacris. rub. 4.	10
29. 57	Immunitatibus Ecclesiarum.	
Blasphemia. rub.	rub. 13.	20
10. 16	Libris prohibitis. rub. 2.	8
Beneficiorū collatione. rub. 23. 41	Miraculis. rub. 6.	12
Celebratione Missarum. rub. 18. 29	Magicis Artibus tollendis.	
Confirmatione. rub. 30. 59	rub. 7.	12
Censibus. rub. 40. 88	Monialibus. rub. 52	111
Confraternitatibus laicorum.	Medicis. rub. 53.	119
rub. 51. 110	Matrimonio. rub. 35.	71
Dignitatibus, & Canonicis.	Ordine. rub. 34.	67
rub. 17. 27	Pœnitentia. rub. 32.	64
Decimis. rub. 43. 96	Prædicatione verbi Dei. rub. 19. 34	
Decretum de incohanda Synodo. 1	Præbenda Theologali. rub. 20. 37	
Decretum de non præiudicando. 2	Piorum locorum administratione.	
Ecclesijs reparandis, aut vniendis.	rub. 50.	107
rub. 14. 22	Pluralitate parrochialiū. rub. 25. 44	
Ecclesia cathedrali vacante.	Processionibus. rub. 46.	100
rub. 15. 24	Residentia. rub. 26.	45
Edicto proponendo pro parrochia	Rebus Ecclesię recuperandis.	
libus vacantibus. rub. 24. 43	rub. 44.	97
Eucharistia. rub. 31. 60	Repræsentationibus tollendis.	
Extrema Vnctione. rub. 33. 67	rub. 5.	11
Episcopis. rub. 36. 77	Seminario. rub. 22.	39
Festorum dierum cultu, & obserua	Sacro sanctis Ecclesijs. rub. 12. 18	
tionem. rub. 11. 17	Sacramentis &c. rub. 28.	55
Forma præscribenda Inquisitionis	Sanctorum Reliquijs. rub. 3. 9	
de Episcopo promouendo.	Symonia. rub. 41.	93
rub. 16. 25	Sepulcris. rub. 48.	104
Funeralibus. rub. 47. 102	Suffocationibus. rub. 49.	105
Furo competenti. rub. 55. 121	Testamentis rub. 54.	120
Fidei professione. rub. 1. 2	Visitacionibus. rub. 27.	51
Hæreticis. rub. 9. 15	Vita, & Honest. Clericorum.	
Initijs fidei à Parrocho tradendis.	rub. 37.	78
rub. 21. 38	Vsuris. rub. 39.	84
Ieiunio. rub. 42. 94		

IV

INDEX EORVM;

QVÆ IN HOC LIBRO

CONTINENTVR.



A



<i>CTVS iudiciales neq. colloquia cū suspectis mulieribus in Ecclesia habeantur &c. Capitulo. 2. pag. 19</i>	
<i>Anniuersaria quibusdam anni temporibus in rusticanis, Ecclesiis ne fiant. cap. 8.</i>	32
<i>Altaria indotata dotentur, & curentur, & ponitur forma altaris portatilis. c. 10.</i>	33
<i>Adulteri quomodo sint plectendi. c. 1.</i>	83
<i>Alienans ius patronatus contrā iuris Decreta, eo uiuente, ipso priuatur, & excommunicatur. c. 3.</i>	93
<i>Administratores locorum piorum quales esse debent. c. 1.</i>	107
<i>Abbatissæ vltra triennium non eligantur, & quid in earum electione sit faciendum. c. 5.</i>	113
<i>Abbatissæ, & camerariæ rationem quotannis, reddant Episcopo, vel deputatis ab eo. c. 14.</i>	117

B

<i>Beneficiandi quomodo eligi debent, & circa resignationes Pii V. Constitutio seruetur. c. 1.</i>	41
<i>Beneficiati infra mensem inuentarium conscribant. c. 3.</i>	42
<i>Blasphemantium pœna, atq. Pii V. Constitutionis executio. c. 1.</i>	16

C

<i>Conuersio panis, & vini in corpus, & sanguinem Christi. c. 5.</i>	4
<i>Catholicam fidem tenendam docendamque. c. 11.</i>	6
<i>Cessantes, in religiosis locis a captura sint securi, Non autem Clerici. Cap. 4.</i>	22

Canon-

INDEX

Canonicorum adsumendorum qualites, partes, & officia. c. 1. & 2.	27
Canonici solam prebendam habentes eisdem curiis, & officiis sint abstricti, & ultra tres menses non absint sub pœna, eorumq; habitus sit conformis. cap. 3. & 4.	27. 28
Clerici alienæ Diœcesis Missam non celebrent, nisi prius litteras testimoniales presentauerint. c. 2.	29
Celebrantes in priuatis locis puniantur. c. 12.	34
Curati lingua vernacula populum doceant de virtute sacramentorum, eaq; populo non ministrantes, presertim infirmis puniantur, & in eis ministrandis ritus & ceremonie Romanæ Ecclesiæ seruentur. c. 1. 2. & 3.	55
Cognatio spiritualis & construitur in confirmatione sicut in baptismo. cap. vn.	59
Curati antiquam consuetudinem quotidie communicandi predicent. c. 4.	61
Cura in sacramento deferenda quæ adhiberi debeat. c. 8.	63
Clerici tam regulares, quam seculares non curati à confessionibus audiendis se abstineant, absq. Ordinarii sui licentia, & à casibus reseruatis nullum absoluent. c. 1.	64
Confessorum approbatorum nomina in tabula describantur, & in Ecclesia ponantur. c. 2.	64
Confessores nullius femine confessiones audiant ante ortum, siue post occasum solis, nisi in necessitatis casu, & qualem locum, & sedem, sibi adsciscere debeant: atq. pœnitentiarios canones nequaquam ignoret; & casus Papæ, & episcopo reseruatos habeant, & Bullam in Cena Domini publicent. cap. 3. 4. & 5.	65. 66
Confessionem reuelantium pœna. c. 6.	66
Confessores sibi ipsis nil applicandum procurent in pœnitentia. c. 7.	66
Curati pluries, in anno Decretum Conc. Trid. super sacramentum Matrimonii publicent. c. 1.	72
Coniugati in gradu prohibito separentur, & ad Papam remittantur. c. 8.	74
Clerici quales esse, & à quibus se abstinere debeant; & etiam minores habitus, & tonsura incendant, & quales eorum vestes, & indumenta. cap. 1. & 2.	78. 79
Clerici cum mulieribus suspectis, etiam consanguineis familiaritatem non habeant; neq. in domibus, & locis Ecclesiæ eas retineant. c. 3. & 4.	80
Clerici ne ludant, siue ad tabernas cauponarias accedant, neq. choreis se immisceant sub pœna; atq. noctu vagantes corripiantur; sed canentes, & sonantes eo tempore carcerentur, & se à secularibus artibus, & negotiis, ac ab omnibus à iure prohibitis prorsus abstineant. Et in Ordinario arbitrio alia crimina plectenda relinquantur. cap. 6. 7. 8. 9. 10.	81. 82
Censuales contractus iuxta Decretum Pii V. permittuntur. c. vn.	88
	Car-

INDEX.

<i>Carius Res ne vendantur propter tempus nisi secundum comunem pretium rigorosum.</i>	c. 8.	87
<i>Carnes ne vendantur in Quadragesima, nisi ex causa.</i>	c. 2.	94
<i>Cibaria prohibita Quadragesimali tempore in tabernis, & domibus publicis ne habeantur, nisi iusta ex causa.</i>	c. 3.	95
<i>Clerici, & seculares, & regulares nihil pro funeralibus pasciscantur, siue exgantur.</i>	c. 1.	102
<i>Cera in funere destinata ad Ecclesiam spectet, & vestes restituantur.</i>	c. 5.	104
<i>Cemeteria clausa custodiantur.</i>	c. 2.	105
<i>Confraternitates ab Ordinario approbate visitentur.</i>	c. 1.	110
<i>Commestiones, & compotationes in confraternitatibus ne fiant.</i>	c. 3.	111
<i>Causae regularium, & hospitalium, & locorum piorum quomodo agitandae.</i>		
c. 1.		121
<i>Causae omnes appellationum ubi tractari, & quibus Iudicibus comitti debent.</i>		
c. 2.		122
<i>Clerici laicorum vassalli a laicis iudicari possint; sed contra eos non potest fieri executio in persona, vel rebus Ecclesiae.</i>	c. 11.	127

D

<i>Disputationes ad fidem spectantes tolluntur.</i>	cap. 1.	c. 15
<i>Deambulationes, nugae & negotiationes in Ecclesia prohibentur.</i>	c. 1.	18
<i>Domus canonica Ecclesiarum non possunt laicis locari, & si canonici, & rectores in eis non habitent, Episcopus aliis consignare potest, exceptis domibus artis Lanæ.</i>	c. 5.	80
<i>Deposita ne fiant penes loca pia, ut aliquid ex eis solvatur.</i>	c. 7.	87
<i>Decimae integre sint soluendae sub pana, & Plebanis quartessimum solvatur.</i>		
c. 1.		96
<i>Deposita cadauerorum, nisi aenea, vel marmorea sint, super terram, tollantur; & haec etiam nisi altari sint proxima, vel non multum eminentia, & Ecclesiam impediunt, & in eis insignia bellica non ponantur.</i>	c. 1.	104
<i>Delegato suspecto allegato quid faciendum.</i>	c. 4.	123

E

<i>Episcopi societatem nominis Dei in eorum locis instituant.</i>	cap. 3.	15
<i>Ecclesiis dirutis provideatur, & quomodo.</i>	cap. 2.	23
<i>Ecclesia Cathedrali vacante quid agendum.</i>	cap. 1.	34
<i>Episcopo mortuo, a capitulo Vic. & Oeconomi constituantur.</i>	cap. 2.	24
<i>Episcopi promouendi qualitates, & quid in examine seruandum.</i>	cap. 1.	25
<i>Episcopi per se ipsos predicent, vel ipsis impeditis alios eligant idoneos; & Parochi</i>	**	

INDEX

rochi etiā exempti singulis festiuitatibus, & in Quadragesima, & in Ad- uentu Prædicatione Verbi Dei populos pascant; alias eorum sumptibus a- lius eligatur. c. 1. & 2.	34. & 35
Examinatorum eligendorum qualitates, & munera. c. 5.	43
Ecclesia vacante æconomus instituatur, & quid patroni facere debeant. c. vii.	43
Episcopi singulo biennio omnino Ecclesias visitent, seu ipsis impeditis aliis eo- rum loco id munus imponant; & prohibentur sumptus immoderati. c. 1. & 2.	51
Episcopi Capitula cathedralia corrigant nulla exemptione obsistente. c. 3.	52
Ecclesie nullius Diœcesis per viciniorem Episcopum visitentur, & visitans ma- gistros Puerorum examinet, eisq. librorum obscenorum lectionem prohibeat. c. 4. & 5.	52
Eucharistiæ Sacramentum Illustrissimo loco lampadibus semper accensis in qualibet curata retineatur. c. 1.	60
Extrema vñctio loco, & vase honesto retinenda; & ad existentes tantummo- do in articulo mortis deferenda, velo tamen sericeo super imposito, & qui- bus sit deneganda. c. 1. & 2.	67
Episcopi per se ipsos ordines conferant, neq. quis ordinetur absq. proprii Epi- scopi licentia. c. 1.	67
Episcopi quibus moribus præditi et, qua vita esse debeant p tria cap. 77.	78
Episcopi, & Rectores Ecclesiarum bona male alienata ad Ecclesiæ propieta- tem reducere curent. c. 1.	97
Episcopi quid facerè debeant super indulgentiarum abusibus. c. 2.	100
Episcopi clausuram etiam in Monasteriis exemptis seruari curēt. c. 1.	111
Episcopus, siue Vicarius ingressuras in Monasterium examinent extra Mo- nasterii septa. c. 9.	115
Exorcismus adhibendus energumenis cum ordinarii licentia. cap. 3.	13

F

F Emine à maribus in Eucharistiæ sacramenti susceptione separentur. c. 3.	61
Festiui dies obseruentur. cap. 1.	17
Fidei professionem facere tenentur beneficia atq. dignitates obtinentes, docto- randi, ac doctores legentes, puerorumque magistri. c. 12.	13
Formula professionis fidei. cap. 1.	2
Fidei initia pueri à Parroccho docendi. c. vii.	38
Habi-	

INDEX.

H

- H** Abitus Clericorum in exequiis. c. 4. 103
Hospitalarii locorum ad quid teneantur. c. 2. & 3. 107. 108

I

- I** Magines Christi, Beatae, Mariae ceterorumq. sanctorum esse venerandas. 7
Index librorum prohibitorum seruetur, c. 1. 8
Imagines quae sint in Ecclesiis pingendae, & retinendae. c. 1. 10
Imagines sanctorum in locis immundis deleantur, & de eorum veneratione. c. 3. 11
Iudei se à negotiis in diebus Festis abstineant, & per triduum ante Resurrectionem Domini in eorum domibus relegentur cap. 1. 14
Iudeis nullum ministerium impendant Christiani. cap. 2. 15
Inquiratur contra suspectos haeret. prauit. cap. 2. 15
Interessentes cum Episcopo visitante distributionibus omnibus participant. c. 8. 54
Impedimentum publicae honestatis quando sit sublatum, & ad quos inferatur. c. 7. 74
Ieiunia non seruantes puniantur. c. 1. 94
Ieiunia omnes seruare hortantur, & maxime Patronorum. c. 4. 95
Iudices super confirmatione si in euidentem, & indemnitati Ecclesiarum maxime provideant. c. 4. 98
Indulgentiae omnes perpetuae cum onere aliquid praestandi sunt abrogatae. c. 3. 100
Infantes orphani adulti effecti artibus imbuantur, & moribus erudiantur. c. 5. 108

L

- L** ibri absq. Episcopi, seu Inquisitoris licentia non imprimantur, & impressi ab auctore subscripti, Episcopo praesententur. c. 2. 8
Libros prohibitos habentes, sacrisq; abutentes verbis puniuntur. c. 3. 9
Loca extra Ecclesiam immunia quae sint. cap. 3. 21
Liber retineatur, in quo baptizatorum & compatrum nomina, nec non ex quibus parentibus orti, quaque die scribantur. c. 3. 58
Locatio bonorum Ecclesiae cum anticipata solutione prohibetur. c. 3. 98
Laicis concionari prohibeatur, exceptis professis, & qui ab ordinario licentiam habuerint, qui morales sermones faciant. c. 2. 110

* * 2 Litterae

INDEX

M

M Iraculorum nouorum comprobatio quomodo facienda. cap. vn.	12
Magiam artem sectantium pœna. cap. i.	12
Mendici Eleemosinas non petât inter missarum celebrationem, nisi monialium agentes, & ipsi post communionem sacerdotis. cap. 3.	19
Mulieres inhonestæ propè monasteria non habitent, nec tabernæ, & balnea aperiantur. cap. 2.	21
Missam celebraturi quid seruari debent, omnique qualecumque beneficium obtinens, officium diuinum iuxta Breu. Rom. recitet. c. i.	29
Missæ consuetæ, & congruo tempore celebranda nullius priuati habito respectu. c. 5.	31
Missæ in secularium societatibus non celebretur, antequam Parrochus suam absoluerit. Nec ante auroram, nec post meridiem, nec bis in diem sub pœna. c. 6. & 7.	31. & 32
Mercedes, & munera in primis Missis prohibentur, ac examinatio de futuro sacerdote ab Episcopo fiat. c. ii.	33
Matrimoniorum denunciationes fiant in Parrochia viri, & mulieris. cap. 3.	72
Matrimonia sunt libera, & super hoc quæcumque secularia statuta annullantur. c. 9.	75
Mulieres lactantes à Parrocho semel in mense moneatur, vt in lecto capsulas detineant, & de pœnis suffocationis. c. vn.	105
Moniales nil proprii habeant, omniaque inter eas sint communia. c. 6.	114
Ministri Monialium tam spirituales, quam temporales ab Episcopo approbentur, & cum eius licentia in Monasteria ingrediantur. c. ii.	116
Monasterii Ostia velata Virgine claudantur, & omnes dimittantur, nisi in locis extra ciuitates, & oppida. c. 13.	117
Moniales ex clarissimis Consiliariis Reip. Flor. oriundæ declarantur etiam loco descendendum ex Vexilliferis Iustitiæ. c. 18.	19
Medici non visitent infirmum non confessum post tertiam visitationem. c. vn.	119
Matellatæ, corrigiatæ, & fratres de tertio ordine extra collegium habitantes, in propriis domibus subiiciantur secularibus, & eorum Parrochianis in spiritualibus. c. 13.	128
Monialibus mittere aut accipere litteras absque licentia Abbatisse prohibetur. cap. 15.	118
Monialium Confessores & gubernatores iuxta Monasteria non habitent. cap. 2.	112
Monialium Cræres, & Rotæ quales esse debeant. ibid.	
Monia-	

I N D E X.

VII

- Moniales intra claustra, cibaria non dent colonis, neq. aliis sub pœna.*
 cap. 4. 113
Monialium confessores quomodo ingredi debeant intra Monasterii septa.
 cap. 7. 114
Monialium confessores, & cappellani quales esse debeant. cap. 8. 115

N

- N**orma professionis faciendæ. c. 14. 7
Notariis pro collectionum labore certa merces statuatur. c. 4. 42
Notarii decimā tantum partē auri pro litteris dimissoriis recipiant. c. 6. 71
Nuptiæ quibus temporibus sint prohibite. c. 11. 76
Nulla femina absq. Episcopi licentia in Monasterium admittatur, & quod earū numerus sit iuxta facultates, et cōsuetas elemosinas. c. 10. 116
Notarii tenentur Episcopis denunciare legata ad pias causas, et canonica portio soluatur: & in curia Episcopi retineatur liber legatorum piorum.
 c. 1. & 2. 120. 121
Notarius, nisi ab Episcopo approbetur, causas nō agat sub pœna. c. 5. 124
Numerus Notariorum in foro Ecclesiastico Florentino, & in foro Fesulano describitur; in aliis vero foris Ordinari arbitrio relinquitur. c. 6. 124
Notarii in causis ordinariis extrahantur è bursa, exceptis causis executiuis, feudalibus, & beneficalibus. c. 9. 126
Notarii extra curias Florentinam, & Fesulanam in ciuitate Florentiæ non possunt rogare contractus rerū Ecclesiæ, ac materiarum spiritualium, alias fidem non faciant. c. 10. 127

O

- O**rdinationes, & reparationes Chori, & aliorū id generis ad Episcopum, & duos de capitulo spectant c. 5. 28
Ordinarii alienationes hospitalium ab annis XXX. perquirant. c. 2. 98
Ordinarii semel in anno publicari faciant populo decretum Conc. Trid. contra occupatores rerum Ecclesiæ. c. 5. 99
Ordo procedendi in processionibus Funeralium. c. 2. 102
Ordinandi quid agere debeant. Cap. 3. 68

P

- P**ictores, & sculptores sine ordinarii sui licentia imagines in Ecclesiis ne ponant, &c. c. 2. 10
 Pœna

INDEX

<i>Pœna ad Magos confugientium. cap. 2.</i>	13
<i>Parrochi Festinis diebus proprias pascant oves, neq. eis missam ipsius festi de fraudent. c. 9.</i>	33
<i>Predicator quid facere, à quoue se abstinere debeat. c. 3.</i>	36
<i>Prædicatio nocturna ne fiat. 4.</i>	37
<i>Patroni Laici in beneficiis conferendis etiam quid sponte oblatum non recipiant, & confidentie tolluntur. c. 2.</i>	41
<i>Parrochiales plures retinentes, omnibus priuentur, & fructus restituant. c. vn.</i>	44
<i>Plebani recipiant annuatim ab Episcopo olea sancta, & ea rectoribus distribuunt, nulliq. qui non sit in sacris deferenda tribuant. c. 4.</i>	56
<i>Parrochus tantum Sacramentorum Clauem retineat. c. 1.</i>	56
<i>Pueri in Ecclesia à Sacerdote baptizentur nisi ex imminente periculo, & tunc etiam Famine absentibus viris, forma, & materia Ecclesiæ seruata id prestare valeant. c. 1.</i>	57
<i>Pueri Baptizandi forma describitur. c. 2.</i>	17
<i>Parrochi Episcopo significant, qui semel in anno se confiteri, ac sacramento Eucharistiæ refici recusauerint, & contumaces tamquam de hæresi suspecti habeantur, eiusdemque pœnis ii subiciantur, qui a proprio Parrocho sine causa cõmunionem non susceperint in Paschate, & etiam regulares sint suspensi, qui tunc eos communicauerint, quique sint ab hoc Sacramento rei-ciendi. c. 5. 6. 7.</i>	61. 62
<i>Parrochiale obtinentes etiam in commendam, vel non curato vnitam ordinentur, & quid sit in regularium ordinatione agendum. c. 4.</i>	70
<i>Parrochi per se ipsos, nisi eos legitimus impediatur casus, matrimonium exequi curent, quidue substitutus facere debeat; neq. Peregrinorum, & aduenarum coniugiis intersint, nisi constitutionis forma seruata. c. 4. & 5.</i>	72. 73
<i>Pactiones omnes illicitæ damnantur, & puniuntur. c. 4.</i>	94
<i>Præcedentiarum lites extraiudicialiter ab Episcopo appellatione remota terminentur. c. 2.</i>	101
<i>Processionis locus in processione corporis Christi ornetur, & appareatur. c. 3.</i>	101
<i>Parrochi retinere debent librum mortuorum. c. 3.</i>	103
<i>Parentes filios proprios, in orphanotrophiis nullo pacto exponant. c. 4.</i>	108
<i>Procuratores, & Notarii constitutionibus huiusce contrasacientes qua pœna sint plectendi. c. 3.</i>	122
<i>Procuratoris officium quis non potest exercere nisi examinetur; eiq. acta conscribere prohibetur. c. 7.</i>	125
<i>Procuratores pauperum in curia deputentur, e bursa extrahendi, qui gratis causas</i>	causas

INDEX.

VIII

causas agant; idemq. seruetur, quando litigans procuratorem non inuenit.
c. 8. 125
Præuentioni sit locus in causis mixti fori, & eas declarat quæ sint. c. 12. 127

Q

Q *ualitas, & officium adsumendorum in seminario quid sit, eorum que electio ad Episcopum spectet. c. 2. & 3. 40*

R

R *itus Ecclesiæ in sacramentorum administratione probantur, & admittantur, quæ de originali peccato, & iustificatione à Trid. Synodo definita fuere. c. 4. 4*
Romanam Ecclesiam omnium aliarum matrem, summumq. Pontificem esse Petri successorem. c. 9. 5
Representationes omnes tolluntur, nisi ab Episcopo licentia in scriptis concedatur. c. 4. 11
Rustici, & omnes à negociis diebus festiuis abstineant. c. 11. 18
Regulares etiam in propria Ecclesia sine Pontificis benedictione minime prædicent; nullusq. ex regularibus extra claustrum degentibus huiusmodi munus exercere valeat. c. 3. 36
Regularibus, & in anno non confessis, & communicatis pueros leuare prohibetur, & unus tamen siue vir, siue femina aut ad summum, vir vnicus, & vnica femina leuare possint. c. 4. & 5. 58. 59
Rectores semel in anno publicent decretum de decimis soluendis. c. 2. 6
Rectores doceant populum effectum indulgentiarum. c. 1. 99
Regulares omnes, etiam exempti, & laicorum confraternitates processionibus intersint, & in eum locum redeant, unde primo discesserunt sub pœna. c. 1. 100
Rectores piorum locorum rationem ordinario reddant, siue cuilibet de consuetudine conuenit. c. 6. 109
Residentie decretum summa cura seruandum. Cap. 1. 45

S

S *acram scripturam, prout Sancta Ecclesia docet, esse intelligendam, & apostolicas traditiones acceptandas. c. 2. 3*
Sacramenta nouæ legis septem esse, & ea gratiam conferre; quorum tria irriterabilia, quatuor vero minime. c. 3. 3

Sancto-

INDEX

<i>Sanctorum reliquie honestis locis, vasisque. seruentur, nec questus causa ostendatur.</i>	<i>c. 1.</i>	9
<i>Seculares Iudices seuerissime blasphemantes puniantur. &c. cap. 2.</i>		61
<i>Sacerdos quid agere debet ante celebrationem missæ, & sacris indutus vestibus neminem adloquatur.</i>	<i>c. 3. & 4.</i>	30
<i>Seminarium erigatur, & infra sex menses instituaturs & taxa constituatur.</i>	<i>c. 1.</i>	39
<i>Societatis Corporis Christi in curatis, seu saltem in Plebanis instituantur, & institute amplificentur.</i>	<i>c. 2.</i>	60
<i>Sponsi ante celebrationem matrimonii non cohabitent, moneanturq. ante benedictionem ad consuetudinem, & communicandum.</i>	<i>c. 6.</i>	73
<i>Sponsalia non rumpantur per Matrimonium, nisi eis per symoniam solutis.</i>	<i>c. 10.</i>	75
<i>Stuprantium Virgines, & proprias filias parentum prostituentium pœna.</i>	<i>c. 2. & 3.</i>	84
<i>Symoniace ad sacros ordines promoti ad beneficia quacunque & officia Ecclesiastica adsciti, quomodo puniantur.</i>	<i>c. 1. & 2.</i>	93

T

<i>Theologia publice profiteatur, & legatur, & merces adsignetur.</i>	<i>c. vii.</i>	37
<i>Tridentini Concilii decreta indubitanter recipiuntur; contraria autem damnantur.</i>	<i>Cap. 10.</i>	6

V

<i>Vñiones de Parrochialibus, nisi à patronis, vel ab aliis Ecclesiarum indemnitati consulatur, ipsis inuitis omnino fiant.</i>	<i>cap. 1.</i>	22
<i>Vñionum litteras ab annis 40. Episcopi videant, & iudicent.</i>	<i>c. 3.</i>	24
<i>Vicarii Foranei, & Plebani referre non residentes ad Episcopos tenentur, & Episcoporum non residentium pœna.</i>	<i>c. 2. & 3.</i>	46
<i>Vsura detestandum esse peccatum, & usurarios proprios exhibere libros debere.</i>	<i>c. 1.</i>	84
<i>Vsurarius libros celans, & cedulas lacerans punitur, & contra ipsum iureturs.</i>	<i>c. 2.</i>	85
<i>Vsura prius Iudici constet ante librorum editionem.</i>	<i>c. 3.</i>	85
<i>Vsurariorum libris pro se non credatur.</i>	<i>c. 4.</i>	86
<i>Vsuram quis committere sit solitus, quomodo probetur.</i>	<i>c. 5. & 6.</i>	86
<i>Visitentur hospitalia, confraternitates, & omnia pia loca, liberque visitationis in archiuo retineatur, & quid sit in eo scribendum.</i>	<i>Cap. 6. 7.</i>	53. 54

VIII
I
DECRETA
PROVINCIALIS
SYNODI FLORENTI-

NÆ, PRÆSIDENTE IN EA
REVERENDISS. D. ANTONIO

*Alouita Metropolitana Ecclesiæ
Florentinæ Archiepiscopo.*



SESSIO PRIMA CELEBRATA
DIE QVARTA APRILIS

MDLXXIII.

DECRETVM DE INCOHANDA
SYNODO.



Reuerendissimi Patres, Placet ne
vobis, vt hodie ad laudem, & glo
riam sanctæ, & indiuiduæ Trini
tatis, Patris, & Filii, & Spiritus
sancti; ad iuuandam & augen
dam Christianæ Religionis Di
sciplinam, pro abusibus tollen
dis, reformandis moribus, corri
gendis excessibus, aliisq; ex sacris Canonibus permis
sis statuendis, Prouinciale Florentinum Concilium in
cipiat, & inceperit sit?

Responderunt. Placet.

A DE

DE PROFESSIONE FIDEI.

DECRETVM DE NON

Præiudicando.

CUm maximè deceat omnia ordine, & ratione fieri aliorum sacrorum Conciliorum, & præsertim Tridentini Vestigiis inhærendo, hæc sacra Synodus in primis statuit, & decreuit, vt qui prior ad Episcopalem dignitatem vocatus existit, priori loco sedere, & aliis præcedere debeat. Expresse declarans, quod nulli ob id fiat præiudicium, nullique nouum ius acquiratur.

DE PROFESSIONE FIDEI RVB. I.

Ponitur formula professionis fidei. Cap. I.

Pincipio ponit professionem fidei, tamquam fundamentum, contra quod Portæ inferi non præualebunt, iuxta præscriptam formam Pii Quarti, videlicet.

Credo in vnum Deum, Patrem Omnipotentem, factorem Cæli & Terræ, visibilium omnium, & inuisibilium. Et in vnum Dominum Iesum Christum, Filium Dei vnigenitum; Et ex Patre natum ante omnia sæcula, Deum de Deo, lumen de lumine, Deum verum de Deo vero. Genitum non factum, consubstantialem Patri, per quem omnia facta sunt. Qui propter nos homines, & propter nostram salutem descendit de Cælis. Et incarnatus est de Spiritu Sancto, ex Maria Virgine, & Homo factus est. Crucifixus etiam pro nobis

bis sub Pontio Pilato, passus, & sepultus est. Et resurrexit tertia die secundum scripturas, Et ascendit in caelum, sedet ad dexteram Patris. Et iterum venturus est cum gloria iudicare viuos, & mortuos, cuius Regni non erit finis. Et in Spiritum sanctum, Dominum, & viuificantem, qui ex Patre, Filioque procedit. Qui cum Patre, & Filio simul adoratur, & conglorificatur, qui locutus est per Prophetas. Et vnam Sanctam Catholicam, & Apostolicam Ecclesiam. Confiteor vnum Baptisma in remissionem peccatorum. Et exspecto resurrectionem mortuorum; Et vitam venturi saeculi. Amen.

*Sacram scripturam iuxta interpretationem Sanctae Matris
Ecclesiae esse intelligendam, & apostolicas
traditiones acceptandas. Cap. II.*

Apostolicas & Ecclesiasticas traditiones, reliquasque eiusdem Ecclesiae observationes, & constitutiones firmissime admittimus, & amplectimur. Item sacram scripturam iuxta eum sensum, quem tenuit, & tenet sancta Mater Ecclesia, cuius est iudicare de vero sensu, & interpretatione sacrarum scripturarum admittimus, nec eam umquam, nisi iuxta vnanimem consensum Patrum accipiemus, & interpretabimur.

*Septem esse Sacramenta nouae legis; & ea gratiam
conferre; quorum tria irreiterabilia, quattuor
verò minime. Cap. III.*

Profitemur quoque septem esse verè, & proprie sacramenta nouae legis à Iesu Christo Domino nostro instituta, atque ad salutem humani generis, li-

A ii cet

cet non omnia singulis necessaria; Sanctum Baptismū, Confirmationē, Eucharistiam, Pœnitentiam, & extremam vnctionem, Ordinem, & Matrimonium, Illa gratiam conferre, & ex his Baptismum, Confirmationem, & Ordinem, sine sacrilegio reiterari non posse.

Comprobantur ritus Ecclesiæ in Sacramentorum administratione, & admittuntur, quæ de originali, & iustificatione à sacrosancta Tridentina Synodo definita fuere. Cap. IIII.

Receptos quoq., & approbatos Ecclesiæ Catholicæ ritus in supradictorum omnium sacramentorum solemnī administratione recipimus, & admittimus omnia, & singula, quæ de peccato originali, & de iustificatione in Sacrosancta Tridentina Synodo definita, & declarata fuerunt, amplectimur, & recipimus.

De conuersione, & transubstantiatione panis, & vini, in corpus, & sanguinem Christi, quod pro uiuis mortuisq. offertur. Cap. V.

Rositemur pariter in Missa offerri Deo verū proprium, & propitiatorium Sacrificium pro uiuis, & defunctis, atq. in Sanctissimo Eucharistiæ Sacramento esse verè, realiter, & substantialiter Corpus & Sanguinem, vnà cū anima, & Diuinitate D. N. Iesu Christi; fieriq. conuersionem totius substantiæ Panis in corpus, & totius substantiæ vini in sanguinem, quam Conuersionem Catholica Ecclesia Transubstantiationem appellat.

DE PROFESSIONE FIDEI.

5

Sub altera tantum specie verum sacramentum sumi; Purgatorium esse, animasque ibidem detentas fidelium precibus adiuuari; honorandos, orandos & venerandos esse Sanctos. Cap. VI.

Fatemur etiam sub altera tantum specie totum, atq. integrum Christum, verumq. sacramentum sumi; constanter fitemur Purgatorium esse, animasque ibi detentas Fidelium suffragiis iuuari, similiter & sanctos vnà cum Christo regnantes, venerandos; atq. inuocandos esse, eosque orationes Deo pro nobis offerre, atq. eorum reliquias esse venerandas.

Christi & Beatæ Mariæ, ceterorumque Imagines esse venerandas. Cap. VII.

Firmiter asserimus Imagines Christi, ac Deiparæ semper Virginis, nec non aliorum sanctorum habendas & retinendas esse, atq. eis debitum honorem, & venerationem adhibendam.

Ex se patet. Cap. VIII.

Indulgentiarum etiam potestatem à Christo in Ecclesia relictam fuisse, illarumq. vsum Christiano populo maximè salutare esse affirmamus.

Romanam Ecclesiam omnium aliarum matrem, summumque Pontificem esse Petri successorem. Cap. VIIII.

Sanctam

Sanctam Catholicam, & Apostolicam Romanam Ecclesiam omnium Ecclesiarum Matrem, & Magistram agnoscimus, Romanoq. Pontifici beati Petri Apostolorum Principis successori, ac Iesu Christi Vicario veram obedientiam spondemus, ac iuramus.

*Comprobantur decreta Tridentini Concilij, & repro-
bantur contraria. Cap. XI.*

Cetera item omnia à Sacris Canonibus, & œcumenicis Conciliis, ac præcipuè à Sacrosancta Tridentina Synodo tradita, definita, & declarata indubitanter recipimus, atq. profitemur, simulq. contraria omnia, atq. hæreses quascunq. ab Ecclesia damnatas, & reiectas, & anathematizatas, Nos pariter damnamus, reiicimus, & anathematizamus.

Catholicam fidem semper tenendam, docendamque. Cap. XI.

Hanc veram Catholicam Fidem, extra quam nemo saluus esse potest, quam in præsentī sponte profitemur, & veraciter tenemus, eandem integram & immaculatam, vsq. ad extremum vitæ spiritum constantissimè, Deo adiuuante, retinere, & confiteri, atq. à nostris subditis, vel illis, quorum curæ ad nos in nostro munere spectabit, teneri, doceri, & prædicari, quantum in nos erit curaturos; & ita spondemus, vouemus, ac iuramus. Sic nos Deus adiuuet, & hæc Sancta Dei Euangelia.

Beneficia

*Beneficia & dignitates obtinentes teneantur dictam
fidem profiteri. Cap. XII.*

E Andem Fidei professionem facere teneantur adsci-
ti ad Dignitates & Canonicatus, nec non prouisi
etiam de beneficiis quibuscunq. animarum curam
habentibus, ad minus intra duos menses a die ade-
ptæ possessionis in manibus Episc. vel eo impedito co-
ram eius generali Vicario, seu officiali, ita tamen vt Di-
gnitates, & Canonici etiam in capitulo fidem profitean-
tur; alioquin omnes supradicti fructus non faciant su-
os, nec illis possessio suffragetur. Et nihilominus etiam
pœnis ab Episcopis ad id omnino præstandum compel-
li possint; si verò culpa capituli id differri contigerit,
cap. pro modo culpæ legitime puniatur.

*Idem seruare debent Doctorandi, ac doctores legentes, magistriq.
puerorum. Cap. XIII.*

I Dem quoq. seruent, qui in posterum ad doctorales
& magistrales gradus promouebuntur in ipso promo-
tionis actu; promoti vero infra tempus ab Episcopo
statuendum, Puerorum etiam Pedagogi, & omnes illi,
qui quocunq. modo publice vel priuatim, in propriis
aut alienis ædibus, & domiciliis pueros, seu quacunq.
ætate præditos litteras, aut quascunq. alias liberales ar-
tes, seu illarum rudimenta docent, & profitentur.

Norma professionis faciendæ. Cap. XIIII.

Professio verò fidei iuxta præscriptam formam sem-
per fieri debet, adhibitis duobus, vel tribus testib.
coram

coram notario, qui eam in publicum instrumentum redigat, & in librum ad eum tantum usum comparatum una cum profitentis subscriptione referat; liber autem in Archiuo Episcopali erit diligenter ad perpetuam memoriam adseruandus.

DE LIBRIS PROHIBITIS RVB. IL

Quod librorum prohibitorum Index seruetur. Cap. I.

Quantum utilitatis puræ, & Catholicæ Doctrinæ attulerit Index librorum prohibitorum, facile omnibus perspectum esse potest; videndum igitur erit Episcopis, ut regulæ in Indice traditæ exquisitè ab omnibus seruentur.

Sine Episcopi licentia, vel Inquisitoris non possint imprimi libri, sub pœnis in decreto expressis, & impressi cum originalibus collatis, & ab Auctore subscripti in primis Episcopo præsententur. Cap. II.

In quibus locis ars impressoria viget, nemo imprimere per se, vel per alium quidquam præsumat, quod Episcopi, aut Inquisitores accuratam discussionem, & probationem, quæ gratis dentur, non habuerit. Alioquin iuxta nouissimi Lateranensis, & Tridentini Concilii decretum, libris amissis, & publicè combustis Anathemati subiectus sit, & centum aureorum pœna, pro dimidia Fisco, & pro altera egenis Monialibus applicata, puniantur; verum impressa non prius ex officina prodeant, aut exponantur venalia, quam cum propriis exemplari-

plaribus collata fuerint. Deinde auctor ipse offerat Episcopo librum impressum, & supra collatum, & manu propria subscriptum; qui perpetuo Episcopali Archiuo custodiri debet.

*Qui libros prohibitos habuerint, quique sacris abutuntur
verbis, puniuntur. Cap. III.*

Qui libros quauis ratione prohibitos habuerint, scient in pœnas Bullæ in die Cenæ Domini incurrere: quique sacra scripturæ verbis ad iocum, assentationem, contumeliam, superstitionem, aut alias profanas indignitates abutantur, iis & impietatis, & temeritatis pœnas debitas Episcopi dabunt.

DE RELIQUIIS SANCTORVM. RVB. III.

Sanctorum reliquiae honestis locis, decentibusq. seruentur vasis, nec quæstus gratia ostendantur. Cap. I.

Populi iuxta catholicæ, & apostolicæ Ecclesiæ vsum de reliquiarum honore diligenter instruantur; atque illud Episcopis curæ sit, ut honestissimis in locis, ac decentissimis vasculis seruêtur, Populoque sola pietatis, non quæstus gratia, cum ea qua decet veneratione, & reuerentia ostendantur, nec ita passim sine Episcopi licentia è vasculis extrahantur, nam tantum ob deuotionem, aut inspiciendam, vel tangendam proponi debent. Qui temerè aliter fecerint, ab Episcopis ipsis pro modo culpæ pœna afficiantur.

B DE

DE SACRIS IMAGINIBVS. RVB. IIII.

*Quales debeant esse Imagines, in Ecclesiis pingenda
& retinenda. Cap. I.*

Maximam his calamitosis temporibus Episcopi debent diligentiam adhibere in imaginibus habendis & retinendis; itaq. prohibeant omnino, ne insolita aliqua, aut insolito modo pingatur, sculpatur, aut apponatur, præsertim in Ecclesiis, aut aliis religiosis, piis, ac etiam publicis locis, nihilq. in eis indecorum, obscenum, profanumq. habitu, vultu, ac tota effigie conspiciatur; quo fidelium mentes, aut oculi offendi possint, sed tales illæ sint, quibus spectandis pietas exciteatur, quæq. ab exemplari suo ex probata, ab Ecclesiæ consuetudine minime aberrant.

Pictores, & Sculptores sine expressa sui Episcopi licentia imagines in ecclesiis, & alijs locis pijs & publicis ponant & Episcoporum auctoritas circa factas. Cap. II.

CAueant etiam Pictores, Sculptores, ac quicumq. artifices & qui imagines sacras effigendas curabunt, ut sine expressa Episcoporum licentia, in Ecclesiis, alijsq. pijs locis ac etiam publicis eas nullo modo ponant, & si quæ hætenus positæ sunt, eas Episcopi deleri, emendari, amoueri, uel mutari etiam ex officio quâ primum iubeant, eorum sumptibus quorum interest, ac pœnis contra contumaces imponendis.

Sanctorum

*Sanctorum imagines, in locis immundis deleantur, & de
eorum veneratione. Cap. III.*

ATq. vt debitus cultus, honorq. sacris imaginibus exhibeatur, prohibuit, nè imagines tam salutiferæ Crucis, quam Beatissimæ Virginis, & omnium Sanctorum, aut immundis, & contemptibilibus locis, siuè in pauimentis post hac collocètur, & collocata deleantur; Inobedientes autem pœnas luant statuendas ab Episcopis; qui etiam dabunt operam, vt sæpius doceatur populus nullam in illis diuinitatem, aut virtutem inesse, vnde colantur nihil ab eis petendum, aut sperandum tamquam simulacris, sed venerationem ad quam per ipsa excitamur, & fiduciam ad veram imaginum referat prototypa. Vt dum eas osculamur, dum reuerenter procumbimus, Christum dominum adoremus, ac sanctos eius veneremur, quos effigies illæ repræsentant.

DE REPRESENTATIONIBVS TOLLENDIS. RVB. V.

*Abolentur repræsentationes Dominicæ passionis, ac Historiarum, & gestorum sanctorum sine expressa Episcopi
licentia in scriptis habenda. Cap. IIII.*

NVlli clerico sæculari, aut regulari, nec laico aut quibuscumque personis liceat in posterum Passionem. D. N. Iesu Christi, sacras historias, aut gesta Sanctorum, vlllo modo repræsentari, nisi de licetia Episcopi in scriptis gratis obtempta; qui prout expedire iudicauerit efficiet, vt multa quæ in istis actionibus contra sanctorum Patrum, & antiquam Ecclesiæ consuetudinem introductæ sunt, omnino tollantur.

B ii DE

DE MIRACVLIS. RVB. VI.

Quid in nouorum miraculorum comprobatione faciendum. Cap. I.

EPiscopi in nouis Miraculis Theologos, & alios pios ac peritos viros consulant; populorum concursus & acclamationes prohibeant, donec rei veritas legitime comprobetur; ne temere falsa pro veris, & incerta pro certis aliqua Episcopi negligētia, recipiantur, ita tamen vt populi deuotione quantum Catholicæ fidei ratio patitur, prouideatur; falsorum autem Miraculorum Auctoribus grauissimè ab Episcopis pœnæ irrogandæ erūt.

DE MAGICIS ARTIBVS, DIVINATIONIBVS, INCANTATIONIBVSQ. TOLLENDIS. RVB. VII.

Clericorum, nobilium secularium, mulierum Magicam artem sectantium pœna. Cap. I.

MAgi, Arioli, Venefici, Sortilegi, atq. alii huius generis satellites, ac Ministri Sathanæ eò miserorum hominum mentes deduxerunt, vt relicto Deo suo Creatore, pro recuperanda valetudine, rebus deperditis, tempestatibus arcendis, atq. aliis negotiis ad opem, & subsidium Daemonum confugiant; quicumq. igitur siue verbis, siue notis, cantionibus, characteribus, ligaturis, aut alio quocumq. modo, maleficam, sortilegam, veneficam artem profiteri, & colere repertus fuerit, si clericus, etiā quacumq. dignitate præditus, omnibus beneficiis priuatus,

uatus, quinquennio in vinculis coniiciatur. Relapsus autem tamquam incorrigibilis, & apostata, Curiaë sæculari tradatur, legitimis suppliciis afficiendus. Si verò laicus, & nobilis fuerit, ducentorum Aureorū pœna, pro dimidia Fisco, & altera egenis Monialibus applicata, mulctetur; ignobilis autem turpitudine dehonestatus, vel ad Triremes, aut ad carceres, aut in exilium relegatur. Mulieres illæ maleficæ, veneficæ, aut sortilegæ, quæ alicui, aut membri debilitationem, aut insanabilem ægritudinem attulerint, puerosq. fascinauerint, aut aliquo modo diabolicæ illius artis suspectæ, vel diffamata fuerint, & turpitudinis, & carceris, & exilii pœna ab Episcopis mulctentur.

Pœna confugientium ad auxilium, & consilium ipsorum. Cap. I. I.

Confugientes vero pro quacumq. occasione ad homines sortilegos, & maleficos, nec non qui confugiendi, aut eos consulendi auctores fuerint, ac præterea vanis, ac superstitiosis obseruationibus, & diuinationibus deditos grauissimè ab Episcopo puniendos esse decreuit. Et omnes tam clerici quam laici alias etiam pœnas incurrant, tam à iure communi, quam à nouissimo Lateranensi concilio sancitas.

Pœna Clericorum sine licentia ordinarij Energumen: Exorcis: adhibentium. Cap. III.

Nvlli Clerico sæculari, aut regulari liceat in posterū Energumenis Exorcismum adhibere, nisi de licentia

tia ordinarii in scriptis habita, & tunc cum summa reuerentia, & deuotione, & in ecclesiis, seu saltem corā pluribus honestis personis, huiusmodi religiosū opus perficiatur; transgressores autem carcere atq. aliis ab Episcopis animaduersionibus puniantur.

DE IVD AEIS. RVB. VIII.

*Iudæi festiuis diebus à negotijs abstineant, & ante Resurrectionis Pascha per triduum in eorum domibus re-
legentur. Cap. I.*

Ingentes Deo & Serenissimis Principibus nostris gratias habendas esse agnoscit hæc Sacra Synodus; quod eorum pietate ac religionis studio effectum sit, vt Iudæica prauitas, in commertiis, negotiis, ac omnibus aliis actionibus intra terminos ab Ecclesia permisso coherceatur. Tamen pro suo munere, admonendos omnes fideles esse censuit de iis, quæ à sacris Canonibus circa huiusmodi obstinatos Crucis Christi inimicos sunt præcipue interdicta. Iudæis igitur non liceat diebus festiuis ab Ecclesia receptis mercari, aut quocunq. modo negotiari, aut aliud quidquā agere à sanctorū temporū veneratione aliena, extra septa loci eis ad habitandum specialiter assignati; & præsertim triduo ante Pascha, adeo vt eo tempore neque ex propriis Domibus exire possint, & inobedientes pecuniarias Fisco applicandas, & carceris pœnas seuerissimè ab Episcopis plectantur.

Christiani

*Christiani aliquod ministerium non impendant Iudæis, &
eorum familiaritates effugiant. Cap. II.*

Sed ne libera feruiat ancillæ, ac in Iudæorum abominationē expressè sancitum est, vt Christiani nullo seruitutis genere Iudæis se addicant, non obstetricandi, lactandi, educandi, aut alicuius alterius ministerii eis opera præstent, sed & eorum Medicis, & cibis vti, & esculenta, & poculenta ab eis emere, & tandem societates, coniunctiones, nimias familiaritates cum eis habere omnino caueant, & qui non paruerint in excommunicationem incidant præter pœnas a sacris Canonibus statutas.

DE HAERETICIS. RVB. IX.

*Prohibentur tam publicæ, quam priuæ disputationes articulos
fidei tangentes. Cap. I.*

Episcopi singulare, ac maximum studium in eo potissimum impendere debent, ne ipsis dormientibus inimicus homo praua hæresum semina, doctrinæq., ac morum corruptionem disseminare, aut interferrere valeat. Idcirco rudium maximè ac præsertim suspectorum conuentus, Imperitorūq., atq. idiotarum, de his quæ ad fidem spectant, tam publicas, quam priuatas disceptationes, ac sermones cœteraq. huiusmodi periculosas occasiones prohibeant, ac penitus tollant.

Inquiratur contra suspectos Hæretic. Præuit. Cap. II.
Sedulò

Sedulô præterea dent operam inquirendis hæreticis, aut eo nomine suspectis, vt inuentos de suo ouili, cōstanter exterminent; parati etiam, si opus fuerit hac de causa sanguinem animãq. profundere. Quo Deo gratius, & ouibus suis salubrius in vniuerso suo munere efficere nihil possunt.

DE BLASPHEMIA. RVB. X.

Pœna contra blasphemantes, & executio constitutionis

Pij V.

Cap. I.

Blaspheмиæ scelus adeò detestabile est, vt sacrae litteræ abhorrentes nomen maledictionis, quo Blasphemia exprimi solet, in benedictionis nomen aliquando conuertant, Ad obstruenda igitur Blasphemantium ora pœnarum, & suppliciorum terror adhibitus, & auctus est a Fel. Rec. Pii V. nouissima Constitutione. Quæ pœnæ, & supplicia Episcopi studio debent à Parochis persape ad populi memoriã reuocari. Id que omnibus notum sit, quòd delinquentes, iuxta tenorem dictæ Constitutionis, pro modo culpæ, & personarum qualitate, sine aliqua remissione sunt omnino ab Episcopis puniendi. Qui si in executione negligentes fuerint, sciant se in proximo Prouinciali Concilio huius negligentia rationem reddituros.

Seculares iudices adhortantur contra huiusmodi seuerissimè procedere, eorūq. conuersatio fugienda, & incorrigibilium nomina Episcopo deferantur. Cap. II.

Magistratus

Magistratus quoque sæculares vehementer hortatur, vt contra Blasphemos feueriffimè procedant, ad hoc vt indulgentiam proximi Lateranensis Concilii confequi poffint; Itemq. omnes Chrifti fideles in Deū obsecrantur, vt non folū à Blasphemorum familiaritate abftineant, fed etiam vt quos incorrigibiles repere- rint, eorum nomina ad Epifcopos deferant.

Epifcopi societatem nominis Dei inftituant. Cap. III.

Atq. vt nihil prorfus omittatur, quod ad exterminationem tam atrocis peccati conducere poffit, Epifcopi in fuis Ciuitatibus, & Diœcefibus focietates nominis Dei (vbi non funt) quam primum inftituant, ea norma, regula, & indulgentiis propofitis, Quæ in Bulla Fel. Rec. Pii Quarti continentur.

DE FESTORVM DIERVM CVLTV, ET
OBSERVATIONE. RVB. XI.

*Fefiui dies obferuentur, & tempore eorum celebrationis fileant
comediæ, ioculationes, & id generis alia. Cap. I.*

Festorum dierum cultus facile homines adducere potest ad reliqua legis præcepta feruanda. Iccirco Epifcopi magnā diligentiam adhibeant, vt facri dies ecclesiæ præcepto, vel loci confuetudine obferuanda nullo modo in fuis Ciuitatibus, vel Diœcefibus violētur, quinimmo ita populi inftituantur, vt Ecclesias frequentent Miffæ celebrationi, ac diuinis officiis reuerēter interfint, totoſq. ad colendū Deū & verbis, & opere ſe trāsferāt. Atq. dū diuina celebrantur Circulatores, Præſtigiatores, Comediæ, & alii huius generis prohibentur, aut voce, aut in-

C

strumentis in publicis, vel quasi publicis locis canere seu saltationes, ludos, choreas, & alia nugarum irritamenta exercere, sub pœnis Episcoporum arbitrio imponendis, quæ in pauperum usu erogentur.

Rustici, & omnes à negotijs, & mercibus, ac consilijs ineundis, abstineant. Cap. I I.

OMnes verò a quibuscumq. illicitis, & seruilibus operibus, iudiciorū agitationibus, emporiis, nundinis, aliisq. mercatoriis cōuentibus exercēdis quocūq. nomine nuncupentur, abstineant, & maxime Rustici, qui in hoc sæpe delinquūt, nisi belli, aut imminētis alicuius periculi causa: cōuocationes etiam, quæ cōsilia vocāt, si necessitas vrget post vesp̄as tantū, dūmodo nō in Ecclesiis fieri permittātur, sed & esculenta, & poculēta vendari possunt, si tamen in Ecclesiarū atriis id nō fiat.

SESSIO SECVNDA

CELEBRATA DIE VIIII.

APRILIS MDLXXIII.

DE SACROSANCTIS ECCLESIIS RVB. XII.

Prohibentur de ambulationes, nugæ, & negotiationes in Ecclesia. Cap. I.

QVando Ecclesias, quæ sunt orationi tantum destinata, cultu, & honore fideles non reuerentur; consequens

sequens est, vt veniens Saluator noster iratus, & flagellis, & funiculis, è domo Patris sui eiiciat; & propterea nemini liceat, dum sacra fiunt, ac diuina celebrantur, siue prædicatur verbum Dei, in Ecclesiis deambulare, vociferari, nugari, negotiari, aut aliquid irreuerenter agere, neque eo tempore capitula cathedralium, aut collegiatarum Ecclesiarum congregare.

Ne iudiciales actus, colloquia cū suspectis mulieribus, nec commessationes fiant, nec hastata arma, & id generis alia deferantur in Ecclesia. Cap. II.

CAueant etiam omnes ne ita stent in Ecclesiis, aut auersi sedeant, vt reuerentiæ, quæ sacrosanctæ Eucharistiæ sacramento debetur, aliqua iniuria fiat. Non iudicia exerceantur, non cum mulieribus suspectis colloquia habeantur, non commessationes, aut compotationes fiant, nihil in porticibus, atriis, vel vestibulis aliquid, venale, etiam ad vsum sacrificii, vel Ecclesiæ exponatur; balistæ, sclopeta, aut hastata Arma in Ecclesiis non deferantur.

Mendici in Ecclesiis non possint petere eleemosinas, dum diuina celebrantur, præter Monialium agentes, & hoc post communionem Sacerdotis. Cap. III.

Illud quoq. prohibetur expressè, ne in Ecclesiis quibuscumq. etiam regularium, pauperes, aut mendici, ad petendas eleemosinas per Ecclesiam vagentur, inter

C ii Missa-

Missarum solemnia, aut dum diuina celebrantur, exceptis illis inopum monialium, & aliorum piorum locorum ministris, qui capsulas circunferunt, eisq. non aliter permissum sit, nisi de licentia Episcopi; & postquam sacerdos in Missa comunicauerit, eleemosinas petere, & qui omnibus in Ecclesiarum honorem supra statutis nō paruerint, cuiuscunq. qualitatē, & dignitatis, etiam regulares prāter pœnas in Bulla Fel. Rec. Pii Quinti sanctitas pro modo culpæ, ab Episcopis grauissimè puniantur.

DE IMMUNITATIBVS ECCLESiarVM.

R V B. X I I I.

*Confidit per Serenissimos Principes, tuendam esse libertatem
Ecclesiæ. Cap. I.*

TRidentini Concilii hortationes, quibus vniuersis Christianis omnibus populorum dominis Ecclesiarum defensionem, ac immunitates enixè commendat, quam alte in Serenissimorum Principum Etruriæ mente fixæ sint, quotidiana catholicæ fidei propugnatio, ac erga Ecclesiasticos viros, ac loca pia, & religiosa veneratio, ac beneficentia locupletissimè testantur. Quare dubitandum nullo pacto videtur; quin sibi ipsi constantissimè (vt semper fecerunt) curaturi sint, vt debitus Deo cultus, ac ministris, & mysteriorum eius dispensatoribus, legitimus honor exhibeatur; nec permissuri, vt officiales, magistratus, alii ue eorum administrationi constituti Ecclesiasticam iurisdictionem, & libertatem diuinis,

diuinis, & humanis legibus sancitam vlla ex parte violent impune, vt potè qui obsequētissimi Ecclesiæ filii, summorumq. Pontificum, ac omnium Pontificiarum Constitutionum, ac Decretorum Conciliarium obseruantissimi semper fuerunt.

Prohibet ne in locis vicinis Monasterijs, & Ecclesijs habitent mulieres inhonestæ, & ne Tabernæ, & Balnea aperiantur. Cap. II.

AT qui, vt iam Florentinis municipalibus legibus laudabiliter statutum est, vt religiosarum domorū ratio maximè habeatur, præsertim in quibus Deo dicatæ virgines perpetuò habitant, eodem modo interdicitur, ne feminæ publicæ inhonestè viuentes, nec ducen-
tis cubitis propè monasteria monialium, nec centum propè ostia, aut ingressus Ecclesiarum domicilium habeant. Quod si intra ea spatia ipsæ habitauerint, Aureis quindecim Fisco mulctentur; eademq. pœna subeant, quicumq. sine Episcopi licentia cauponarias tabernas, aut thermas, siue balnea in eodem ambitu habuerint, quiq. ad eos vsus domos, aut habitacula posuerint.

Declarantur quæ loca extra Ecclesiam sint immunia. Cap. III.

ET si iure vnicuiq. Ecclesiæ id immunitatis concessum videatur, vt confugientibus ad eas, per triginta passuum circuitum securitatem præstet. Quia tamen
propter

propter locorum angustiam, aut Ecclesiarum frequentiam Florentiæ totam ferè immunitas ciuitatem occuparet, vnde & iustitiæ vinculum nimis dissolueretur, declarandum visum est, ea tantum loca circa Ecclesias immunita esse, quæ notabili aliquo signo, a publicis viis, ceterisq. profanis locis in prædicta ciuitate Florentiæ, distinguuntur; in reliquis autem locis extra ciuitatem iuris communis priuilegia remaneant.

Cessantes sint securi in locis religiosis a captura, sed non Clerici. Cap. I I I I.

FVgitiui verò, qui Florentiæ, iure municipali, cessantes nominantur, in Ecclesiis, aut religiosis locis procul dubio protegi debent a captura, qua quidem immunitate minime frui possint ii in domibus, in quibus debitores ipsi, vel alii non seruientes Ecclesiæ, siue mercede, seu gratis inhabitant; sciant tamen clerici quod intra domum Ecclesiæ, & locos ei adiacentes nullo modo se prædicta libertate, & immunitate tueri possunt. Quominus in omnibus Episcopi iudicio, & executioni contra eos commissæ subiaceant.

DE ECCLESIIS REPARANDIS, AVT
VNIENDIS. RvB. XIII.

Uniones ex necessitate etiam inuitis dominis fieri de Parrochialibus, nisi patroni, vel alij Ecclesiarum indemnitati prouideant. Cap. I.

Parrochiales Ecclesiæ, quæ ita tenuis redditus sunt, vt necessario pro ædificiis tuendis, alendo rectore, ac aliis cultui

cultui diuino opportunis sumptus non sufficiat, nec aliter tali incōmodo prouideri potest, Episcopi habita vicinitatis, ac frequentia Parrochianorum ratione, serua-
 taq. Concilii Tridentini Decretis præscripta forma, aliis vniant Parrochialibus. Quod si ius Patronatus, aut præsentandi in eis habentes cōtradixerint, & ad Episcopi mandatū supradictis necessitatibus congrue consulere voluerint, audiantur; sin autem aut recusauerint, aut contempserint, Episcopi ipsis Patronis etiam inuitis dictas vniones facere nullo pacto differant. Nisi alii sint, qui religione aut pietate ducti propriis bonis velint, & Ecclesiæ ruinas sarcire, & redditus ita augere, vt rectoris sustentationi, ac aliis necessariis sumptibus satis sit, seruatis solemnitatibus, ac vocatis vocandis. Et hi iuris patronatus, aut præsentandi partem pro ratha in perpetuum acquirant, facta iuxta omnium Ecclesiæ bonorum æstimatione eorum, quæ ipsi in dotem, & instauratiōnem contulerint, reliqua parte in quolibet prædictorum casuum reseruata pristinis patronis, qui ter ab Episcopo moniti instaurare, ac dotem supplere ipsi neglexerint.

Dirutis Ecclesiis prouideatur, & quomodo. Cap. II.

Ecclesias non curatas fermè collapsas Episcopi instaurandas curent, aut oratoria ibidem erigendo, vel si id non videbitur expedire, in alias transferant Ecclesias; vbi sub titulis sanctorum, seu sanctarum quibus antea Ecclesiæ dicatæ erant, altaria construantur, & pro reddituum quantitate diuinus ibi cultus instituat, ita
 tamen,

tamen, vt in area dirutæ Ecclesiæ signum Crucis erectum semper appareat.

Vnionum litteræ ab annis quadraginta, Episcopi videant, & iudicent. Cap. III.

Qui beneficia tenent non ante Annos XL. vnita infra tempus ab Episcopo præscribendum vnionū litteras Ordinariis exhibeat, qui re cognita decernent, quæ per surreptionem, vel obreptionem impetratæ, & obtentæ irritæ sint habendæ, vt dicti Tridentini Concilii Decreto statuitur: quorū etiam pœne imponantur.

DE ECCLESIA CATHEDRALI
VACANTE R. V. B. XV.

Ecclesia Cathedrali Vacante, quid sit exequendum. Cap. I.

Cum primū aliquam Cathedralem Ecclesiam Deo disponente vacare contigerit, Pastoris defuncti exequiæ ea qua decet pietate per totam Diœcesim celebrentur, & assiduè publicæ, & priuatæ supplicationes fiant, in quibus vniuersus Clerus humiliter, ac religiosissimè a Deo petat orbato Gregi Pastorem, qui ad tanti ministerii munus idoneus & aptus esse possit.

Mortuo Episcopo à Capitulo constituantur Vicarius, & æconomi. Cap. II.

Post obitum vero Episcopi capitulum infra octo dies Vicarium constituat, vel existentem cōfirmet, qui sit

fit Doctor, vel licētiatus in iure canonico, vel aliās quantum fieri poterit idoneus, atq. item vbi fructuum percipiendorum ei munus incumbit, Capitulum vnum, vel plures œconomos decernat, qui rerum temporalium curam gerant, & Episcopo futuro rationem reddant; quod item facere teneatur vicarius, officialis, & alius quilibet administrator, qui sede vacante, à capitulo, vel ab aliis constituti fuerint, quod si capitulum in præmissis negligens fuerit, ad Metropolitanum, si comprouincialis Ecclesia fuerit, & si Ecclesia ipsa Metropolitana fuerit, aut exempta, capitulumq. vt præfertur negligens fuerit, tunc ad antiquiorem Episcopum ex Suffraganeis in Metropolitana, & propinquiorem Episcopum in exempta huiusmodi deputatio deuoluatur.

FORMA PRAESCRIBENDA INQUISITIONIS

DE EPISCOPO PROMOVENDO. RVB. XVI.

Qualitates Episcopi promouendi, & forma seruanda in examine, & alijs requisitis. Cap. I.

Qui aliis præest, ea vitæ morum, & scientiæ excellentia fulgere debet, vt meritò à Sancta Tridentina Synodo præcipiatur, & exactissimā de qualitatibus præficiendorum Cathedralibus Ecclesiis Inquisitionem esse faciendam, & eius Inquisitionis formam in Concilio prouinciali esse præscribendam: iccirco hæc sacra Synodus infra scriptam examinis formulam a Sanctissimo D. N. comprobendam proponit, videlicet:

An legitimis natalibus, & ex catholicis parētibus ortus.

D Quibus

Quibus in locis, & quomodo fuerit educatus.

An triginta annis maior sit.

Quæ conuersatio vitæ, & fama eius a pluribus annis fuerit.

An sit criminosus, Digamus, vel Apostata.

An publicam pœnitentiam egerit.

An sanæ mentis, & domui suæ bene præpositus.

Item quam modestiam, prudentiam, sobrietatem, continentiam, & alias virtutes in actionibus suis ostenderit.

Deinde a quo tempore sacris ordinibus sit initiatus, & an in eis per sex menses saltem antea sit constitutus.

An sit in vniuersitate studiorum magister, siue doctor, aut licentiatus in sacra Theologia, vel iure Canonico meritò promotus, aut publico Academiae testimonio ad alios docendos idoneus ostendatur, eiq. declarandus, vel locus vnus ex nouo vel veteri testamento, aut ex sententiis Theologicis, vel ex decretalibus, aut decreto proponatur, ita vt propositiones etiam disputando tam in Theologia, quam in Iure Canonico tueatur; absoluto vero hoc examine ab eo, cui a Sanctissimo D. N. hoc onus demandatum fuerit, & probatis omnibus superscriptis, per quinq. saltem testes omni exceptione maiores publicum fiat instrumentum, quod vnà cum ipsius promouendi fidei professione ad summum Pontificem obsignatum quam primum fideliter transmittatur.

DE

DE DIGNITATIBVS, ET CANONICIS.

R V B. X V I I.

Quales esse debeant Canonici adsumendi. Cap. I.

EPiscopi summopere studeant, vt ad quarumcumq. ecclesiarum dignitates, & canonicatus ii adsumantur, qui & ipsis opera, & officiis præsto sint, & morum integritate, doctrina, & vitæ exemplo efficiant, vt meritò eorum cœtus Ecclesiarum senatus dici possit.

Quæ sint partes, & officia Canoniorum. Cap. II.

IN dignitatibus aut canonicatibus cōstituti, ceteriq. ecclesiarum seruituti addicti, statis horis attentè diuinis adsint officiis; non tunc vagentur per ecclesiam, ne vè à choro discedant, nisi precibus absolutis, aut aliqua compulsi necessitate, in choro propriis quiq. sellis confideant, concordii voce, & corde psallant, simul omnes debitis opportunitatibus adsurgant, sedeant, genua flectant, capita detegant, & nihil alienum diuinis misceant, priuatum officium non recitent, litteras nō legant, non obstrepant, nō colloquantur; si verò aliqui in his offenderint, quas percepturi essent distributionibus careant, aliterq. pro culpæ grauitate corripiantur.

Vt habentes etiam solam præbendam, eisdem curis, & officijs, sint abstricti, & ultra tres Menses non absint sub pœna. Cap. III.

D ii Omnes

OMnes dignitates, & canonici tam cathedralium quàm collegiatarum teneantur omninò, secundùm ecclesiæ consuetudinẽ in suis ecclesiis deferuire. Quod Decretum etiam illos cõprehendat, qui præbendã tantum habent, adeò vt putent se ad hoc seruitiũ minimè obligatos esse: hoc etiam expresse declarans quod non liceat vigore cuiuscumq. priuilegii, aut consuetudinis vltra tres menses ab eisdẽ ecclesiis quolibet anno abesse; alioquin primo anno priuetur vnusquisq. dimidia parte fructuũ, quos ratione etiam præbendæ ac residentiæ fecit suos. Quod si iterum eadem vsus fuerit negligentia, priuetur omnibus fructibus, quoseodem anno lucratus fuerit; crescente verò contumacia Episcopi contra eos iuxta sacrorum Canonum Constitutiones procedant.

Eorum habitus sit conformis. Cap. IIII.

IN Chorò autem omnes dignitates, & canonici tam cathedralium, quàm collegiatarum conforment se in habitu, in processionibus, funeralibus, omnibusq. aliis ecclesiasticis functionibus, nisi aliquis propriũ habitũ prætendat, quod intra tres menses Episcopo probare debeat. Contrafacientes verò distributionibus careant illius diei, ac etiam arbitrio Episcopi puniantur.

Ad Episcopum una cũ duobus e capitulo spectant ordinationes, & reparationes chori, & aliorum id generis. Cap. V.

Reliqua hic non memorata, quæ ad diuini cultus institutionem, aut reparationem ad chori legem, & ordinem

ordinem, aliorumq. ministrorū conformationem pertinent, Episcopi duobus è Capitulo in consilium vocatis, vt præcipit eadem Tridentina Synodus pro ecclesiarum conditione adimplere studeant.

DE CELEBRATIONE MISSARVM. RVB. XVIII

IN Sacrosancto Missæ sacrificio iuxta sacri Concilii Tridentini præscriptum diligenter Episcopi infra scripta seruanda, & cauenda curabunt.

Quæ sint seruanda in sacrificio Missæ, & quod quicūq. sacris initiati, seu simplex beneficiū obtinentes iuxta modum Roma. Breu. diuinum officium recitent.

Cap. I.

OMnes huius Prouinciæ sacerdotes, etiam regulares, qui Romano Missali vtuntur, in omnibus in dicti Missalis formula præscripti ceremoniis, ac ritibus omninō, & ad vnguem conueniant; officium etiam diuinū iuxta modū Breuiarii Romani recitetur, & quicumq. sacris initiati, aut beneficium etiam simplex obtinentes horarias preces prætermiserint, his pœnis puniantur, quæ in Lateranensi Concilio, & in Bulla Fel. Rec. Pii Papæ V. sancitæ sunt.

Peregrinos clericos, & diuersæ Diœcesis, non posse sacrificium Missæ celebrare, nisi sint testimonialibus litteris muniti.

Cap. I I.

Presby-

Presbyteris alienæ Diœcesis nullo modo Missæ celebrandæ in suis ecclesiis licentiam Episcopus concedat, nisi proprii Ordinarii testimoniales litteras habeant, adeò recentes, quibus pro locorū, vnde aduenerint, distantia fides adhiberi possit. Quod si vetustate suspicionem parerent, illiq. asserant, aliis se in locis commoratos, nō antea ad celebrandum admittant, quam illorū locorum quò diuerterunt testimonio, eorum mores, ac vita probata fuerit.

Quid agendum sit Sacerdoti ante celebrationem. Cap. III.

Sacerdotes antequam accedant ad altare, Missam accuratè præuideant, huius sacræ Synodi auctoritate XL. Dierum indulgentiam, quam illa modo cōcedit, consecuturi; monentur præterea in Domino, vt studeant quæ lecturi sunt, præsertim omnem canonis rationem plenè intelligere, quæ ignorare eorum est officio maxime indignum.

Celebraturi, & induti aliquem non adloquantur, nec birretum in altari teneant. Cap. IIII.

Sacris porrò vestibus induti neminem ipsi adloquantur, aut audiant adloquentem; mentemq. & oculos quam fieri poterit, auertant ab his, quæ ad aliena distrahere possint: nullum capitis, aut alterius membri tegumentum. aliud vè id generis in altari locent, neq. ab offertorio, vsq. quo oblationē sumpserint, etiam subireto tegantur, atq. de altari nihil amoueatursi nisi tota Missa

Missæ completa; quod ut diligentissimè fiat, Episcopi operam dabunt.

Consueto, & congruo tempore Missæ celebranda, nullius privati habito respectu. Cap. V.

OMnibus etiam Sacerdotibus præcipitur, ut nullius privati causa horam Missæ popularibus suis accommodam, aut anticipent, aut differant. Neq. in ea, aut conciones, aut alia quæ diei officium, aut festi celebritas exposcat, prætermittant: nec Missam inchoatam adueniēte aliquo repetant, nec ad altare expectent, aut alia ratione contra rei sacræ decorum, aut populi utilitatem alicui obsequium præstent. Quod si quis ante termonitus ad aliquid prædictorum minis aut metu aegerit, si quidem clericus, beneficium obtinens, eo ipso illo priuatus existat; non habens, ad obtinendum inhabilis reddatur; si vero laicus fuerit excommunicetur, atq. ecclesiastici fœudi, ac emphiteusis incapax sit; sacerdos autem spontè huius decreti violator pro culpæ gravitate ab Episcopo puniatur.

In Societatibus secularium non celebretur Missæ diebus festiuis, antequam Parrochus suam absoluerit, sub pœna. Cap. VI.

PROhibetur quoq. ut Dominicis, & festiuis diebus in Confraternitatibus, & Societatibus laicorum quocumq. nomine nuncupatis Missæ celebrentur, antequam Parrochus in sua Ecclesia, in cuius Parrochia illa Societas

tas

tas fita est, Missam absoluerit; alioquin Gubernatores, Syndici, & alii dictorum locorum ministri, si correcti non paruerint, & pœnis, & censuris ad obediendū omninò cogantur. Et Sacerdotes etiam, tam sæculares, quā regulares per duos menses a diuinis suspensionem incurrant, quoties eo tempore in dictis locis celebrauerint.

Nec ante auroram, nec post meridiem, nec bis in die celebretur sub pœna. Cap. VII.

Missa ante auroram, nec post meridiem, nisi ex legitima causa, iure expressa, prohibetur. Et sacerdos qui contrafecerit, & qui bis in die celebrauerit à Ministerio altaris per biennium suspensus esse intelligatur, & graui etiam ab Episcopo animaduersione afficiatur.

Anniuersaria in rusticanis ecclesiis quibusdam anni temporibus ne fiant. Cap. VIII.

Anniuersaria defunctorum officia in rusticanis Ecclesiis nullo modo fiant, a die Dominicæ Passionis, usq. ad completam octauam Resurrectionis: nec Parrochi propterea ouium suarum eo tempore necessariā curam deserant, transgressoresq. Ordinarii iudicio pœnas luant. Conuentualis autem Missa, quæ populi dicitur, & officio conformis in cathedralibus, & collegiatis Ecclesiis nullo vmquam tempore prætermittatur.

Parrochi

*Parrochi diebus festiuis proprias oues ne deserant, nec ann:
vel voti: Missas dicant. Cap. IX.*

EPiscopi vetent, ne Parrochi Dominicis, aut aliis festiuis diebus ad alienas Ecclesias quocūq. prætectu cōuolantes, missis populares suos defraudent; quin etiam his diebus Anniuersarias, aut votiuas Missas celebrare caueant. Quare ita hæc disponant, vt Parrochianorum & Ecclesiarum simul ratio habeatur, pœnis quæ si bi videbuntur impositis.

*Altaria indotata dotentur, & curentur, & ponitur forma
altaris portatilis. Cap. X.*

Altaria, quibus est dos constituta, cogantur eorum Rectores rectè curare, & quæ dote carent, ante à cōstructoribus, seu eorum successoribus, pro dignitate instaurantur, exornentur, aut amoueantur. Portatile vero altare ea latitudine, & longitudine habeatur, vt Calicē, & hostiam superpositam, commodè, ac sine periculo capere possit, ac triplici, vt debet, velamine contegatur, eiusq. forma ab Episcopis pro vasis in eo locandis, magnitudine præscribatur, & non parentes eorum arbitratu mulctentur.

Prohibentur mercedes & munera in Missis nouis, ac præcipitur examinatio ab Episcopo de futuro Sacerdote. Cap. XI.

TRidentinæ Synodi auctoritate prohibeant Episcopi quoscumq. etiam exemptos à quibuscumq. mercedum

dum conditionibus, pactis, acceptationibus munerum in nouis Missis, & earum, quæ publicæ oblationes dicuntur, nec non ab omnibus importunis & illiberalibus exactionibus potius quam postulationibus, aliisq. eiusmodi, quæ a symoniæ labe, vel certè turpi quæstu non longè absunt. Nullus etiam ad nouæ Missæ celebrationem admittatur, nisi prius fuerit ab iis, quos Episcopus designauerit, examinatus; qui autè in iis deliquerint, per sex menses ipso iure ab altaris ministerio sint suspensi, & Episcopi arbitrio puniantur.

Puniuntur qui in priuatis locis celebrant. Cap. XII.

QVam pœnam etiam incurrat Sacerdos, qui in priuatis ædibus, aut alio in loco, præterquam in Ecclesiis, aut oratoriis diuino cultu dedicatis, ac ab Episcopo designatis seu visitatis, Missam audeat celebrare.

DE PRÆDICATIONE VERBI DEI.

R V B. XIX.

Admonet Episcopos ad prædicationis munus, vel ad eligendos idoneos viros ipsis impeditis, & parrochi singulis festiuitatibus, & in Quadrag. & Aduent. prædicent; aliàs eorum impensis alius satisfaciat. Cap. I.

QVoniam prædicandi munus ab Apostolo omnibus Pastoralibus Muniis longè præfertur, Synodus Episcopos etiam per viscera D. N. hortatur, vt in hanc curam toto animo incumbant, atq. ipsi oues suas verbi diuini

diuini prædicatione pascere non prætermittant; quod si legitimè impediti fuerint, idoneos viros eligant, qui hoc munus diligentissimè præstent; idem etiam fieri current a Parrochis omnibus Dominicis & solemnibus diebus, tempore autem ieiuniorum, Quadragesimæ, & Aduentus Domini quotidie, vel saltem iis diebus, quibus Episcopi ipsi expedire iudicauerint, Parrochis verò impeditis per alios impensis eorum, qui eas præstare tenentur, vel solent deputandos in Ciuitate, aut quacūq. parte Diœcesis prædicandi munus expleri Episcopi current. Illud tamen semper Parrochi sibi propositum habeant, quod oues sibi ad pascendum commissæ magis Pastoris simplicitate, & caritate, quam aliorum altiori, & exquisitiori doctrina instrui, & erudiri poterunt.

Idem statuitur contra exemptos Parrochiales obtinentes.

Cap. I I.

IN Parrochialibus quoq. ab Episcopi iurisdictione, quauis ratione exēptis, aut alicui Monasterio, congregationi, aut hospitali etiam extra Diœcesim existenti, annexis, vel vnitis, modo re ipsa in Diœcesi sint per censuras ecclesiasticas, & alias eorum arbitrio pœnas, ac etiam omnia remedia à Sacrosancto Concilio Tridentino statuta Episcopi prouideant, vt supradictis temporibus fidelis populus pabulo cælestis doctrinæ, & verbo vitæ nutriatur per Prædicatores ab Episcopis ipsis eorum impensis, qui dictarum Ecclesiarum fructus percipiunt, deputandos.

E ii Quod

*Quod regulares absq. Episcopi benedictione non prædicent
etiam in propria Ecclesia, & interdicitur prædica-
tio regularibus extra Claustrum moranti-
bus. Cap. I I I.*

MEminerint regulares, quod, nisi ad petendam benedictionem coram Episcopis se prius personaliter præsentauerint, nullo modo in ecclesiis propriis suorum ordinum, & præsertim contradicente Episcopo prædicare possint; in aliis autem Ecclesiis Episcopi licentiam in scriptis, quæ gratis detur, habere debeant, & qui contra fecerit, per sex menses sit ipso facto suspensus, & crescente contumacia, etiam excommunicatione feriatur: Regularibus, autem extra claustra, & obedientiam religionum suarum viuentibus, prædicatio interdicitur etiam quorumlibet priuilegiorum prætextu; donec super ea re sancta Sedes Apostolica consulatur.

*Quale sit officium Prædicatoris, & à quibus se abstinere
debeat. Cap. I I I I.*

QVicumq. autem hoc prædicandi officio funguntur, ab omni interpretatione, quæ puro, & vero sensu sacræ scripturæ ab ecclesia catholica recepto non conueniat, aut à sanctis Patribus, & Doctoribus probatis discrepet, prorsus abstineant; sed omnem scripturam ad geminam Dei, & proximi exigant caritatem; cū summa finis, ac plenitudo legis, ac scripturæ sit dilectio. Exempla, & historias ex Apocryphis scripturis ineptas, ac ridiculas fabulas, profana insuper, & vaniloquia, futilem

tilem, & inanem loquacitatē, quæ ratiocinationibus humanis falsam scientiæ opinionem quærunt, maxime fugiant: vnicus autē prædicationis scopus sit, vt Christū prædicent, & hunc Crucifixum; qui dedit semetipsum pro nobis, vt nos redimeret ab omni iniquitate, & munderet sibi populum acceptabilem, sectatorem bonorum operum; ad quæ omnia maximam vim habere, ipsis persuasum sit; si vitia, & virtutes; præmia & pœnæ populis proponantur.

Prohibetur omnis prædicationis nocturna. Cap. V.

ET tandem vt hoc ministerium ad salutem animarū institutū, ab omni irreuerētia alienum sit, statuit vt verbum Dei quocūq. anni tempore diurnis tantū horis, & passio D. N. Iesu Christi lucente die, non autē noctu per Prædicatores prædicetur; atq. eo tempore id maximè seruetur, vt nihil fiat, aut dicatur, etiam ad prouocandas lacrymas, quod à Christiana disciplina aliquo modo abhorreat.

DE PRAEBENDA THEOLOGALI.

R V B. X X.

Quod sacra Theolog: publicè profiteatur, & legatur, & assignetur merces. Cap. Vnico.

Nihil minus negligere oportet Episcopos, quàm executionem decreti sacri Concilii Tridentini de lectoris sacrae Theologiæ. Quidquid est in vna quaq. Ecclesia

clesia cathedrali, vel oppidi insigni collegiata, quā primum constituatur, cum assignatione liberæ præbendæ primo vacaturæ, aut, vbi nulla fuerit, aliqua mercede, aut alia ratione; quæ Episcopi iudicio magis ecclesiæ statui conuenire poterit; & vt pium hoc, & tam fructuosum opus, nullo modo inane relinquatur; si sæculares Clerici non reperiantur ad hoc munus idonei; regulares adhibeantur; lectio autem habeatur tempore ab Episcopo statuendo, & in iis tractandis potissimum versetur, quæ magis pro loci, & personarum qualitate opportuna esse idem Episcopus iudicauerit, & Clerici cuiuscumq. gradus non solum in audiendo assidui sint, sed etiam ad eam scientiam, quæ maximè in eis requiritur, multum se profecisse in dies probare valeant.

DE INITIIS FIDEI A PARROCHO

TRADENDIS. RvE. XXI.

Initia fidei pueros docenda. Cap. Un.

Singulis Dominicis, & festiuis diebus stata hora, & proprio campanæ sono, Parrochi pueros omnes ad Ecclesiam conuocent, vbi initia fidei eos doceant, & ad obedientiam primum Deo, deinde parentibus præstandam, atq. etiam ad ea omnia, quæ ad Christianam religionem pertinent, accuratè instituunt. Hortatur autem parentes, vt idem ipsi domi faciant; atq. etiam curent, vt filii hanc tam salutarem Disciplinam negligere non possint.

DE

Quod erectio seminarii iuxta Concilij decreta exequatur,

& quod infra sex menses instituatur ex fructibus

mensæ Episcopalis, ac aliorum locorum etiam

exemptorum & quod constituatur ta-

xa. Cap. I.

ERECTIO seminarii Clericorum tam accuratè, & multis verbis est a Sancto Tridentino Concilio pertractata, vt faciliè omnes intelligant, quanta in hac re, & cura, & opera Episcoporum requiratur. Iccirco eos in Domino hæc Synodus hortatur, & monet, vt hoc tam piũ, & necessarium opus executioni demandare nullo pacto differant; & vbi iam institutum non est, infra sex menses a fine huius prouincialis Synodi omnino instituant; adeo vt ex fructibus cuiusq. mensæ Episcopalis, & Capituli, aliarumq. collegiatarum Ecclesiarum, & quorumcumq. beneficiorũ Ecclesiasticorũ cũ cura, & sine cura, Abbatiarum, Prioratũ, & quocũq. alio nomine nuncupentur, etiam exemptorum, etiam si nullius Diœcesis fuerint, hospitalium quæ dantur in titulum, & administrationem, & ex fabricis Ecclesiarum, seu Corporum, vel Confraternitatum, exceptis iis, quæ in Decreto Concilii Tridentini excluduntur, & ex quibuscũq. aliis Ecclesiasticis redditibus, quocũq. nomine vel causa percipiantur, etiam pensionibus, quantumlibet exemptæ fuerint, taxa constituatur, quæ singulis annis ad rationem dimidiæ decimæ ad antiquam taxam relatæ reducatur, quæ summa ab Episcopis minui posse decernit.

nit, communicato Consilio duorum de Capitulo, & duorum de Clero, qui iuxta formam Concilii Tridentini electi fuerint; coram quibus etiam rationes reddituum Episcopi singulis annis repetere debent. Eius autem taxæ exactio post dictum tempus sex mensium exigi debeat; & ita deinceps vno quoque anno, donec seminario aliqua beneficia simplicia ex auctoritate eiusdem Concilii vnita fuerint, & ea tamen ratione, ut iuxta redditus beneficiorum, quæ seminario attributa fuerint, taxa proportionabiliter, aut in totum, aut in partem remittatur.

Qualitas, & officium adsumendorum in collegium seminarij. Cap. II.

Eorum verò, qui ad hoc collegium adsumuntur, ætas, scientia, mores eiusmodi sint, ut nihil à præscriptione Concilii Tridentini discrepare videantur; atque ea religione, modestia, & obediëntia viuant, ut verè ad pietatem, & ad diuinum cultum institui, & educari omnibus notum esse possit; eaque ut perpetuò seruentur, Episcopi sæpius ipsa seminaria visitabunt, aut à Deputatis visitari curabunt.

Eorum electio ad Episcopum pertineat. Cap. III.

Electio eorum, qui in iisdem collegiis erunt recipiendi, ad Episcopos tantum Synodus pertinere decernit. Qui non modo pueros eligere debent, sed etiam adultos, de quibus sperandum sit, ut breui ad sacros etiam presbyteratus

sbyteratus ordines promoueri mereantur, atq. etiã pau-
peres presbyteros beneficio carentes admittere possint.
Quos omnes puniant, expellant, & eiiciant, quando di-
scipulos, incorrigibiles, ac malorum morum seminatores
repererint.

DE BENEFICIORVM COLLATIONE.

R V B. XXIII.

*Beneficiandi in concursu eligi debent, & circa resignationes
obseruetur constitutio Pij V. (cap. I.*

DVm Parrochiales Ecclesiæ conferuntur, animarũ sa-
luti consulere, non hominũ cupiditati obsequi, pro
ea quam Iesu Christo debent pietate, Episcoporum par-
tes sunt; Illos igitur eligant in concursu, qui officii sui
onus dignè sustinere possint, ac prompto animo subi-
re velint; indignos autẽ, ac præsertim eos, qui sua, & suo-
rum quærunt, non quæ Iesu Christi, omnino reiiciant;
in admittendis autem resignationibus ea omnia, quæ a
Fel. Rec. Pii V. constitutionibus sancita fuerunt, Epi-
scopi exactè seruent.

*Patroni laici etiam vltro quid oblatum non accipiant, & pro-
hibentur confidentiæ cum pæna. (cap. II.*

HI, quibus in beneficiis præsentandi, eligendi, aut no-
minandi ius est, nihil omnino eius causa accipiant
ab illis, quos præsentauerint, elegerint, aut nominaue-
rint, etiam si vltro oblatum fuerit: neq. per conductio-

F nem

nem bonorum ecclesiæ eadem ex causa, aut suo, aut alieno nomine factam illos ex eis fructus percipiant. Caueant autem Episcopi, ne fiduciaria beneficia fiant, neue tacitè, aut expressè conuentum sit, vt ad alterius voluntatem alter titulo renunciare teneatur: quod ad Symoniacam labem accedere, tum sacris Canonibus, tum Quarti, ac Quinti Piorum constitutionibus declaratum est. Qui autem talia commiserint, ipsi tantum iure supradicto præsentandi, eligendi, ac nominandi ammissi, indictas sacris legibus contra Symoniacos pœnas etiam pendât. Quiq. præsentati, electi, aut nominati ab illis fuerint, locationis, aut alio quouis titulo electoribus, præsentatoribus, aut nominatoribus, beneficiorum ipsorum fructus capiendi, administrandi potestatem faciant, excommunicationis vinculo innodentur.

Beneficiati infra mensem debent facere inuentarium.

Cap. I I I.

QVicumq. beneficia consequentur, infra mensem ab adepta possessione omnium bonorum, tam mobilium, quam stabilium inuentarium Ordinario offerre teneantur, & qui omiserint, eiusdem arbitrio grauem subeant pœnam.

Quod statuatur certa merces notario pro labore collationis.

Cap. I I I I.

STatuant Episcopi iustam mercedis summam, quæ Notariorum scriptori, aliorumq. ministrorum labori, operæ

operæ ac sumptui collationis litteris debeat; ita ut trāscendi pro illorum cupiditate, aut mutari non possit, eaq. taxatio in affixa tabella præscripta in Episcopali curia habeatur, Aliiq., si vlli irrepperint, abusus omnino tollantur.

Quales esse debeant examinatores eligendi. Cap. V.

EXaminatores eorum, qui promouendi sunt ad beneficia, in diœcesanis Synodis ii eligantur, & cōprobentur, qui religione, vitæ integritate, aliisq., quæ Tridentinum iubet Concilium, virtutibus, & ornamentis ceteros antecellant; in quo non solum Cathedralis capituli, sed aliorum etiam Clericorum, ac regularium ratio habeatur. Munera autem examinationis occasione, aut aliud quidquam illi non accipiant quod etiam Episcoporum Vicariis, aut aliis, qui examini intererunt, similiter interdictum declaratur; alioquin in pœnas a Concilio Tridentino statutas incidisse fesciant.

DE EDICTO PROPONENDO PRO PAR-

ROCHIALIBVS VACANTIBVS. RVB. XXIII.

Vacante Ecclesia in primis instituatur æconomus, & patroni infra x. dies presentent, & fiat concursus electorum. Cap. Vn.

VT in Ecclesiis Parrochialibus conferendis animarum regimini & saluti cōsulatur, Episcopis magno-

F ii pere

pere curandum est; vt non nisi illi dictis Ecclesiis præficientur, qui officio suo valeant satisfacere. Qua propter habita notitia vacationis, idoneum in ea Vicarium, cum congrua eorum arbitrio fructuum portione constituent: & Episcopi, aut qui ius præsentandi, eligendi, aut nominandi habent, intra decem dies, seu aliud tempus ab Episcopis præscribendum, aliquos Clericos ad regendam Ecclesiam idoneos nominent. Et alii etiam, qui aliquos ad id aptos nouerint, eorum nomina deferre possint; aut Episcopi ipsi dicto proposito ad certam diem conuocent, & ita vocati, nominati, præsentati, & electi, examini se subiiciant, quæ fieri debet ab examinatore in Diocesana Synodo deputatis, ea ratione, vt per concursum magis idoneo iuxta Decretum Concilii Tridentini, beneficium conferatur, ita tamen, vt ætas grauior, mores & vitæ integritas in æquali litterarum scientia præponderent, atq. illi qui ex eadem Diocesi, & multo magis qui eiusdē loci fuerint, in quo Ecclesia vacans constituta est, extraneo ceteris paribus præferantur.

DE PLVRALITATE PARROCHIALIVM.

R V B. X X V.

Retinens plures parrochiales, omnibus priuetur, & fructus restituat. Cap. Un.

SIqui sunt, qui contra quam statuit Tridentina Synodus, plures retinent Parrochiales, Episcopi omnibus eos priuatos esse declarent, fructusq. quos indebitè perceperunt

ceperunt, ab ipsis exactos in fabrica Ecclesiæ conuertant, atq. sine vlla remissione impendere faciant

DE RESIDENTIA. RVB. XXVI.

Decretum de residentia summa cura seruandum, nisi ex causa. Cap. I.

CVM Pastorum residentia tam valdè commēdetur, & districtè præcipiatur, tum à Summ. Pont. tum a sacrorum conciliorum constitutionibus, tamquam illud vnum fundamentum, in quo spes omnis sit collocata retinendæ ecclesiasticæ disciplinæ; nulla potest in hac re adhiberi, aut opera, aut diligentia, quæ satis sit. Iccirco hæc sacra Synodus omnes Episcopos monet; & in Domino, atq. etiam per viscera D.N. hortatur, & alios omnes inferiores, qui curam animarum habent, etiam eis præcipiendo requirit, vt diuinorum præceptorum memores Gregi suo inuigilent, atq. assistant eo studio ac pietate, vt nihil quod ad salutem ouium sibi creditarum pertinet, vllò vmquam tempore ab illis desiderari possit. Cum vero aut pro christiana caritate, vrgenti necessitate, debita obedientia, ac euidenti Ecclesiæ, & reipublicæ utilitate, attenta temporis, personæ, ecclesiarum, ac locorum qualitate, prouidendum erit; Episcopi prius causam optimè, & cognitam, & probatam habeant, atq. licentiam in scriptis, & gratis concedant; modo vltra bimestre tempus absentia, non nisi ex graui causa extendatur.

Vicarij

*Vicarij Foranei, & plebani significant Episcopis non
residentes. Cap. I I.*

Sed ne vlllo vmquam tempore non residentiũ, aut incognita, aut impunita remaneat, committitur Vicariis Foraneis, vna cum testibus Synodalibus, & Plebanis tam coniunctim, quam diuissim, vt nomina eorum, qui in propriis ecclesiis non resident, quam primum deferant, sub pœna excommunicationis & aliis pœnis ab Episcopis imponendis.

Episcopi non residentis pœna. (Cap. III.

Quod verò ad Episcopos attinet, & si non dubitat hæc sacra Synodus eos proprii muneris perpetuo memores fore, tamen pro suo officio nō potest nō commemorare; quod præter pœnas, quæ contra non residentes a Concilio Tridentino constitutæ sunt; quotannis respectiuè, vel Metropolitano, vel antiquiori Suffraganeo, vel Episcopo viciniore causas absentiæ probare debent: aliàs tam fabricæ Ecclesiæ, quàm pauperibus loci ius fructuum, & reddituum, quos non residendo amiserunt, sciant omnino quæsitum esse. Et propterea tã gubernatoribus fabricæ quam aliorum piorum locorum, hæc Synodus districtè, & in virtute sanctæ obedientiæ præcipiendo mandat, vt fructus, & redditus, vt supra sibi ratione non residentiæ acquisitos, sine aliqua dilatione, aut temporum interpositione integrè, & realiter exigant; & tandem, vt sacro Concilio Tridentino satisfaciatur, Decreta super residentia, quæ tam sub Paulo
Tertio

Tertio, quam sub Pio Quarto statuta fuerunt, inferenda & publicanda hoc loco decreuit, videlicet.

SI quis à Patriarchali, Primatiali, Metropolitana, seu Cathedrali Ecclesia sibi quocūq. titulo, causa, nomine, seu iure commissa, quacumq. ille dignitate, gradu, & præminetia præfulgeat, legitimo impedimento, seu iustis, & rationabilibus causis cessantibus, sex mensibus continuis extra suam dioccesim morando abfuerit, quartæ partis fructuum vnius anni, fabricæ Ecclesiæ, & pauperibus loci per superiorem ecclesiasticum applicandorum, pœnam ipso iure incurrat. Quod si per alios sex menses in huiusmodi absentia perseuerauerit; aliâ quartam partem fructuum similiter applicandam eo ipso amittat. Crescente vero contumacia, ut seueriori sacrorum canonum censuræ subiiciatur, Metropolitanus suffraganeos Episcopos absentes, Metropolitanum vero absentem suffraganeus Episcopus antiquior residens, sub pœna interdicti ingressus ecclesiæ eo ipso incurrenda, infra tres menses per litteras, seu nuntium Romano Pontifici denunciare teneatur; qui in ipsos absentes, pro ut cuiusq. maior, aut minor contumacia exegerit, suæ supremæ sedis auctoritate animaduertere, & Ecclesiis ipsis de Pastoribus utilioribus prouidere poterit, sicut in Domino nouerit salubriter expedire.

CUm præcepto diuino mandatum sit omnibus, quibus animarum cura commissa est, oues suas agnoscere; pro his sacrificium offerre, verbiq. diuini prædicatione, Sacramentorum administratione, ac bonorum operum exemplo

exemplo pascere; pauperū, aliarumq. miserabilium per-
 sonarum curam paternam gerere; & in cetera munia pa-
 storalia incumbere; quæ omnia nequaquam ab his præ-
 stari, & impleri possunt, qui gregi suo non inuigilant,
 neq. assistent, sed mercenariorū more deserunt: sacro-
 sancta Synodus eos admonet, & hortatur, ut diuinorum
 præceptorum memores, factiq. forma gregis, in iudicio
 & veritate pascant, & regant. Ne vero ea, quæ de resi-
 dentia sancte, & utiliter iam ante sub Fel. Recor. Paulo
 Tertio sancita fuerunt, in sensus a sacrosanctæ Synodi
 mente alienos trahantur, ac si vigore illius decreti quin-
 que mensibus cōtinuis abesse liceat: illis inhærendo, de-
 clarat sacrosancta Synodus, omnes Patriarchalibus, Pri-
 matialibus, Metropolitanis, ac Cathedralibus Ecclesiis
 quibuscumq., quocumq. nomine, & titulo præfectos,
 etiam si S. R. E. Cardinales sint, obligari ad personale
 in sua Ecclesia, vel Diœcesi residentiam, ubi iniuncto si-
 bi officio defungi teneantur: neq. abesse posse, nisi ex
 causis, & modis infra scriptis. Nam cum Christiana
 caritas, vrgens necessitas, debita obedientia, ac euident
 Ecclesiæ, vel Reipubl. utilitas aliquos non numquā ab-
 esse postulent, & exigant; decernit eadem sacrosancta Sy-
 nodus, has legitimè absentia causas a beatissimo Rom.
 Pont. aut a Metropolitano, vel eo absente, Suffraganeo
 Episcopo antiquiori residente, qui idem Metropolitanus
 absentiam probare debebit, in scriptis esse approbādas:
 nisi cum absentia inciderit propter aliquod munus, &
 Reip. officium, Episcopatibus adiunctum: cuius quo-
 niam causæ sunt notoriæ, & interdum repētinae, ne eas,
 quidem significari Metropolitano necesse erit: ad eun-
 dem

dem tamen cum Concilio Prouinciali spectabit iudicare de licentiis a se, vel a suffraganeo datis; & videre, ne quis eo iure abutatur: & vt pœnis canonicis errantes puniantur. Interea meminerint discessuri, ita ouibus suis prouidendum, vt, quantum fieri poterit, ex ipsorum absentia nullum damnum accipiant: Quoniam autem qui aliquantisper tantum absunt, ex veterum Canonum sententia nō videntur abesse, quia statim reuersuri sunt: sacrosancta Synodus vult, illud absentiae spatium singulis annis siue continuum, siue interruptum extra prædictas causas, nullo pacto debere duos, aut ad summū tres menses excedere; & haberi rationem, vt id æqua ex causa fiat, & absq. vllō gregis detrimento: quod an ita sit, abscedentium conscientiae relinquit, quam sperat religiosam, & timoratam fore, cum Deo corda pateant: cuius opus nō fraudulenter agere, suo periculo tenentur. Eosdem interim admonet, & in Domino hortatur, ne per illius temporis spatium, Dominici Aduentus, Quadragesimæ, Natiuitatis, Resurrectionis Domini, Pentecostes item, & Corporis Christi diebus, quibus refici maxime, & in Domino gaudere Pastoris præsentia oues debeant, ipsi ab Ecclesia sua Cathedrali vllō pacto absint, nisi Episcopalia munia in sua diœcesi eos alio vocent.

SI quis autem, quod vtinam numquam eueniat, contra huius decreti dispositionem abfuerit: statuit sacrosancta Synodus, præter alias pœnas aduersus non residentes, sub Paulo III. impositas, & innouatas, ac mortalis peccati reatum, quem incurrit, eum pro rata temporis absentiae fructus suos nō facere, nec tuta conscien-

G tia,

tia, alia etiam declaratione non secuta, illos sibi detinere posse; sed teneri, aut ipso cessante, per superiorem Ecclesiasticum illos fabricæ Ecclesiarum, aut pauperibus loci erogare: prohibita quacumq. conuentione, vel compositione, quæ pro fructibus male perceptis appellatur; ex qua etiam prædicti fructus in totum, aut pro parte, ei remitterentur: non obstantibus quibuscumq. privilegiis cuiuscumq. Collegio, aut fabricæ concessis. Eadem omnino, etiam quo ad culpam & amissionem fructuum, & pœnas de curatis inferioribus, & aliis quibuscumq., qui beneficium aliquod ecclesiasticum, curam animarum habens, obtinent, sacrosancta Synodus declarat, & decernit: ita tamen, ut quando cumq. eos causa, prius per Episcopum cognita, & probata, abesse contigerit: Vicarium idoneum ab ipso Ordinario approbandum, cum debita mercedis assignatione relinquant. Discedendi autem licentiam in scriptis gratisq. concedendam ultra bimestre tempus, nisi ex graui causa, non obtineant. Quod si per edictum citati, etiam non personaliter, contumaces fuerint, liberum esse vult Ordinariis, per censuras Ecclesiasticas, & sequestrationem, & subtractionem fructuum, aliaq. iuris remedia, etiam usq. ad priuationem, compellere; nec executionem hanc, quolibet privilegio, licentia, familiaritate, exemptione, etiam ratione cuiuscumq. beneficii, pactione, statuto, etiam iuramento, vel quacumq. auctoritate confirmato, consuetudine etiam inmemorabili, quæ potius corruptela censenda est siue appellatione, aut inhibitione, etiam in Romana Curia, vel vigore Eugenianæ constitutionis suspendi posse. Postremo, tam decretum illud sub Paulo Tertio,

tio, quam hoc ipsum in Conciliis prouincialibus, & Episcopalibus publicari, sancta Synodus præcipit. Cupit enim, quæ adeo ex Pastorū munere, animarumq. salute sunt, frequenter omnium auribus, mentibusq. infigi, vt in posterum, Deo iuuante, nulla temporum iniuria, aut hominum obliuione, aut defuetudine aboleantur.

DE VISITATIONIBVS. RVB. XXVII.

Visitatio vna quoq. biennio omnino fiat ab Episcopo.
Cap. I.

Visitatio ab Episcopis quot annis, aut saltem vno quoque biennio omnino fieri debet, ea ratione, vt Ecclesiarum statum, & subiectorum vitam diligenter explorent, ac omnia quæ locus & tempus, & occasio ferant ad augmentum diuini cultus, Ecclesiæ vtilitatem, & bonorum morum perfectionem, pro sua prouidentia procurent, ordinent, moderentur, & exequantur, sicut Diocesibus suis necessaria, & oportuna iudicabunt, sublati maximè Tridentinæ Synodi auctoritate impedimentis, quæ difficultatem aliquo modo afferre poterant.

Impediti alios eorum loco sufficiant, & prohibentur sumptus immoderati. Cap. I I.

Impediti verò quominus eo ipsi munere fungi possint, alios mittant ad visitandum; caueantq. ne visitatos grauiori sumptu onerent, sed frugali victu ipsi contenti corripiant etiam subditos, si immoderatos fecerint ap-

G ii paratus

paratus ubiq. demum ea moderatione vtantur, vt nec reprehensionis, nec querelæ vllam præbeant occasionem.

Corrigi possunt etiam capitula cathedralia ab Episcopo nulla exemptione obistente. Cap. III.

CAthedralium capitula etiam visitent Episcopi, corrigant, & emendent, si opus fuerit, ex statuto Tridentini Concilii, idq. impediri non possit prætextu quarumlibet exemptionum, consuetudinum, & concordiarum, quæ suos tantum Auctores, non successores obligent.

Visitentur etiam Ecclesiæ nullius diœcesis per Viciniorem Episcopum. Cap. IIII.

EAdem Episcopi diligentia vtantur in his etiam Ecclesiis visitandis, quæ nulli diœcesi subiectæ dicuntur. Quod tamen ius illi competit, cuius cathedralis Ecclesiæ propinquior esse constet, Alioquin quem Ecclesiæ visitandæ præfectus in Prouinciali Synodo elegerit, qui tamquam Apostolicus delegatus visitet, quibuscumq. priuilegiis non obstantibus.

Visitans se informet, & examinet magistros puerorum, eisdemq. prohibetur lectio librorum obscenorum. Cap. V.

PRæcipuam etiam in visitatione curam habeant Episcopi de scholis, & litterariis ludis, & bonarū artium magistris:

magistris: Nempe, vt pueri, & adolescentes doctrina instituantur, & moribus, quæ idoneos reddat ad cultū, & debitum officium Deo, patriæ, & parentibus tribuendum; De magistris verò diligenter inquiratur, num vitæ probitatem, integritatem, & scientiæ puritatem seruent: atq. illud etiam erit animaduertendum, vt omnino ab Auctorum interpretatione, & lectione abstineant, qui in obscenis, & turpibus versantes, facilè illam tenebram ætatem, & ad malum flexibilem corrumpere possunt, Quibus rebus omnibus commodius consuli poterit, si ii, ad quos ipsorum Magistrorum electio pertinet, numquam sine maturo ipsorum Episcoporum consilio, & probatione eos eligent, ac constituent.

*Visitari etiam debent hospitalia, confraternitates &
omnia pia loca. Cap. VI.*

ET quoniam Episcopis expressè est a Sacrosancta Synodo Tridentina iniunctum onus visitandi hospitalia, collegia, ac laicorum cōfraternitates, & pia loca omnia, quæ in decreto Concilii Tridentini continentur; eam in hoc negotio diligentiam adhibeant, vt omnia, quæ ad Dei cultum, aut animarum salutem, aut pauperum sustentationem instituta sunt, ipsi pro officio suo, iuxta sacrorum canonum statuta cognoscant, & exequantur; contumaces, & contradictores, huic tam pio, ac necessario officio, aut verbis, aut factis grauiter Ordinarii arbitrio puniantur, & nihilominus huic decreto parere omnibus oportunis remediis, inuocato etiam si oporteat sæcularis brachii auxilio, ab Episcopis cogantur.

Retineatur

*Retineatur liber specialis visitationis in Archiuo, & quid
in eo scribendum. Cap. VII.*

HAbeant Episcopi librum in quem totius visitationis summa, & ordo referatur, ac præsertim Parrochialium Ecclesiarum Diœcesis, ac Rectorum earum nomina, tituli, ac conditiones, quo scilicet iure possideantur. An iuripatronatus obnoxia, & quali statu sint, tam temporali, quam spirituali: quibus omnibus a Notario in scriptis redactis Episcopi visitatoris subscriptio accedat in eodem libro; qui in Episcopali Archiuo custodiatur.

*Interessentes cum Episcopo visitante non fraudentur
distributionibus, & alijs emolumentis.
Cap. VIII.*

LIceat Episcopis; dum visitant, duos ex capitulo, & totidem ex clero in comitatu habere; coram quibus omnia, quæ ad visitationem spectant, fiant, & conscribantur. Qui perinde, ac si in Ecclesias præsentibus eo tempore, ac inserviientes essent, quotidianas distributiones, strenas, & quæcumq. alia emolumenta, ac obuentiones integrè percipiant. Metropolitanus autem tres, aut quatuor ex capituli numero, & Cappellanorum, quot a sacris Canonibus est permissum, secum visitans adducere possit, qui supradicto priuilegio absentia potiantur.

DE

DE SACRAMENTIS, ET EORVM ADMINISTRATIONE. RVB. XXVIII.

*Curati lingua vernacula instruant populum, de effectu,
& efficacia sacramentorum. Cap. I.*

Parrochi ad cælestem, & amplissimum sacramentorum thesaurum dispensandum destinati, eorum vim, ac naturam populis suis vernacula lingua non desistant sæpissime explicare, vt instruantur, quæ sanctitas, atq. maiestas etiam illis sit, quare in exteriori illa materia, & vsu visibili interioris virtutis & inuisibilis gratiæ forma contineatur; quo illi maiori puritate, & deuotione ad ea suscipienda, præparationem adhibere valeant.

*Tuniantur Parrochi sacramenta non ministrantes populo,
maxime infirmis. Cap. I I.*

Atendant quoq. magnopere, ne quisq. suorum popularium alicuius sacramenti munere fraudetur, atq. adeo potissimum caueant, ne aliquis excedat è vita sine his sacramentis, quæ sunt ad salutem necessaria, Alioquin ab Episcopo Parrochi, & culpa, & negligentia seuerissime plectantur.

*Obseruentur in eis cerimonie, & ritus Rom. Ecclesiæ.
Cap. I I I.*

Omnis autem in sacramentis administrandis ritus, cerimonie, ac consuetudines seruentur, quæ sanctæ Romanæ

Romanæ Ecclesiæ aliarum Matris, & Magistræ conformes sint. Idq. Episcopi indictis arbitrio suo pœnis omnino procurent.

Plebani recipiant annuatim ab Episcopo olea sancta, & ea Rectoribus distribuât: nec nulli, qui nō sit in sacris, deferenda tribuantur. Cap. III.

QUot annis Plebium Rectores olea ab Episcopo consecrata ab Ecclesia Cathedrali, & ab illis aliæ intra plebatuū limites constitutæ Ecclesiæ petant, & accipiant; oleaq. prædicta nulli, qui sacris initiatus non sit, deferenda tribuantur, quacumq. consuetudine non obstante, nisi alias ex vrgente necessitate Episcopo visum fuerit.

Solus Parrochus retineat clauem sacramentorum. Cap. V.

PORRO Sacramenta, & olea tanta reuerentia, & diligentia custodiantur, vt clauēs, quibus obseruari necesse est, Parrochus tantū retineat, neq. alteri nisi ex vrgente necessitate committat, ne ad ea abutēda facilis occasio relinquatur. Quod si vmquam euenerit; & qui ea cōuerterit; & qui consenserit ad alium vsum, ad quem non sunt instituta, grauissimis pœnis ab Episcopo infligendis corripiantur.

DE

DE BAPTISMO. RVB. XXIX.

*In Ecclesia solemniter a sacerdote baptizentur pueri, nisi ex
imminente periculo, & tunc etiam feminae absenti-
bus viris, & viri absentibus clericis, Ecclesiae
forma, & materia seruata possunt bap-
tizare. Cap. I.*

Baptismus non nisi in Ecclesia, ac a Sacerdote solem-
ni ritu ministretur, nisi immineat vrgens necessitas,
ac vitae periculum; tunc enim à quocumq. non solum
mare, sed etiam femina dari potest; modo clericis præ-
sentibus laici cedant, viris mulieres, & Ecclesiae for-
ma, ac debita materia naturalis aquae vtantur. Quae
omnia saepe Materna lingua, & Parrochi, & Confessarii
exactè populares doceant, tum ne res tanti momenti a-
liqua inscitia, aut errore inanis efficiatur; tum etiam vt
omnes intelligant, quo in honore tam necessarium sa-
cramentum habendum sit.

*Si domi puer sit baptizatus, sacerdos solum dicat, quia tu es
baptizatus, ego te benedico, sed si dubitetur, eum
sub conditione baptizet. Cap. II.*

NE huius sacramenti exercenda iteratio contingere
possit, aut necessitas ommittatur, Præcipitur om-
nibus, qui baptizandi munere funguntur, vt cum dela-
tus fuerit infans ad Ecclesiam baptizandus, deferentes
interrogentur, fuerit ne ille domi baptizatus. Et si pro

H certo

certo confirment, non fuisse baptizatum, adhibita forma Ecclesiæ, simpliciter, ac sine vlla verborum conditione dicant, Ego te baptizo, &c. sin autem testetur, ac certo sciatur puerum baptismum priuatim in ædibus suscepisse, sacerdos præmissis cæremoniis, & aliis ritus circumstantiis Baptismi formam nō dicat, sed proferat hæc verba. Quia tu es baptizatus, Ego te benedico in nomine Patris, & Filii, & Spiritus sancti, Amen. Quod si ita res dubia sit, vt verè nesciatur, an sit baptizatus, tunc Minister præmissis ritibus, ac cæremoniis conditionaliter proferat hæc verba tantum, Si tu non es baptizatus, Ego te baptizo in nomine Patris, & Filii, & Spiritus sancti, Amen.

*Quod retineatur liber, in quo manu baptizantis scribantur
ex quibus parentibus, & qua die nati sint, &
baptizati. Cap. III.*

IN Ecclesiis Baptismalibus liber habeatur, ac sedulo custodiatur, in quo baptizatorum nomina, & cognomina, tum parentum, atq. compatrum baptizantis manu describantur; ac an ex legitimo matrimonio infans natus sit; quouè die natus, & baptizatus fuerit; Alioquin Ecclesiæ Rector Episcopi iudicio mulctetur.

*Leuantes non confessi, nec communicati in anno, &
Regulares prohibentur. Cap. IIII.*

QVarant Sacerdotes baptizaturi, an leuaturi de sacro fonte infantem excommunicati sint, atq. in sancto

Et illius anni Paschate confessionem, ac cōmunionem omiserint. Quod si tales deprehenderint, omnino leuare prohibeant: quod item prohibetur regularibus, ad vitandam familiaritatis occasionem.

Sola etiam femina, & ad plus solus vir, & sola femina leuare possint. Cap. V.

VNus siue vir, siue femina, aut ad summum vir vnicus, & vnica femina simul infantem leuare possint in Baptismo, ac confirmatione. Quod Plebani cūrent, ne villo modo violetur; ac simul doceant, quæ spiritualis cognatio inter leuantes, ac leuatū, leuatiq. patrem, & matrem contracta fuerit.

DE CONFIRMATIONE. RVB. XXX.

Eadem spiritualis cognatio nascitur in Confirmatione, quæ in Baptismo, & eadem prohibitiones militant.

Cap. Unicum.

EPiscopi antequam confirmationis sacramentum administrent, per se, aut per alium eius vim, & mysteria dilucidè explicent ac denuncient, ex eo inter confirmatos, leuatq. patrem, & matrem, atq. illorum oblatores, seu patrilos, eandem spiritualement cognationem nasci; Nec minoris æstimandam, quam quæ ex Baptismo gignitur, ac propterea inter eos carnale Matrimonium contrahi non posse, & cetera, quæ Tridentinæ Synodi decreto traduntur. Excommunicatis item, ac eo anno in

H ii Paschate

Paschate non confessis, qui vè communionem non acceperint, Patrilinos confirmandorum esse non liceat.

DE SANCTISSIMA EVCHARISTIA.

R V B. XXXI.

Hoc Sacramentum in qualibet Curata loco honoratiori, ac primo altari, si potest, lampadibus semper accensis retineatur. Cap. I.

Sanctissimum Eucharistiæ sacramentum in omnibus cathedralibus, collegiatis, ac aliis curatis Ecclesiis Episcoporum studio, quam honoratissimo, ac illustrissimo loco lampadibus continuè accensis custodiatur: & si quidem absq. Ecclesiæ, aut populi communicaturi incommodo fieri possit, supremo altari collocetur, quo venerabilius extet. Alioquin in proximo inferiori simili ornatu ponatur, vnde maxime Ecclesiæ ingredientium conspectui offeratur.

In curatis, seu saltem in Plebanijs instituantur societates Corporis Christi, & instituta amplificentur. Cap. I I.

CVrent Episcopi, vt in parrochialibus ecclesiis, aut saltem Plebanijs societates sub titulo Corporis Domini nostri Iesu Christi instituantur; institutas autem visitent, refovent, & amplificent; omniaq. faciant; vnde omnes earum functiones exerceantur, ac instituta feruentur.

Feminae

*Femina a Maribus segregentur in huius sacramenti
communicatione. Cap. III.*

DUm ad Sanctissimæ Eucharistiæ communicationem
populares accedunt, (nisi angustia loci prohibeat)
feminae a maribus Parrochi opera seiungantur, ut om-
nes Dæmonum insidiæ, & carnis peccati illecebræ faci-
lius caueantur.

*Curati antiquam consuetudinem quotidie communicandi
prædicent. Cap. IIII.*

Parrochi sæpe inter Missarum celebrationem popu-
lum admoneant, de antiqua Ecclesiæ consuetudine
quotidie communicandi, ut ad frequentationem huius
sanctissimi sacramenti inflammentur, & saltem singulis
annis in diebus Resurrectionis, Penthecostes, Natalis
Domini, ac Beatissimæ Virginis Matris Assumptione,
confessione peccatorum facta, sanctissimam Eucharis-
tiam accipere assuescant, tum verò Lateranensis conci-
lii caput illud, quod incipit, Omnis utriusq. sexus, reci-
tent in Quadragesima; & vulgaribus verbis exponant;
ut pœnam, quam infert, cognoscentes, semel in Pascha-
te communicare non omittant.

*Parrochi Episcopo significent, qui semel in anno se confi-
teri, ac Sacramento refici recusauerint, & con-
tumaces tamquam de hæresi suspecti ha-
beantur. Cap. V.*

Eorum

EOrum autem, qui prædicto tēpore confiteri & a Corpore Christi refici recusauerint, nomina ad Episcopos deferant Parrochi statim post octauam Paschæ, & si negligētes in deferēdis nominibus fuerint, grauiter Episcopi arbitrio mulctentur; delati verò, vt supra, & contumaces excommunicentur; deinde si spretis censuris non resipuerint, acerrimis pœnis afficiantur: quod si per annum in censuris perseuerauerint contra eos tamquam de hæresi suspectos ab Episcopis procedatur.

Eisdem subiiciantur pœnis, qui a proprio parrocho sine causa communionem nō susceperint in paschate; & etiam regulares sint suspensi, qui tunc eos communicauerint. Cap. VI.

QVicumq. non a proprio Parrocho sine legitima causa ab eo, seu Episcopo approbanda Paschali tēpore communionē susceperit, legitimis subiiciatur pœnis; Illi verò etiam regulares, qui Eucharistiæ sacramentum eo tēpore administrare præsumperint cōtra quod dictum est, sint ipso facto per sex mēses suspensi, & alias etiam pœnas dent, quæ ipsis Episcopis debitæ videbuntur, saluis tamen in omnibus indultis & priuilegiis apostolicis.

Qui sint reiiciendi ab hoc Sacramento. Cap. VII.

EX Sanctorum Patrum institutione, qui fictum ad sanctam Eucharistiam accessum valde detestati sunt, præcipitur Parrochis, ne cum publice infamibus, & facinorosis

norosis, manifestisq. criminibus, ac flagitiis illaqueatis Sacrosanctum Christi corpus communicent, nisi sufficienti temporis probatione ex animo, ac sincere vitam commutasse compererint: perrarô admittant ad communionem, ac diligentius excussas, an recta accedant cōscientia, illius generis mulierculas, quæ vt famam impuditiæ deponant, aut velent, aut hominibus placeant, aut eleemosinas, vel alia commoda aucupantes immundo corde non verentur, Sanctam Eucharistiam frequenter sumere propriam augentes damnationem, has parochi, aut supra dicta, aut alia vtiliori ratione quærant a tantis periculis tamquam impudenti temeritate reuocare.

Quæ cura, & deuotio sit adhibenda in Sacramento deferendo. Cap. V I I I.

DVm Sacrosanctæ Eucharistiæ viaticum per vrbes, & oppida maxime ad infirmos defertur, superposita Umbella tegatur, quam plurimis possit, luminaribus associatum, ita compositis, vt saltem aliquo ventorum impetu non estinguantur; Episcopi verò, & monitis & indulgentiarum promulgationibus fideles vehementer excitent, & inflamment, quam frequentissime, ac deuotissime illud comitentur, ac omni alia ratione venerentur.

DE

DE POENITENTIA. RVB. XXXII.

*Prohibentur etiam regulares, & seculares clerici non curati
sine Episcopi licentia confessiones audire, ac de
casibus reſeruatis abſoluere. Cap. I.*

NE imperitorum culpa confessoriorum contingat, vt qui innocentiae nauim fregerunt, secunda poenitentiae tabula apprehensa ad salutis portum peruenire nequeant, interdicatur omnibus saecularibus presbyteris, qui Parrochialibus non praesunt Ecclesiis, & quorumcumq. ordinu, etiam mendicantium, regularibus tacita quoq. Ordinarioru haecenus fortasse permissione toleratis, ne posthac saecularium confessiones audire quoquo modo audeant, vel praesumant; nisi prius approben- tur expresse ab Ordinariis, praeuia vt Parrochorum examinatione, & scriptam acceperint licentiam: quibus tamen omnibus non liceat a casibus Episcopis reſeruatis, etiam si excommunicationem annexam non habeant, abſoluere, iuxta constitutiones Pii V. de priuilegiis mendicantium reuocatione, ac Sanctiss. Gregorii xiii. de litterarum Pii V. ad ius commune, ac Concilii Tridentini Decreta reductione.

*Nomina confessorum approbatorum in tabula, in Ecclesia re-
tinenda scribantur. Cap. II.*

NOmina autem confessorum, qui fuerint ab Episcopis approbati, describantur in tabella, quae in eo loco in Ecclesia affigantur, vt facile ab omnibus conspiciatur,

ciatur, & nemo possit ullam umquam excusationem afferre, si cæcus a cæco ductus in foueam cadere contingat, cum illis, qui a nō approbato confessore absolutionem acceperint, iterum confiteri necesse sit. Confessores vero erunt grauissimis pœnis ab Episcopis coercendi, qui contra hoc decretum facere præsumpserint, atq. etiam superiores, qui negligentes in affigenda Tabella fuerunt.

Femine ante, & post ortum solis, nisi in casu necessitatis non confiteantur, & qualis esse debeat locus, & sedes sacerdotis. Cap. III.

IN Confessionibus audiendis, & temporis, & loci ratio habeatur, ita vt post occasum, & ante ortum solis mulieres ad confessiones non admittantur, præterquam in casibus necessariis; atq. ille tantum locus ad confessiones eligatur, qui magis in Ecclesia patens, & apertus sit, vbi sedes adesse debet, cum tabula interposita, qua pœnitentes a confessoribus separati, omnis irreuerentia, & peccati periculum euitetur, extra quas sedes, qui confessiones præsertim mulierum audiuerint, incidant in pœnas, quas Episcopi dignas existimauerint.

Confessorum peritiam admonet. Cap. IIII.

Confessarii canones pœnitentiarios non ignorent, vt confitentes ex eis peccatorū grauitatē coniicere, & cognoscere possint, atq. inde facilius ad antiquorum

satisfactionum seueritatem, quo ad fieri potest, opere, aut saltem animo se transferant.

*Casus Papæ, & Episcopo reſeruatos habeant, & Bullam in
Cena Domini publicent. Cap. V.*

HAbeant etiam omnes casus reſeruatos Episcopo, & Summo Pontifici, & præsertim Bullam, quæ quotâ nis in Cena Domini legi consuevit, quam ipsi Episcopi semel saltem singulis annis, vt illa præcipit, publicandam suis populis curēt in ciuitatibus, ac diœcesibus, ne casus in ea contenti temerè, ac sine fructu absoluentur.

Pœna reuelantium confessionem. Cap. VI.

Confessarii caueant omnino, ne (quod absit) verbò, aut signo, aut alio quouis modo aliquatenus prodeant peccatorem, sub pœnis a iure communi sancitis, & aliis Episcopi arbitrio infligendis.

Pœnitentia nunquam confessori applicanda. Cap. VII.

CAueant confessarii non modo symoniam, sed etiam omnem cupiditatis suspensionem. Quare nihil aliquid petant ab aliis qui sibi confitentur, pecuniarias satisfactiones, quas pœnitentias vocant, non nisi ex grauissima, aut necessaria causa imponant; easq. sibi numquam attribuant, ceteraq. omnia vitent, quæ confitentibus, aut populo scandalo esse possint; alioquin ordinariorum iudicio pro commissi qualitate plectantur.

DE

DE EXTREMA VNCTIONE.

67

DE EXTREMA VNCTIONE. RVB. XXXIII.

Hoc sacramentum loco, & vase honesto retinendum, & velo sericeo imposito deferendum. Cap. I.

SANCTÆ vnctionis extremæ sacramentum debita reuerentia præstandum est, & in tuto, & honesto loco, & in vasculo argenteo, vel saltem stāneo iuxta facultatem Ecclesiarum asseruandum. Et in Pyxide eleganti forma confecta velo sericeo super imposito ad infirmos deferendum.

Deferri debet ad existentes in mortis articulo, & quibus denegetur. Cap. I. I.

PARROCHI ad eos inungendos accedere oportet, qui cum in mortis articulo verè sint constituti, adhuc tamen quid agant intelligant, & sensu quantum fieri potest integro, existant: impœnitētibus vero, & his qui cū notorii peccatores essent, vel ab Ecclesia alieni nullum pœnitentiæ signum emiserint, sacram hanc vnctionem ex sacrorum canonum dispositione negandam esse non ambigitur.

DE ORDINE. RVB. XXXIIII.

Episcopi per se ipsos ordines conferant, & sine Episcopi proprij licentia aliquis non ordinetur. Cap. I.

CVM mala, quæ tot iam annos Ecclesiam, Dei miserabiliter vexauerunt, magna ex parte, ex ministro-

I ii rum

rum improbitate, & imperitia euenerint, Episcopi exquisitè seruent ea omnia, quæ à sacro Concilio Tridentino, de ordinum collatione salubriter sancita fuerunt; atq. illud maxime ipsis cordi sit, vt nulla ferè occupatione, a conferendis per se ipsos ordinibus reuocetur, quod si aliqua ægritudine id efficere nō possint, suos iā per examen probatos, ad Episcopum in sua Ecclesia residentem, vel pro eo Pontificalia exercentem, dimittant. Nam alii Episcopi cuiusuis priuilegii prætextu in alterius, vel nullius Diœcesis loco, etiam exempto, aut cuiusuis ordinis monasterio, sine expressa Ordinarii licentia nullo modo possunt, & in exemptos Pontificalia exercere, quin pœnas incurrant, a sacris canonibus, & a Concilio Tridentino contrafacientibus constitutis. In minoribus ordinibus conferendis quoad eius fieri poterit, Episcopi temporum interstitia nō omittant, ita enim facilius, sicut Conciliū Tridentinū præcipit, eorū ordinū functiones in cathedralibus, & collegiatis Ecclesiis, si eorū prouentus ferent, restitui poterunt, & in earum functionū exercitatione probabuntur illi, qui eo animo hoc vitæ genus elegerunt, vt fidele Deo cultū præstantes ad altiores gradus ascendere mereantur.

Promouendi ad maiores ordines per mensem ante id Episcopo denuncient, & qualiter de eis debeat fieri examen. Cap. I I I.

Q Vicunq. verò ad singulos maiores ordines voluerint promoueri, omnino per mensem ante ordinationis tempora voluntatem suam Episcopo declarant,

rent, vt publice nominibus ordinandorum propositis diligentissima fiat inquisitio.

Num videlicet legitimis natalibus orti, & ætatem habeant ad eos ordines necessariam.

Num publice aliquid graue, & enorme peccatum admiserint, aut in eo persistant.

Num Percussores, homicidæ, vsurarii, seditiosi, bigami, symoniaci, abstemii, aut alicui curiæ quacumq. ex causa obligati.

Num de hæresi suspecti, aut publicam pœnitentiam egerint,

Num deniq. vitæ conuersatione honestè, piè, & religiose se gesserint, & verè, ac re ipsa beneficium, pensionem, aut patrimonium eiusmodi possideat, vt ad vitam & victum satis esse possit. Cuius inquisitionis testimoniū Parrocchus, aut alter ad hoc deputatus per litteras ad Episcopum quā primū dabunt. Deinde qui pro utilitate, aut necessitate Ecclesiæ, seruatis etiam tēporum interstitiis, quātum fieri poterit, Episcopo videbuntur esse ordinandi, feria quarta ante ipsam ordinationem coram Episcopo se præsentent, vt ab eo vna cum iis, quos doctrina pietate, ac prudētia preditos accerset, sedulo, atq. accuratissime examinentur de genere, persona, etate, institutione, moribus, & fide magnam præterea cautionem adhibendo, vt nulli beneficium, pensionem, ac patrimonium fictioni, aut fraudi locus esse possit. Ordinationes postea præsentibus Canonicis, in Ecclesia Cathedrali, si in ciuitate; & si in Diœcesi in digniori Ecclesia fiant, ita vt ordinati, aut alicui Ecclesiæ, aut pio loco, ne in certis vagentur sedibus, omnino adscribantur.

Par-

Parrochialem obtinentes etiam in commendam, vel non curato unitam ordinentur, & quid agendum sit in regularium ordinatione. Cap. IIII.

Illi autem, qui parrochialem obtinent, vel in posterum obtinebunt, etiam in commendam, aut non curato unitam, & annexam, ad sacrum Presbiteratus ordinem suscipiendum, ab Episcopo, & pœnis, & censuris, si opus fuerit, omnino cogantur: videndum etiam est Episcopis, ut in ordinatione regularium habeatur ratio temporum interstitii, prout Ecclesiæ utilitas, & necessitas exegerit, neq. illis sacri ordines conferantur, antequam professionem emiserint, & nisi de ætate legitima constiterit, & ab Episcopo fuerint examinati, sicut à sacro Concilio Tridentino statutum fuit.

Abbatess exempti, & Capitula Cathedralia litteras dimissorias non faciant, nisi arctatis, qui beneficium verè possideant, aut recipere statim debeant.

Cap. V.

Abbates, & alii quantumvis exempti intra fines alicuius diœcesis consistentes litteras dimissorias clericis secularibus nullo modo concedant, nec capitulis cathedralium sede vacante id permissum est, vigore cuiusvis priuilegii aut consuetudinis, nisi Clericis arctatis, qui beneficium Ecclesiasticum verè possideant, aut illud recipere, & retinere statim debeant, qui vero huic decreto non paruerint, sciant se a sacro Concilio Tridentino, ab officio, & beneficio pro annum ipso iure suspensos

fos esse, Capitulum vero Ecclesiastico subiicient interdito.

Notarii solum decimam partem auri recipiant pro litteris dimissoriis. Cap: VI.

NOtarii in his tantum locis, quibus non viget laudabilis consuetudo nihil accipiendi, pro singulis litteris dimissoriis, aut testimonialibus, decimam tantum unius aurei partem accipere possint, si nullum habent salarium constitutum, & qui contrafecerint, ab officii sui executione suspendantur.

DE SACRAMENTO MATRIMONII.

R V B. XXXV.

Curati bis, vel ter in anno publicent populo decret. Conc. Trid. super hoc Sacram. Cap. I.

IN celebratione Matrimonii in primis instruatur populus, ut hoc magnum Ecclesie catholice sacramentum, summa pietate, ac maxima deuotione reueatur, & colatur; deinde Episcopi diligenter obseruari faciant ea omnia, quae a sacrosancta Synodo Tridantina pro reformatione Matrimonii statuta fuerunt; & praesertim, quod a Parrochis materna lingua bis vel ter singulis annis, in Ecclesia inter Missarum solemnia, decretum de Matrimoniis clandestinis diuulgetur, ac publicetur: qui autem contra haec omnia fecerint, tam saeculares, quam regulares

regulares per tres menses suspensi sint, quæ pœnæ contra singulares etiam Episcopi arbitrio augeri possunt.

Denunciations, & in parrochia viri, & mulieris fiant in diebus festiuis in medio Missæ. Cap. II.

Denunciations, quæ Matrimonia antecedere debēt, ex eiusdem Concilii præcepto, tam in Parrocchia viri quam mulieris fiant; easq. in totum, vel pro parte remittendi facultate parrochis penitus interdicta, cū id totum Episcoporū arbitrio prorsus committatur; fiantq. festis illis diebus, quæ Ecclesiæ præcepto seruantur, in eius medio Missæ, ad quam populus frequenter conuenire solet; quo denunciations ipsæ notiores omnibus esse possint.

Retineatur liber, in quo nomina, cognomina denunciatorum dies, mensis, annis, & quibus præsentibus celebratum sit matrimonium, scribatur. Cap. III.

Parrochi librum conficiant, illudq. diligenter afferuent, in quo omnium matrimonio coniunctorum in suis parrochis nomina, & cognomina, quouè die, mense, & anno, quo loco, & quibus præsentibus contracta Matrimonia fuerunt, describantur; & singulis annis ad plebanos deferre teneantur, qui plebani in libro ad hoc destinato, & describant, & diligenter conferuent.

Parrochus per se ipsum id munus exequatur, impedimento cessante, & quod facere debeat ad id substitutus. Cap. IIII.

Parrochus per se ipsum, legitimo impedimento cessante, non per aliū & matrimonia coniungat, & spon-
 sos, & sponfas benedicat; quo legitime impedito, qui
 parrochi vices supplet, diligenter exequatur, ac ipsi par-
 rocho mandanti verbo, vel scripto quidquid egerit fi-
 deliter referat; & qui denunciations facere, aut coniu-
 gere sponfos, & benedicere neglexerit, vel calumniosè
 distulerit, absq. rationabili causa ab Episcopis compro-
 banda, grauitur eorum iudicio mulctetur.

*Peregrinorum, & aduenarum coniugijs non intersit, nisi ser-
 uata forma constitutionis. Cap. V.*

Parrochis præcipitur nè vagantium hominum, & a-
 lienigenarum intersint Matrimoniis, Vt eiusdem
 Concilii dispositio monet, nisi prius diligentem inqui-
 sitionem fecerint; num aliis in locis forsan aliam, vel a-
 lias vxores duxerint; & re ad Episcopos delata ab eis fa-
 cultatem id faciendi obtinuerint: at si aliqui non exspe-
 ctata Ordinarii licentia cōtraxerint, quamuis solemnita
 intercesserint, grauissimè puniantur; prout etiam Parro-
 chos puniri voluit qui contrafecerint.

*Prohibetur sponsoꝝ cohabitatio ante celebrationem Ma-
 trimonii, & ante benedictionem, moneantur, ad
 confitendum, & communicandum.*

Cap. VI.

VT scandala euitentur, quæ in cohabitatione spon-
 soꝝ exoriri verisimiliter possunt, prohibetur, ne
 K sponfi,

sponsi, & sponsæ cohabitent, donec ritè, ac rectè Matrimonium in facie Ecclesiæ celebretur; moneantq. eodem iuxta Tridentini Concilii formam, vt antequam contrahant, vel triduo saltem ante Matrimonii cõsummationem, sua peccata confiteantur, & ad Sanctissimum Eucharistiæ Sacramentum piè, ac reuerenter accedant. res enim sancta non nisi piè, ac sanctè tractari debet.

Impedimentum publicæ honestatis, vbi sponsalia nulliter sunt celebrata, est sublatum, & quando valida fuerint, non excedunt primum gradum, sed impedimentum propter affinitatē ex fornicatione contractum, ad primum, & secundū gradū duntaxat consanguineorū infer-
tur. Cap. VII.

SCire debent Parrochi a Tridentina Synodo impedimentum publicæ honestatis, vbi sponsalia valida non fuerint, prorsus esse sublatum, & quando valida fuerint, primum gradum non excedere; atq. etiam ad eos tantum, qui primo, & secundo gradu coniunguntur, restrictum esse impedimentum illud, quod propter affinitatem ex fornicatione contractam inducitur, quod quidem impedimentum inter consanguineos copulato- rum duntaxat oriri debet.

Se parentur coniugati in gradu prohibito, & ad Papam remittantur. Cap. VII.

EPiscopi si quos in gradibus à iure prohibitis, Matrimonia contraxisse reppererint, eos statim a cohabitatione

tione separent; & de personarum ita coniunctarum qualitatibus si scienter, vel ignoranter, si ante, vel post confirmationem Concilii Tridentini, qua vè caussa contracta Matrimonia fuerint, processus conficiant: illosq. ad sanctissimum D. N. transmittant, vt a Summo Pontifice statui possit, quid agendum sit, si cum his dispensandum esse iudicatum fuerit, an potius aliquam pro modo culpæ pœnam subire debeant.

Matrimonia debere esse libera sub pœna excommunicationis, & annullantur super hoc quæcumq. Statuta secularia. Cap. VIII.

AD conseruandam libertatem Matrimonii, iuxta sacrorum Canonum constitutiones, præcipitur omnibus cuiuscumq. conditionis existant, ne quouis modo directè, vel indirectè aliquos cogant, quo minus libere ad libitum matrimonium cōtrahatur, sub anathematis pœna ipso facto incurrenda; irritando, & annullando quorumcumq. statuta laicorum contra libertatem sacramenti Matrimonii quomodolibet disponentia, ac quamlibet pœnam contra canonicas sanctiones appositam in promissione sponsaliorum, seu Matrimoniis contrahendis pro non apposita haberi, nullamq. & inuvalidam omnino esse decreuit.

Sponsalia non rumpantur per Matrimonium, nisi eis per sententiam solutis. Cap. X.

SPONSALIA per verba de futuro contracta mutuo consensu partium, posthac non dissoluantur, cum altera con-

K ii trahen-

trahendo, nisi prius decreto iudicis prima sponsalia soluta fuerint; qui contrafecerit, pœnam ab Episcopis imponendam incurrat.

Quibus temporibus nuptiæ sint prohibita. Cap. XI.

DEclarent Parrochi nuptias, vel nuptiarum solemnes benedictiones, posthac ab Aduentu Domini Nostri Iesu Christi vsq. in Diem Epiphaniæ, & à feria quarta Cinerum vsq. ad octauam Paschatis inclusiuè solum esse prohibitas; in aliis vero temporibus posse solemniter celebrari.



SESSIO

SESSIO TERTIA,
CELEBRATA DIE XII. APRILIS.
M D L X X I I I.

DE EPISCOPIS. RVB. XXXVI.

*Quales esse debeant Episcopi, eorum mores, & vita
per tria cap. Cap. I.*



Cum totius familiæ Domini status, & or-
do nutet, si quod requiritur in corpore,
non inueniatur in capite; iccirco hæc sa-
cra Synodus hortatur Episcopos, vt quan-
to ceteris dignitate præcellunt, tanto aliis
inferioribus, singulari vitæ sanctitate, ac morum probi-
tate præfulgere studeant; præbeantq. se ipsos exemplū
bonorum operum, seq. totos ad illam vitæ rationem
(Domino adiuuante) perstringant, quam illis Apосто-
lus perscripsit.

C A P. I I.

Eorum sermo, vestitus, gestus, supellex, nil nisi graue
moderatum, ac religione plenum præ se ferant, ita vt
irreprehensibiles, sobrii, domui suæ bene præpositi, ab
omnibus cognosci facile possint, & quoniam domesti-
corum præcipuam, ac singularem curā habere debent,
ita familiares suos Episcopi instruant, & informant; vt
a rixis, impudicitiiis, maledicentiis, ac vitiis demum om-
nibus abstineant, sicut decet, ministros ministrorum
Dei; nam cum sint illi Episcoporum tantum potesta-
ti, & iurisdictioni in vtroq. foro subiecti, de moribus,
& eorum

& eorum vita Episcopi nō solum coram Deo, sed etiam coram hominibus rationem sunt reddituri.

CAP. III.

Episcoporum Mensa habeat frugalitatem, & ciborum moderationem, & in ipsa mensa diuinarum scripturarum lectio admisceatur; sed & miserabilium personarum ea cura ad Episcopos spectat, ut propriè pauperum Patres dici possint; quare in animo, & cogitatione illis perpetuò infixum sit, quod de mala bonorum Ecclesiæ administratione grauissimum sit in die Domini iudicium faciendum.

DE VITA ET HONESTATE CLERICORVM.

R V B.

XXXVII.

Quales esse debeant Clerici, & a quibus se abstinere.

Cap.

I.

Clerici omni ingenio, ac opera studeant, ita vitā moresq. componere, ut aliis exemplo esse possint, eaq. etiam, quæ leuiora videtur crimina, grauissima sibi pro sua conditione esse meminerint: quæ igitur nouissimè post multas sanctissimorum Pontificum, ac sacrorum Conciliorum sanctiones, Tridentina Synodus præcepta innouarit de vita, honestate, cultu, & doctrina ab eis comparanda & retinenda, quæq. de luxu, comessationibus, choreis, alea, lusibus, & aliis huius generis, ac præsertim prophanis negotiis euitandis, ut maximè necessaria,

saria, & eorum ordini consentanea omnino seruent; alioquin statutis ab ea poenis, aliisq. seuerioribus, si ita Episcopis videbitur coerceantur, quarum executionem nulla appellatio, aut prouocatio suspendit.

Etiam in minoribus incedant habitu, & tonsura, & quales eorum vestes, & indumenta. Cap. III.

ATq. vt aliqua singillatim exprimantur; cuncti clerici sacris initiati, aut ecclesiasticis beneficiis, vel simplicibus præditi, clericali tonsura, quæ spiritualis Militiæ nota est, numquam careant. Interiorem tunicam, & exteriorem vestem simplicem, & talari longitudine per vrbes, & oppida semper gestent, Pallium, quod vulgo ferrariolum dicitur, non nisi talare, collariolumq. non altius tribus digitis habens, nec nisi cum talari itidem tunica: iter vero facientes cōtractionibus vti poterunt, modo religiosam retineant honestatē; pauperiores tamen, & rustici breuiore ferre possint, modo eadem forma sint, & infra genua extendantur: in Ecclesiis pileis non tegantur; extra vero valetudinis, aut alia iusta causa vti possint, sed simplicibus, ac honestæ amplitudinis, & formæ, neq. aculeatis, aut turbinatis; camisas non ferant, quæ ad collum, aut ad manus crispas, rugosas, aut fabrefactas, vllauē texturæ arte composita, & efficta ornamenta habeant: à ceteris demū eiusmodi leuitatibus se abstineāt, quæ ab Ecclesiastica sunt disciplina aliena; ad quæ omnia Episcopi illos suspensione a ministeriis, fructuū ammissione, ac beneficiorū priuatione, prout expedire iudicauerint, cogere omnino possint.

Prohibentur

Prohibentur à conuersatione mulierum suspectarum.

Cap.

I I I.

Concubinas, aut feminas eo nomine suspectas in proprio, aut alio domicilio habere, si clerici non ve-
reantur, aut aliqua cum eis familiaritate, ac consuetu-
dine coniungi, pœnis a sacro eodem Tridentino Con-
cilio, aut sanctis canonibus irrogatis, alijsq. Episcopi
iudicio afficiantur.

*Etiam mulieres consanguineæ suspectæ prohibentur in domibus,
& locis Ecclesiæ retineri.* Cap. I I I I.

IN Aedibus itidem Canonicorum, Parrochorum, &
aliorum ministrorum Ecclesiæ domicilio addictis su-
spectæ feminae, etiam consanguinitate illis coniunctæ,
commorari prohibeantur; utq. cum eis ubicumq. co-
habitare mulieres, nisi probante Episcopo; qui contra
hæc facientes possit arbitrato suo punire.

*Domus canonica Ecclesiarum non possint locare laicis, &
si canonici, & rectores in eis non habitent, potest Epi-
scopus alijs consignare, exceptis domibus ar-
tis lanæ.* Cap. V.

DOmus vero Ecclesiarum, aut earum partes, in qui-
bus habitant clerici, aut quæ eorum habitationi præ-
stitutæ sunt, laicis nullo modo locentur, aut concedan-
tur in domicilium, quæ autem locari solent; Et si Eccle-
siæ sunt, nec ecclesiastica habitacula, non prohibentur.
Propterea

Propterea Canonicae Aedes, atq. Canonorum vsui destinatae, si ipsi incolere nolint, ab Episcopis aliis Canonicis, aut Ecclesiae ministris consignari poterunt sine ulla mercede incolenda, praeter eas, quae Consulum artis lanariae Florentinae dictionis sunt.

Puniuntur clerici ludentes, cauporantes, & se choreis immiscentes. Cap. VI.

Qui Clerici alea, aut alios improbatos sacris legibus lusum exercuerint, aut publice eorum respectuè ludentibus domum suam commodauerint; qui vè choreis interfuerint, aut laruati in publicis, aut priuatis coetibus fuerint, vel ad cauponarias tabernas accesserint, aut diuersoria, nisi itineris, aut necessitatis causa, frequentauerint, grauissimis (vt Episcopus censebit) poenis afficiantur.

Corripiuntur noctu vagantes, sed canentes, & sonantes eo tempore carcerentur. Cap. VII.

Clerici noctu sine legitima, & honesta causa vagantes arguantur ab Episcopis, ita vt desistant; si vero etiam voce, aut instrumentis cantitantes incedant, aut comites eorum, qui talia agunt, carcere includantur, aut aliter plectantur Episcopi arbitratu.

Non se secularibus artibus, & negotijs immisceant.

Cap. VIII.

L

Idem

Idem si Medicinam exercuerint, aut mercaturam, si in mercimoniis, intermedii, conciliatores, aut proxenetae fuerint, si laicorum in negotiis procuratores, non impetrata per scripturam ab Episcopo permissione, si in seruitio saecularium, nisi munus sit sacerdote non indignum, & Episcopi scripta licentia susceptum, si praefectores, aut pedissequi, vel affeclae, seu in mensis administri feminarum, primo carcere, aut aliis pecuniariis poenis in pios usus conuertendis, iudicio Episcopi coerceantur; deinde nisi propterea a predictis cessauerint, beneficiis priuentur, aut aliter grauissimè plectantur; a negotiatione verò supra dicta, si tertio moniti, non destiterint, ut Honorii Tertii Constitutione statutum est, in his quae proprii Patrimonii, & bonorum sunt clericale priuilegium amittant.

In Ordinarij arbitrio relinquuntur alia crimina plectenda. Cap. I X.

Cetera verò, quae hoc loco non sunt enumerata, haec sacra Synodus ita reliquit Episcoporum arbitrio, ut confidat atrociora crimina, & praesertim incontinentiae; quae ne in cogitatione quidem cadere debent, ab ipsis ultra poenas a sacris Canonibus statutas seuerissime esse animaduertenda.

Generaliter ab omnibus à iure prohibitis se abstinere. Cap. X.

Omnia demum generatim, quae ad vitam, & honestatem Clericorum pertinentia, a sacris canonicis, oecumenicis

menicis Conciliis, & Apostolicis Sanctionibus præcepta, ac prohibita sunt, clerici omnes diligenter perficere aut cauere iubetur, subituri, ni pareant, eas omnes animaduersiones, quæ illis à sacris Canonibus impositæ sunt, & sacræ Synodi Tridentini auctoritate innouatæ; aliasq. præterea, quas pro delictorum qualitate, Episcopi hætenus statuerunt, aut in posterum constituent.

DE ADULTERIIS. RVB. XXXVIII.

Quæ pœna sint luendæ ab Adulteris obstinatis, tam masculis, quàm fem: & solutis. &c. Cap. I.

Quantus Matrimonii sacramenti cōtemptus sit, eos, qui hoc vinculo sunt coniuncti, inuicem sibi fidem nō seruare, & concubinas quandoq. domi, & cum vxore alere, & retinere, grauissimæ pœnæ a canonicis sanctionibus contra adulteros constitutæ testantur.

Quicumq. igitur de adulterii crimine conuicti fuerint, in pœnas a sacris canonibus inflictas incurrant, quod si in hoc adulterii, vel concubinatus statu viuere obstinato animo voluerint, ter admoniti excommunicatione feriantur, redempta absolutione, donec re ipsa à concubinarum consuetudine separentur; sin autem perstiterint in peccato, ac censuras neglexerint, seuerè contra eos agatur ad pœnas, quas culpa ipsa exposcere videbitur. Mulieres etiam conjugatæ, quæ post legitimas monitiones, in concubinato, seu adulterio publicè viuent, ex officio ab Episcopis puniri debent, & ad eiiciendum eas extra diœcesim; si ita eis videbitur, etiam au-

L ii xilium

xilium brachii secularis implorent; quæ omnia non de vxoratis tantum, sed de solutis quoq. dicta, & statuta esse declarauit, vt contra adulteros, & concubenarios aliæ pœnæ a canonibus inflictæ augeantur.

Pœna stuprantis Virginem. Cap. II.

QVicumq. Virginem stuprauerit, ab Episcopo cogatur, vel in vxorem accipere, vel eam saltem dote conuenienti, & ampliori, quam si vitiata non esset, dotare; quia difficilius, cum virginitatem amiserint, possunt in Matrimonio collocari, & etiam aliis pœnis ipsius Episcopi arbitrio puniantur, quibus etiam, & grauioribus pœnis afficiendi erunt illi, qui virgini vim intulerint.

Pœnam parentum prostituuentium proprias filias.

Cap. III.

SI quis autem parentum nepharium illud scelus commiserit, vt proprias filias lucri gratia prostituere non vereatur, & in huiusmodi turpitudine perseuerauerit, & carceri mancipetur, & ad Triremes mittatur; prout Episcopis visum fuerit, quando Iudex laicus negligens esset.

DE VSVRIS. RVB. XXXIX.

Quam detestandum sit Vsuræ peccatum, & usurarij libros proprios exhibere debent.

Cap. I.

Cum

CUm omni iure diuino, & humano vsuraria prauitas damnata, & detestata sit; studeant Episcopi hanc pestem animarum, ac pauperum perniciem extirpare, ac propterea in vsurarios, omnesq. qui illicitos ineunt cōtractus, ex canonicorum sanctionum præscripto vehementer debent animaduertere, atq. vt tanti sceleris grauitas prorsus innotescat, infra scripta expresse declarare maxime his temporibus necessarium visum fuit. Primū igitur notorie, & manifestè vsurarios contractus inire solitus, ei, qui cum ipso de vsuris agat, libros suos edere teneatur, quod si obstinatè exhibere in iudicio recusaue- rit, pro conuicto habeatur, nisi edendi, & exhibendi eū excuset impotentia, quam non solo iuramento, sed legiti- mis probationibus docere debeat.

Libros celans, & lacerans cedulas punitur, & contra ipsum iuretur. Cap. I I.

QUod si vsurarius ille notorius, & manifestus mali- tiosè fecerit, vt edere non possit, vt potè quia con- scribebat in cedulis, quas postea lacerabat, vel libros ip- sos euertit, idq. probatum fuerit, iuramento vsuras re- petentis credatur vsurarum solutionem factam.

Iudici summarie prius constet de vsuris ante libro- rum editionem. Cap. I I I.

NE vero per calumniam vsurariam, quis cogatur li- bros suos edere, nemo compellatur ad codicem e- dendum, nisi prius iudici saltem summarie constiterit, qui

qui vsurarum accersitur, notorie esse vsurarium, vel aliqua vehementi eius criminis præsumptione teneatur.

Libris vsurariorum pro se non credatur. Cap. III.

Libris eorum, qui de vsuris conuicti sunt, in causa vsuraria nulla in ipsorum fauorem fides habeatur, licet mercatores illi sint, & eorum libri mercatorum more constructi, conscripti, atq. in formam, ordinemq. reducti fuerint; nihil enim credendum est iis, qui propria conscientia seducta, creditam sibi animam prodere non verentur.

Quomodo probetur quem esse solitum fenerari. Cap. V.

PORRò ad probandum quem fenerari, aut vsurarios contractus inire consueuisse, recipi possint testes singulares, atq. illos etiam, quibus cum vsurario contraxisse, a quibus ve fenora accepisse liqueat, dummodo ei, quod sibi prouenire posset, commodo renuncient, tum vero proxenetas quoq., ac mulieres, & quicumq. approbatione symoniacæ labis non arcentur.

Unicus testis cum iuramento partis probat vsuras.

Cap. VI.

AD hæc testis vnici testimonium iuramento partis coniunctum satis probet, quem ex mutuo fenus accepisse, si tamen ante legitime doctum fuerit, eum solitum feneratione mutuare.

Prohibentur

*Prohibentur fieri deposita penes loca pia, ut aliquid ex eis
soluatur. Cap. VII.*

DEposita quæ fiunt apud Ecclesiastica loca, & religio-
sa, vnde deponentes annuas summas, vltra sortem
qualescumq. accipiunt, illicita omnino sunt. Præcipitur
igitur quibuscumq. dictorum locorum superioribus,
seu administratoribus, ne huiusmodi contractus cele-
brare vlllo modo audeant; depositaq. cum eis pactis, con-
ditionibus, aut intentione suscipiant; deponentesq. e-
iusmodi, si quid vltra sortem ea intentione acceperint,
vsurarios teneri in vtroq. foro.

*Prohibetur res carius vendi propter tempus secundum communem
pretium rigorosum. Cap. VIII.*

QVoniam in venditione mercium ad tempus, quæ a
mercatoribus sæpius fieri solet, iniustitia, atq. v-
suræ iniquitas latere potest; caueant omnino mercato-
res, ne pro temporis dilatione maiori pretio res suas di-
strahant, quam valeant: animaduertant autem, vt si ad
tempus vendant, non cariores vendant, quam secun-
dum communem fori vsum rei pretium currat. Qui sa-
ne vsus inter probos, & integros mercatores constitui
solet. Possunt autem carius aliquid amplius vendere,
quam in præsentī reciperent; dummodo iusti pretii la-
titudinem non excedant; quod quidem pretium a ca-
tholicis grauissimisq. Theologis distingui solet in infi-
mum, seu pium; medium, siue moderatum; supremum,
vel rigorosum, idq. ex communi Mercatorum vsu di-
gnosci

gnosci potest vltra hæc tua pretia rem carius distrahere omnino illicitum est; quapropter nefarium, atq. vsurarium decernet hæc sacra Synodus, cum pro maiori temporis prærogatione rei pretium proportionabiliter augetur.

DE CENSIBVS. RVB. XXXX.

Contractus censuales iuxta decretum Pij V. permittuntur. Cap. Unic.

EX pluribus summorum Pontificum Martini Quinti, Calisti tertii, & aliorum Pontificum constitutionibus facile constat, censuum, siue annuorum reddituum contractus non solum licitos esse, sed etiam ad tollendam vsurariam prauitatem, & ad commodum Reipublicæ Christianæ magnopere accomodatos, eo maxime quod ex proxima Fel. Rec. Pii Quinti constitutione iam regula, & forma habeatur, quo legitime, & sine salutis periculo huiusmodi contractus celebrari possunt. Iccirco nihil aliud sancta Synodus monendum esse censuit, quam vt omnes Christifideles eandem Pii Quinti cōstitutionem ad vnguem exactissimè seruent, cuius quidem ne aliquo vllō vmquam tempore possit ignorantia excusare, inferendam esse decreuit, cuius tenor talis est, videlicet.

PIVS

PIVS EPISCOPVS SERVVS SERVORVM

Dei, Ad perpetuam rei memoriam.



V M onus Apostolicæ seruitutis obeun-
tes cognouerimus innumeros celebratos
fuisse, & in dies celebrari censuum con-
tractus, qui nedum non continentur intra
limites a nostris antecessoribus eisdem contractibus sta-
tutos; verum etiam, quod deterius est, contrariis omni-
no pactionibus propter ardentem avaritiæ stimulum,
legum etiam diuinarum manifestum contemptum præ-
seferunt, non potuimus animarum prout tenemur salu-
ti consulentes, ac piarum mentionum petitionibus etiã
satisfaciētes, tam graui morbo, letiferoq. veneno salu-
tari antidoto non mederi. Hac igitur nostra constitu-
tione statuimus, censum seu annum redditum creari,
cōstituiue nullo modo posse, nisi in re immobili, aut
quæ pro immobili habeatur, de sui naturâ fructifera, &
quæ nominatim certis finibus designata sit. Rursum ni-
si vere in pecunia numerata, præsentibus testibus, ac no-
tario, & in actu celebrationis instrumenti, non autem
prius recepto integro, iustoq. pretio, solutiones quas
vulgo anticipatas appellant, fieri, aut in pactum deduci
prohibemus. Conuentiones directæ, aut indirectæ obli-
gantes ad casus fortuitos eum, qui alias ex naturâ con-
tractus, non teneatur, nullo modo valere volumus.
Quemadmodum nec pactum auferens, aut restringens
facultatem alienandi rem censui suppositam, quia volu-
mus rem ipsam semper, & libere, ac sine solutione lau-
demii, seu quinquagesimæ, aut alterius quantitatis, vel
M rei,

rei, tam inter viuos, quam in vltima voluntate alienari. Vbi autem vendenda sit, volumus dominum census aliis omnibus præferri, ei. denunciari conditiones quibus vendenda sit, & per mensem expectari. Pacta continentia morosum census debitorem teneri ad interesse lucri cessantis, vel ad cambium, seu certas expensas, aut certa salaria, aut ad salaria, seu expensas medio iuramento creditoris liquidandas, aut rem censui subiectam, siue aliquam eius partem amittere, aut aliud ius ex eodem contractu, siue aliunde acquisitam perdere, vt in aliquâ pœnam cadere, ex toto irrita sint, & nulla. Immo, & censum augeri, & nouum creari super eadem, vel alia re in fauorem eiusdē, aut personæ per eum suppositæ pro censibus temporis vel præteriti, vel futuri omnino prohibemus. Sicut etiam annullamus pacta continentia solutiones onerum ad eum spectare, ad quem alias de iure, & ex natura contractus non spectarent. Postremo census omnes in futurum creandos non solum re in totum, vel pro parte perempta, aut infructuosa in totum, vel pro parte effecta, volumus ad ratam perire, sed etiâ posse pro eodem pretio extinguui: non obstante longissimi etiam temporis, ac immemorabili, immo centum, & plurium annorum præscriptione, non obstantibus aliquibus pactis directe, aut indirecte talem facultatem auferentibus, quibuscumq. verbis, aut clausulis concepta sint. Cum vero traditione pretii redditus extinguendus erit, volumus per bimestre ante id denunciari ei, cui pretium dandum erit, & post denuntiam, intra annum tamen, etiam ab inuito pretium repeti posse, & vbi pretium, nec volens intra bimestre soluat, nec ab inuito intra

tra

tra annum exigatur, volumus nihilominus quodcumq. redditum extinguere posse, præuia tamen semper denuntia de qua supra, & nõ obstantibus his de quibus supra, idq. obseruari mandamus etiam quod pluries ac pluries denunciatum fuisset, nec vnquam effectus secutus fuisset. Pacta etiam continentia pretium census extra casum prædictum, ab inuito, aut ob pœnam, aut ob aliam causam repeti posse, omnino prohibemus. Contractusq. sub alia forma posthac celebrandos fœnerationes iudicamus. Et ita illis propterea non obstantibus, quidquid vel expresse, vel tacite contra hæc nostra mandata dari, remitti, aut dimitti cõtingat, a Fisco volumus posse vendicari. Hanc autem salutiferam sanctionem nedum in censu nouiter creando, verum etiam in creatio quocumq. tempore alienando, modo post publicationem constitutionis creatus sit, perpetuo, & in omnibus seruari volumus. Declarantes pretium semel censui constitutum, numquam posse ob temporum, aut contrahentium qualitatem, seu aliud accidens, nec quo ad vltimo contrahentes minui, vel augeri. Et licet legem ipsam ad contractus iam celebratos non extendamus, illos tamen omnes in quos sub alia forma peruenerunt census, hortamur in domino, vt singulos contractus censure bonorum religiosorum subiiciant, & animarum salutem consulant. Non obstantibus quibuscumque constitutionibus, & ordinationibus apostolicis, statutis, & consuetudinibus, nec nõ priuilegiis, & litteris etiã per quoscumq. Romanos Pontifices prædecessores nostros, ac etiam Nos, sub quibuscumq. tenoribus, & formis, ac cū quibuscumque clausulis etiã derogatoriis, nec

M ii non

non irritatibus decretis, ex quauis causa, etiam per modum legis vniuersalis, aut alias quomodolibet editis, siue in fauorem Vniuersitatum, Communitatum, Collegiorum, Congregationum, Ciuitatum, & locorum concessis, approbatis, & innouatis. Quibus omnibus, & singulis illorum tenores presentibus pro expressis habentes, quatenus directe, vel indirecte presenti nostrae constitutioni in toto, vel in parte contrariantur, specialiter, & expresse derogamus, ceterisque contrariis quibuscumque. Volumus autem quod praesentes in Cancellaria, & acie Campi Florae publicentur, & inter constitutiones extrauagantes perpetuo valituras conscribatur. Et quia difficile foret praesentes ad singula quaque loca deferri, volumus & etiam declaramus quod earum transumptis etiam impressis, manu alicuius Notari publici subscriptis, ac sigillo alicuius Praelati munitis, eadem prorsus fides ubique adhibeatur, quae praesentibus adhiberetur, si forent exhibitae, vel ostense. Nulli ergo omnino hominum liceat hanc paginam nostrae prohibitionis, annulationis statuti, mandati, iudicii, hortationis, derogationis, declarationis, & voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac Beatorum Petri, & Pauli Apostolorum eius se noverit incursurum. Datum Romae apud sanctum Petrum, Anno incarnationis Dominicae, Millesimo quingentesimo sexagesimo octauo, Quarto decimo Kalendas Februarii. Pontificatus nostri anno Quarto.

DE

DE SYMONIA RVB. XXXXI.

*Ad sacros ordines per Symoniam promotus per decennium
indispensabiliter suspenditur, & per annum
carceratur. Cap. I.*

Q Vicumq. per symoniam ad ordines Ecclesiasticos
peruenerit, ipso facto, ab eorum ordinum exer-
citatione decennio suspensus erit, omni dispensationis
spe sublata, annuoq. carcere damnatus.

*Quicumq. beneficia, & officia Ecclesiastica obtinuerit symo-
niace, est eis priuatus, & inhabilis effectus, & fru-
ctus restituere debet. Cap. II.*

Q Vi dignitates Ecclesiasticas, aut beneficium, vel offi-
cium quodcunq. symoniaca largitione, aut pactio-
ne interposita adeptus fuerit, illis ipso iure priuetur, &
ad alia omnia adipiscenda inhabilis, & incapax omni-
no censeatur, fructusq. quos ex illis perceperit, resti-
tuere teneatur: & si iterum symoniacæ labis conuictus
fuerit, corpore etiam pœnas det, & ab Ecclesiis ordini-
bus depositus a fidelium consortio abigatur.

*Alienans ius patronatus contra iuris decreta, eo viuentē ipso
priuatur, & excommunicatur. Cap. III.*

I Vs patronatus venditionis, aut alio quocumq. titulo
in alios contra canonicas sanctiones nullo modo pa-

troni transferre præsumant, nec aliquis eiusmodi illicitarum alienationum particeps aut mediator existat; qui secus fecerint excommunicationis vinculo innodentur, & dicto iure patronatus ipse patronus, quoad vixerit, priuetur.

Damnantur, & puniantur omnes illicitæ pactiones. Cap. III.

ET tandem eas omnes pactiones, promissiones, & receptiones, tam pecuniæ, quam aliarum rerum temporalium pro administratione quorumcumq. sacramentorum, aut ceteris rebus spiritualibus nefarie symoniacos Episcopi seuerissime puniant, & acerrime persequantur, ac coerceant; vt Tridentina Synodus, & Pius Quintus latissime præceperunt.

DE IEIUNIO RVB. XXXII.

Non seruantes ieiunia Ecclesiæ puniantur. Cap. I.

SAcra ieiunia omnia, quæ Ecclesia indixit, quisquis sine legitima causa violauerit, præter eam in quam incidit interdictis vtendo cibis Dei offensionem, seuerè ab eo iudicandam, Ordinarii etiam arbitrato puniantur, habita contemptus, aut iterationis ratione.

In ieiunio Quadragesimæ non vendantur carnes, nisi in loco deputato, & ab his emantur, qui licentiam vtriusq. medici, & Ordinarij habuerint, & extra urbem suppleat parrochus. Cap. II.

Ieiuniorum

Ieiuniorum tempore, & præcipue Quadragesimæ carnes in urbibus, & oppidis, statutis tantum in locis, & publice venalia habeantur, eaq. aliaq. interdicta obsonia non nisi in eorum usu emantur, quibus Confessarii, & Medici testimonio pro imbecillitate, aut valetudine, aliaq. legitima ratione opus fuerit, ac licentiam Ordinarii scriptam, gratisq.tribuendam concesserint; extra vero Ciuitates, & municipia, ubi Medici consilium haberi non potest ex conspicua, & vrgenti causa imbecilibus, senibus, ac valetudinariis Parrochi indulgere id poterunt; illis tamen conditionibus seruatis, quas Episcopi iuxta eorum conscientiam necessario apponendas iudicauerint.

Eo tempore prohibentur cibaria prohibita in tabernis & domibus publicis, nisi iusta causa. Cap. III.

Prohibeant omnino Episcopi ne Quadragesima, aut aliis ieiuniis in cauponibus, aut diuersorii, Carnes, aut ceteri illiciti, & vetiti cibi coquantur, vendantur, aut habeantur, nisi in necessarium alicuius usum, ut præcedenti capite dictum est, ea forma seruata poenasq. inobedientibus imponant quas arbitrabuntur.

Hortantur omnes seruare ieiunia, & maxime aduocatorum. Cap. IIII.

Monentur omnes Christifideles, ut ieiunia omnia seruent, & maxime vigilas ab Ecclesia indictas, ac eas, quæ in ciuitatum, ac aliorum locorum Patronorum honorem

honorem constitutæ sunt; ingrati enim animi est, non omnia in eorum venerationem impendere, quorum patrociniis, ac precibus infinita a Deo beneficia accipiuntur.

DE DECIMIS. RVB. XXXXIII.

Decimæ integre sunt persolvendæ secundum loci consuetudinem sub pœna excommunicationis, & plebanis quartesium solvatur. Cap. I.

CUm præceptum diuinum de soluendis decimis, aut contemnitur, aut negligitur ad eam inopiam, & egestatem Ecclesiæ rediguntur, vt facile debitis obsequiis, & cultu destituantur; iccirco iuxta Tridentinæ Synodi decretum, præcipitur omnibus cuiuscumq. gradus, & conditionis sint, ad quos decimarum solutio spectat, vt eis, ad quas de iure tenentur, Ecclesiis, aut personis, quibus legitime debentur, integre persoluant secundum locorum consuetudines, Alioquin tam subtrahentes eas quam impediētes ab Ordinariis excommunicentur, nec nisi plena restitutione secuta absoluantur, Plebanisq. pars, quæ Quadragesima, seu quartesima dicitur, reddatur, iuxta dictum morem; si qua verò prædia a decimarum solutione iniusta occasione, aut prætextu cessauerint, Episcopi ipsorum locorum in quo sita erunt, vsu, vt supradictum est, præstare eas compellant.

Rectores semel in anno publicent decretum de decimis soluendis. Cap. I I.

Atq. vt

ATq. vt populis innotescat, quam periculoso se facinore obstringant, qui decimas abnegant, Parrochis itidem ipsis præcipitur, vt semel saltem quotannis, quo tempore Episcopi expedire censebunt, aut ipsis commodius fuerit, decretum supradicti Concilii Tridentini de Decimis inter Missarum solemnias frequenti populo legant, publicè ac materno sermone interpretentur.

DE REBUS ECCLESIAE RECUPERANDIS.

R. V. B. XXXXIIII.

Episcopi & Rectores Ecclesiarum bona male alienata ad Ecclesiae proprietatem reducere curent. Cap. I.

Sacri Tridentini Concilii auctoritate præcipitur singulis Episcopis, vt ipsi, vel eorum Vicarii adiunctis duobus, altero quidem ex capitulo, altero ex ciuitatis Clero, qui iuris periti sint, quiq. illi aptiores videbuntur, quorum alter a capitulo, alter a Clero eligantur, tum Ecclesiarum rectoribus petentibus, tum etiam ex officio recognoscant quascumq. locationes bonorum Ecclesiasticorum ad longum tempus, seu ad vigintino- uem annos, seu ad duplicatum vigesimum nonum annum, quæ ante publicatam Tridentinam Synodum intra annos triginta confectæ fuerint, iudicent, ac decernant, an cum Ecclesiarum detrimento, an contra canonicas sanctiones, an omisso iuris ordine contractæ, ex quo tamen causis pendētibus nil præiudicii afferatur; quod si ad Episcopum, vel eius mensam bona locata pertineant, aut ipse, vel ipsius Vicarius, commissarii, seu

N executores

98 DE REBUS ECCLES. RECUPERAN.

executores fuerint, ad viciniorem Episcopum cum supradictis a Capitulo & Clero electis recognitio, ac iudicium eiusmodi transferatur; si vero etiam ipsi legitime recusari poterunt, duo alii eodem pacto a Capitulo, & Clero adiungantur, qui eam tantum causam cum illo Episcopo recognoscant, & iudicent.

Ordinarij etiam alienationes hospitalium ab annis xxx. perquirant. Cap. I I.

ORdinariis itidem præcipitur, ut diligenter inquirant, an bona quæcumq. ecclesiastica, etiam hospitalium, ea conditione alienata sint, si apostolica accederet confirmatio; quod si in aliqua eiusmodi alienatione, & præcipue, quæ supradictos triginta annos non excedit, compererint, conditionem non expletam reuocent, ut irritam, & inanem.

Prohibetur locatio cum anticipata solutione. Cap. III.

NVlla Ecclesiarum bona anticipatis pensionibus locentur, nec, si id fiat, successoribus officere nullo modo poterit.

Iudices super confirmatione si in euidentem &c. indemnitati Ecclesiarum maxime provideant.

Cap. I I I I.

EPiscopi, aut eorum Vicarii Ecclesiasticorum bonorum alienationes, auctoritate apostolica confirmantur,

DE REBUS ECCLES. RECUPERAN. 99

turi, sedulo curent, vt diligenti inuestigatione adhibita, & in rem præsentem euntes, rite, rectè, ac mature omnia faciant adeo, vt omnino Ecclesiæ indemnitati consulatur.

Ordinarij semel in anno publicari faciant populo decretum

Concil. Triden. contra occupatores rerum Ecclesiæ. Cap. V.

Rogantur in Domino omnes Episcopi, & obsecrantur, vt saltem semel quotannis caput xii. sessionis xxii. de reformatione quod incipit, Si quem clericorū, in die Dominica Lætare, per publicum cōcionatorem frequenti populo publicetur, ac vulgaribus verbis exponatur, vt omnes tam clerici, quam laici sciant, & meminerint, Ecclesiasticarum rerum occupatores ipso iure excommunicatos esse, neq. ab alio, quam ab ipso Pontifice Maximo absolui posse.

DE INDVLGENTIIS. RVB. XLV.

Rectores doceant populum effectum indulgentiarum. Cap. I.

Cum Indulgentiæ a summo Pontifice concessæ publicandæ erunt, doceant Parrochi, & apud Ecclesiam esse earum concedendarum potestatem a Christo illi collatam, & illarum vsum plurimi faciendum, cum Christianis fidelibus magno emolumento fructuosissimeq. sint animarum saluti.

N ii

Quid

Quid sit faciendum per Episcopum super abusibus indulgentiarum. Cap. I I.

Diligentissime scrutentur Episcopi, siquæ indignitates, aut absurditates in vsum indulgentiarum se insinuauerint, easq. singillatim adnotatas ad Prouinciale Concilium, quod sequitur, referant, vt communi consilio ad Sanctissimum Rom. Pontif. deferantur, quo auctore quidquid expedierit constituatur.

Indulgentiæ omnes perpetuæ cum onere aliquid præstandi sunt abrogatæ. Cap. I I I.

PIVS V. Felic. Rec. Pontifex Max. quascumq. indulgentias, etiam perpetuas, quas qui consequi voluissent, manus conferre debeant adiutrices, quasi ad quæstum ductas, penitus abrogauit, quod neminẽ ignorare pium valde, ac necessarium est.

DE PROCESSIONIBVS. RVB. XLVI.

Etiam exempti, & laicorum confraternitates secundum loci consuetudinem debeant processionibus interesse, ac redire in eum locum, unde primo discesserunt sub pana. Cap. I.

Processiones suo tempore fiant eo ordine, ac religione, qua decet, ad quas accedere omnino teneantur non solum regulares, & exempti, sed etiam Confraternitates laicorum secundum consuetudinem loci, aut
secundum

secundum quod fuerint ab Episcopis conuocata, hoc semper seruato, vt capitulum cathedralis Ecclesiæ, ad locum vnde discessit, ab omnibus reducatur, sub pœnis Episcoporum arbitrio imponendis.

Præcedentiarum lites extraiudicialiter ab Episcopo appellatione remota terminentur. Cap. I I.

PRæcedentiæ vero, quæ maximo populi scandalo disputari, & disceptari aliquando solent, ab Episcopis etiam extraiudicialiter omnino componantur, ac tollantur, atq. illud quod in ea compositione statutum fuerit, etiam per censuras Ecclesiasticas, & si opus fuerit, brachii sæcularis inuocatione ab omnibus, appellatione remota, decretum inuiolabiliter seruetur.

In processione Corporis Christi locus processionis ornatur, & appareatur. Cap. I I I.

IN quibus omnibus processionibus, & præsertim in festo Sanctissimi Corporis Christi in locis, per quæ incedere solent, is ornatus, apparatus, & decor appareat, qui præsentia, & aspectui Saluatoris Domini Nostri conuenire videantur; fideles vero in associatione reuerentiam, pietatem, & religionem eam seruent, vt fructum tam pii operis, & laboris a Domino consequi possint.

DE

DE FVNERALIBVS. RVB. XLVII.

*Pro funeralibus non potest aliquid pacisci, nec exigi.**Cap.**I.*

Sola caritatis ratio clericos, tam sæculares, quam regulares adducere debet, vt Christifidelium funeribus intersint, piis precibus defunctorum animabus suffragaturi, quare ab omni eos decet auaritiæ corruptela, & ostentatione alienos esse; prohibetur igitur ne exequiarum, sepulturæ, aut Anniuersariorum causa quidquam omnino paciscantur, petant, aut exigant, aliud vè committant, vnde symoniaca labes, aut cupiditatis suspicio contrahi possit.

De ordine procedendi in processionibus funeralium defunctorum inter regulares, & sæculares. Cap. II.

NE controuersiis, ac contentionibus, quæ inter Parochos sæculares, ac regulares quoscumq. nasci solent, locus relinquatur, decernitur, aut cum ex Parrochia regulari ad regularem etiam Ecclesiam funus deducendum est, regularis, qui Parrochiâ exercet, aut eum repræsentat, superpelliceo & stola, seu pluuiali ornatus digniorem locum teneat, etiam inter ludi magistrum & Choristâ, seu hebdomadarium supremæ Ecclesiæ; ceteri vero cõregulares eo ordine contineantur, quo in processionibus vti consueuerint: regulares porro, in quorum Ecclesia funus consistit, inter regulares primum

num teneant locum, nisi Monachi adsint, quibus mendicantes omnino cedant, quod si è Parrochia sæculari funus egrediatur, ad Ecclesiam regularem, in qua cura sit animarum, producendum, vel e conuerso digniori serie regulares incedant, aut stent; inter sæculares autem Parrochus ille præcedat stola, vt supra, aut pluuiali indutus, ad cuius Ecclesiam cadauer defertur, sed eodem habitu par ille sit ex cuius Parrochia effertur. Qui autem secus fecerint, sæculares arbitrio Episcopi, & regulares per tres menses suspensi sint, aliis etiam pœnis, pro modo culpæ sæcularibus ab Episcopo infligendis.

Parrochi retinere debent librum mortuorum. Cap. III.

IVbeantur Parrochi librum habere, in quo Parrochianorum suorum, qui decesserint, nomina omnia diligenter, dies obitus annotentur; alioquin, vt Episcopo videbitur, puniantur.

De clericorum habitu in exequijs. Cap. IIII.

CLerici autem vniuersi sæculares, dum exequiæ fiunt, superpelliceis, seu alio quo vti in Ecclesia possunt habitu induti in funere sint, & ipsi quacumq. dignitate, ac prærogatiua præditi, ac etiam regulares omnes, non ante discedant ab exequiis, quam officium absolutum fuerit, & tunc si capitulum Ecclesiæ cathedralis aderit, prout dictum est de processionibus, omnino deducatur, alioquin portione ex funere adepta, aut eius compensatione priuentur, quæ pauperibus pro suffragio

suffragio defuncti tribuantur, aliis pœnis etiam contra contumaces ab Episcopis statuendis.

*Quod cera destinata in funere spectet ad Ecclesiam,
& vestes restituantur. Cap. V.*

ATq. vt omnis, & turbæ, & scandalis occasio euitetur, declarat hæc Synodus omnem ceram, quæ quocumq. modo est ad associandum funus destinata, ipso iure ad Ecclesiam illam pertinere, in qua defunctus sepellitur, sine tamen præiudicio quartæ parrochialis; insuper statuendo quod etiam vestes, ornamenta, & alia eius generis ab Ecclesia cum licentia parrochi extrahi debeant, ita vt sine tumultu restituantur.

DE SEPVLCRIS. RVB. XLVIII.

*Cadauerorum deposita super terram tollantur, nisi ea Aenea
vel Marmorea sint, & hæc etiam nisi altari sint proxima,
vel non multum eminentia, & Ecclesiam impediencia, & prohibentur in eis
apponi insignia bellica. Cap. I.*

Illam quorundam ambitionem detestandam esse, & abolendam prorsus decreuit, qui cum nihil aliud, quàm puluis & cinis sint, eminenti tamen, & excelso loco cadauera collocari volunt; quapropter capsa omnes, deposita, seu alia, vbi corpora mortuorum condi solent, si supra terram existant, & quæ parietibus adiuncta ex altera parte eminent, nisi marmorea, aut aenea, ab Ecclesiis tol-

siis tollantur, iuxta Fel. Rec. Pii Quinti Constitutionem: Aenea autem, & marmorea sepulcra retineri posse declarat, si altari non adhæreant, vel extra murum non multum emineant, aut alias Ecclesiam ipsam non impediant, neq. in illis vexilla, aut arma bellica, aut alia huius generis ornamenta affigi, aut apponi vlllo modo posse decreuit.

Cæmeteria clausa custodiantur. Cap. I I.

ET quia Cæmeteria ad sepelliendum destinata maxima cum irreuerentia in aliquibus locis, & magno populi scandalo negliguntur, ante omnia vsum in ipsis sepelliendi, vbi commodè fieri potuit, Synodus ad pristinum Ecclesiæ morem reuocandum esse statuit, districtè præcipiēdo, vt ea loca ad cæmeterium destinata, parochi clausa eo modo, teneantur, vt neq. bestiis peruia, neq. immunditiis exposita esse possint. Idq. Episcopi efficiant, vt etiam pœnis eorum arbitrio impositis a Parrochis diligentissime seruetur.

DE SVFFOCATIONIBVS. RVB. XLIX.

Parrochi semel in mense admoneant lactantes mulieres, & præcipiant eis in lecto retinere capsulas, & de pœnis suffocationis. Cap. Unicum.

VT autem suffocationibus in posterum prouideatur, quæ passim fermè impunè prætermittuntur, hortatur hæc Synodus omnes Episcopos, vt efficiant, quod a rectoribus

ctoribus saltem singulo quoq. mēse populus doceatur, eiq. declaretur grauitas huiusmodi culpæ mulieribusque lactem propriis, vel aliis infantibus præbentibus præcipiatur, vt nullo modo ipsos in lecto absq. capsula retineant; contrafacientes verò tam pœnis pecuniariis quam censuris Ecclesiasticis in subsidium, & etiam exilii a Diœcesi, vel Metropoli puniri possint, quæ pœnæ extendantur, etiam ad earum maritos (qui cum sit caput mulieris vir) huius transgressionis culpam habere maxima ex parte putantur: contra suffocantes verò supradictæ pœnæ pro modo culpæ ab Episcopis grauissime augeri possint, addita etiam condigna, ac salutari pœnitentia, ab ipsis tantum iniungenda; atq. interea teneantur omnes reuelare Parrochis mulieres, quæ pueros in lecto absq. capsula contra huius decreti dispositionem retinuerint, & eos, qui non reuelauerint, etiam si opus fuerit excommunicandos esse decreuit.



SESSIO

SESSIO QVARTA,

ET VLTIMA; CELEBRATA

DIE XIII. APRILIS MDLXXIII.



DE PIORVM LOCORVM ADMINISTRA- TIONE. R V B. L.

Quales esse debeant administratores piorum locorum.

Cap. I.



Piorum Ecclesiasticorum locorū administrationi vt ii præsint Episcopi curent, qui pietatis studiosi, vitaq. probati dignoscantur, quiq. ea integritate, ac prudētia præditi sint, vt tamquam pauperum parentes eorum patrimonium cum summa fide & abstinentia procurent.

Ad quid teneantur Hospitalarij locorum. Cap. II.

IN hospitalibus Episcoporum studium maxime versetur, vt omnes quocumq. titulo, ac nomine hospitalia tenentes, & gubernatores re ipsa, & cum effectu officio suo satisfaciant, & in hospitalitate etiam peregrinorum seruanda pauperes, & indigentes benigne recipiantur, & caritatiue tractentur, ita vt qui hospitalitatem, aut nullo modo, aut negligenter seruant ab Episcopis

O ii omnibus

omnibus iuris remediis, ac etiam censuris, si opus fuerit, ad id omnino præstandum compellantur.

Ad idem tendit.

Cap. I I I.

CVratores etiam hospitalium, quæ sunt ad pauperum infirmorum necessitates destinata, accurate dent operam, ut omnia quæ sunt, tam ad corporum sanitatē, quam ad animarum salutem necessaria, infirmis ministrentur, adeo ut peccatorum confessio quam primum fiat; communio verò, extrema unctio, & commendatio animæ suo tempore non desint. Medici quoque, medicamenta, & ministri omni munditia, & diligentia præstò sint, ita ut morte interueniente curatorum negligentia nulla ex parte culpari possit, decedentium nomina, genus, ac patria in proprium librum deferantur, & pia sepulturæ, ac exequiarum iusta, qua decet, caritate persoluantur.

Prohibentur parentes exponere proprios filios. Cap. IIII.

Commonendi sunt parentes, ne in orphanotrophiis filios suos infantes exponant, quos ipsi alere etiam industria valent, ut sciant se ad restitutionem alimentorum prorsus teneri.

Expositi, effecti adulti artibus, & moribus imbuantur, ac erudiantur.

Cap. V.

Infantibus ipsis in orphanotrophiis expositis, & nutrices quæ lactent, donec baptizentur, & alendi locantur,

cantur, & omnia alia pro illorum cura ita comparētur, ut periclitandorum puerorum nulla occasio esse possit; cum verò ipsi ad eam ætatē peruenerint, quæ ad disciplinam est idonea, tam masculi, quam feminae pro facultatibus, & opportunitate locorum, & instruuntur moribus, & artibus erudiantur, quæcumq. sexui conuenire videbuntur.

Rectores piorum locorum Episcopo reddant rationem, vel magistratibus, quibus ex consuetudine conuenit.

Cap. U. 1.

ET tandem administratores quicumq. hospitalium, fabricarum, confraternitatum, ac aliorum piorum locorum quorumcumq. iuxta Concilii Tridentini decretum, teneantur rationem reddere Ordinario: Et si ex consuetudine aliqua, aut constitutione magistratibus, aut aliis personis reddenda esset, tunc & ipsis reddatur. Episcopi vero exequi sedulo curent, ut in ipsa administratione, & culpa & negligentia, prout iuris fuerit, emēdetur, & puniatur; & præsertim provideant, quod redditus, & fructus fabricæ ecclesiarum, ante omnia in sacras vestes, & alia ornamenta Ecclesiæ impendantur, prout necessarium & opportunum visum fuerit, non obstante quacumq. consuetudine.

DE

DE CONFRATERNITATIBVS
LAICORVM. RVB. LI.*Confraternitates ab Ordinario approbatæ visitentur.*

Cap. I.

QVoniam a sacro Concilio Tridentino fuit expressis verbis Episcopis grauitè iniunctum munus visitandi etiam Confraternitates laicorum; in illud Episcopi incumbant, ut ipsæ constitutiones integre, & inuiolabiliter obseruentur, quæ tamen ab ipsis Episcopis, & approbatione, & subscriptione munitæ, & roboratæ fuerint adeò ut diuinus cultus, atq. probata ipsorum vita meritò apud Dominum commendetur.

Laici prohibentur concionari, ac habere sermones de rebus fidei, et religionis, exceptis professoribus, et qui licentiam ab Episcopo habuerint, qui secundum morales sermones faciant. Cap. II.

PRæcipitur præterea omnibus & singulis Gubernatoribus, custodibus, confratribus, & aliis quibuscumq. laicis, qui in huiusmodi confraternitatibus conueniunt, ne posthac concionari, aut verba facere in dictis societatibus præsumant de rebus ad Christianam fidem, & catholicam religionem pertinentibus, nisi prius fidei professionem emiserint, & ab Episcopis licentiam in scriptis obtinuerint, exceptis illis qui post maturam deliberationem a rectoribus, & gubernatoribus idonei reperi, & electi fuerint ad faciendos iuxta consuetudinem loci

loci morales sermones, in quibus confratres tantum ad virtutes cohortari, & a vitiis deterreri solent.

Siqui vero in prædictis deliquerint, ab Episcopis correcti etiam ipsorum arbitrio puniantur.

Ex se patet.

Cap. I I I.

Commestationes, & computationes, aut alia eiusmodi in oratoriis Confraternitatum nullo umquam tempore fiant, excepto tamen die Cenæ Domini; quo tempore prouideant Episcopi, ut nihil fiat, quod contra pietatem, & reuerentiam tantæ solemnitatis esse videatur, extra oratoria in dictis Confraternitatum locis refectiones non aliter fiant quam de licentia Episcopi, & tunc de propriis non de confraternitatum bonis.

DE MONIALIBVS. RVB. LII.

Episcopi clausuram etiam in exemptis Monasterijs seruari curent.

Cap. I.

Quod ad Monialium reformationem, tutelam, & curam pertinet, abunde Tridentinæ Synodi statutis, & præsertim Fel. Rec. Pii Quinti Constitutionibus procuratum videtur.

Quare Episcopi ad effugiendam obtestationem diuini iudicii, & interminationem maledictionis æternæ, qua maxima possunt diligentia, clausuram in omnibus Monasteriis sibi subiectis ordinaria, in aliis vero auctoritate Apostolica inuiolabiliter conseruari procurent, & pro-

& propterea, vt in hoc tā necessario & salutari munere officio suo satisfaciant, vehementer eos hortatur hæc sacra Synodus, & vt visitationibus, & aliis quibuscumq. rationibus necessariis, & oportunis, & omni studio & vigilantia vtantur, quæ eos apud Deum, & hominem, tam in foro exteriori, quam interiori excusari possit.

*Prohibetur confessoribus, & gubernatoribus habitatio iuxta
Monasteria, & quibus casibus permittuntur crates
& rotæ in dictis locis. Cap. II.*

NE nimia familiaritate aliquis cōtemptus oriatur, statuit, vt, vbicumq. commodè fieri poterit, confessores, & gubernatores in domibus ipsis Monasteriis coniunctis non habitent, & si quando ex necessitate aliqua loci sit arbitrio Episcopi habitatio relinquenda, tunc crates, rotæ, & omnia alia huius generis, quæ ad Clausuram maxime pertinent, nullo modo in dictis habitationibus permittantur, quin immo inuro, quam primum obstruantur, & etiam in dictis Domibus non habitent.

*Quales esse debeant Rotæ, & Crates, & quod Moniales cum
mare non loquantur, nisi velo nigro mediante, exceptis
consanguineis, vsq. ad tertium gradum. Cap. III.*

EFficiant præterea Episcopi, vt Rotæ etiam per quas mittuntur, aut recipiuntur a Monialibus opportuna, parux sint, & ferris interiectis munitæ; singulis vero fenestris,

fenestris, & ad loquendum destinatis, sint duplices illæ crates infixæ nō minus palmo inter se distantes, ex quibus non liceat Monialibus cum mare aliquo colloqui, nisi nigro velo obducto, præterquam cum Patre, Auo, aut alio consanguineo, vsq. ad tertium gradum exclusiue, etiam si licentiam adeundi ab Episcopo habeant, & inobedientes, prout contumacia, aut negligentia exegerit, pœnas subeant.

Intra claustra loci prohibentur dari cibaria colonis, & alijs quibuscumq. sub pœna. Cap. IIII.

PRæfectis autem quibuscumq. Monialium præcipitur in virtute sanctæ obedientiæ, & sub priuationis, aut suspensionis pœna arbitrio Ordinarii imponenda, ne permittât intra claustra Monasterii colonis, aut quibuscumq. aliis quacumq. de caussa cibum dari, sed statim rebus adportatis, iumentisq. exoneratis, extra claustra exire cogantur.

In Abbatissarum electione quid sit faciendum, & quod ultra triennium non eligantur. Cap. V.

IN electione Abbatissæ, Priorissæ, aut quocumq. nomine Præfectæ, accuratissime seruentur ea omnia, quæ a sacro Conc. Tridentino præcepta sunt, tam quo ad modum electionis, quam quo ad ætatem, & alias conditiones in eo explicatas, quæ electio in Monasteriis Episcopis subiectis posthac ultra triennium non extendatur, neq. confirmetur, nisi legitimo Monialium voto,

P quod

quod si iterum electe fuerint tunc toties confirmari possint, quoties Episcopis expedire visum fuerit. vbi tamen fuerint triennales.

In Monasterijs cibus, potus, & vestitus sint communes, & quod proprium non possideant. Cap. VI.

CVrent Episcopi, vt eadem Synodus iubet, vt in omnibus Monasteriis cibus, potus, vestitus communis sit, quoad fieri possit, obseruetur, ac praesertim ne bona tam mobilia, quam immobilia contra dictae Synodi praescriptum moniales proprie possideant, sed quidquid eis relictum, datum, aut quoquomodo acquisitum fuerit, Abbatissae tantum & Camerariae tradatur, ac consignetur, vnde prius illius, cuius causa collatum, aut opera comparatum est, necessitati consulatur, quod reliquum fuerit in Monasterii vsum transferatur.

Confessores pro spiritualibus non ingrediantur intra septa Monasterij, nisi pelliceo, & stola vestiti, pro temporalibus autem cum vno ex operarijs vel Episcopi speciali licentia ingrediantur.

Cap. VII.

Monialium Confessores, Gubernatores, aut quocumque nomine sacerdotes earum speciali Monasterio addicti pro administratione sacramentorum, nisi superpelliceo, stolaque induti Monasterii septa ingredi caueant: si autem pro aliqua temporali necessitate sit omnino ingrediendum, tunc aut duo ex ipsis, aut alter eorum cum vno saltem ex operariis ingrediatur, aut alias de Episcopi licen-

pi licentia specialiter obtempta, quam in casibus necessariis Episcopus tantum dare debet.

Quales esse debeant earum confessores. Cap. VIII.

Confessores, Cappellaniq. Monialium viri probi, prouecta ætate, ac probata vitæ, & quam maxime poterunt, doctrina præditi, eligantur: confessores itidem extraordinarii, vt iubet sancta Synodus ab Episcopis in Monasteriis sibi subiectis offerantur, & concedantur saltem ante festum assumptionis Beatissimæ Virginis, & post impositionem Cinerû, seu aliis temporibus, quod magis Episcopus probauerit.

De examine faciendo ingressuris Monasterium extra septa Monialium. Cap. IX.

Memores quoq. sint Abbatissæ iuxta formam Concilii Tridentini certiorē facere Episcopum de tempore professionis Monialium sub pœnis suspensionis ab officio, & aliis arbitrio Episcopi infligendis. In examine autem ab Episcopo, vel a Vicario, aut ab alio deputando, tam ante susceptionem habitus, quam ante professionis tempus faciendo, ea diligentia, & prudentia adhibeatur, vt libertas Virginum Deo dicandarum semper integra, & inuiolata remaneat, & appareat, doceaturq. specialiter puella de grauitate votorû regulæ, & clausuræ, atq. irreuocabili professione emissa, libertatis amissione, atq. vt facilius effici possint, & extra Monasterii septa, & in eius Ecclesia examinetur.

P ii

Sine

Sine Episcopi licentia, aliqua non admittatur in Monasterium, & quod earum numerus sit iuxta facultates, & consuetas eleemosinas.

Cap. X.

Cum iubeat sancta Tridentina Synodus, ne plures recipiantur in Monasteriis, quam pro redditus annui, vel consuetarum eleemosinarum quantitate sustentari commode possint, Episcopi, etiam in Monasteriis ab eorum cura & regimine quomodocumque exemptis, cum illarum superiorum interuentu, iuxta formam litterarum .S. D. N. Gregorii. xiii. statuunt Monasteriorum redditibus, aut piis auxiliis computatis, quis numerus cuiq. conueniat, ita, vt excedi non possit, neq. tamen quomodocumq. inconsulto, & non permittente Episcopo vlla admittatur, alioquin Præfectæ puniantur, prout Episcopo videbitur.

Ministri omnes tam spirituales quam corporales, ab Episcopo approbentur, & cum eius licentia ingrediantur.

Cap. X I.

Qicumq. Monialium ministerio, & seruitio futuri sunt gubernatores, confessarii, cappellani, medici, pistori, famuli, atq. alii artifices antequam recipiantur, in Monasteriis sibi subiectis, ab Episcopo approbentur. Nec illi prius Monasteria ingrediantur quā ab Episcopis, seu eorum Vicariis scriptam licentiā acceperint.

Ex se patet.

Cap. X I I.

Puellæ

PVellæ educationis, aut custodiæ causa in Monasteriis non recipiantur sine Episcopi, monialibus, & præfecta consentientibus, licentia, quæ minoribus viii. annis non concedatur, nisi aliud Episcopo videatur.

Velata virgine ostia Monasterij claudantur, & omnes dimittantur, nisi in locis extra ciuitates & oppida.

Cap. X I I I.

CUm Virgines velandæ erunt, absoluta consecratione, statim Monasterij ostia claudantur, omnesq. dimittantur, qui conuenerant, nisi aliud Episcopus expedire iudicauerit, prandiumq. ibi nullum fiat, nisi extra Ciuitates, aut oppida Monasterium situm est.

Abbatissæ, & camerariæ rationem quæ annis reddant Episcopo, vel deputatis ab eo. Cap. XIII.

PRæcipitur omnibus Episcopis, vt quot annis duos ex cathedralium Ecclesiarum Canonicis constituent, adiuncto etiam si opus fuerit calculatore, qui vnâ cum aliis secundum consuetudinem loci ad id deputatis diligentem administrationis rationem à Monialium negotiorum gestoribus exigant, si vero ipsæ Moniales sua administrent, Episcopis ipsis, aut ab eis eligendis rationem reddant, quacumq. consuetudine non obstante, Neq. verò propterea impediatur quo minus ex instituto Monasterij etiam Abbatissæ rationem reddant quod si quis Monasterium defraudasse deprehensus fuerit, quadruplum illi rependere compellatur, atq. administratione pro delicto in perpetuum priuetur.

Litteræ

*Litteræ missivæ etiam consanguineis ab Abbatisis videantur
& quæ ad eas missæ fuerint. Cap. XV.*

Illud quoq. distinctè prohibetur, ne Moniales aliquibus (etiã si parentes sint) litteras scribât, aut mittant, nisi prius lectæ, & cognitæ fuerint à Monasterii Præfecta; quod esse diligentissimè seruandum in quibuscumq. litteris, quæ ad Moniales scriptæ, aut missæ fuerint, Synodus ipsa declarauit, & statuit.

In Monasterijs deputetur locus carceris. Cap. XVI.

VT quas Dei timor a malo fortasse non reuocat, temporariæ coercionis formido exterreat, in omnibus monialium Monasteriis locum carceri destinatum Abbatissa, & Gubernator constituent.

Quod per supra sancita, comprehendantur etiam monasteria exempta. Cap. XVII.

Postremo vt debitæ executioni mandentur omnia, & singula de Monialibus, vt supra decreta, quæ ad restituendâ, & retinendam clausuram valde necessaria esse existimauit, Synodus expresse declarat omnia, & singula in superioribus capitibus de Monialibus contenta, quæ ad clausuram tantum spectare videntur, locum habere debere non solum in Monasteriis Episcopis subiectis, sed in aliis quoq. omnibus exemptis, etiam si regularium curæ, & regimini sint quocumq. modo commissa, & propterea Episcopos monendos esse censuit;
Prout

Prout præfeti decreto monet, & hortatur, vt statim prædicta omnia & singula tam ordinaria, quam Apostolica auctoritate exequantur, sub pœnis, & censuris, etiam contra clausuræ violatores, ac perturbatores in sacro Concilio Tridentino contentis, aliisq. Episcoporum arbitrio imponendis; alioquin eorum negligentiam in Prouinciali Synodo esse supplendam & coercendam omnibus testatum esse voluit.

*Oriunda ex Clarissimis Consiliarijs Reipublicæ Florentinæ
declarantur etiam loco olim descendendum ex vexilliferis Iustitiæ. Cap. XVIII.*

IN erectione, seu fundatione quorundam Monasteriorum Diœcesis Florentinæ certum reperitur onus iniunctum, vt ibi nullæ Moniales recipiantur, nisi ex nobili prosapia ortæ, & quorum maiores supremum in ciuitatem magistratum, qui tunc vexillifer iustitiæ dicebatur, obtinuerint, sed cum ea potestas (vt est temporis varietas) sit deinde abrogata, nec possit illa voluntas sine magno Monialium incommodo, si in vi verborum sistant, adimpleri; declarat hæc Synodus recte ab eis satisfieri posse, si ex his familiis etiam accipiant Moniales, quæ Locumtenentis, & qui a Conciliis summi Magistratus splendore sint illustratæ.

DE MEDICIS. RVB. LIII.

*Medici non visitent infirmum, non confessum post tertiam
visitationem. Cap. I.*

Ab vna

AB vna Fel. Rec. Innocentii, & ab altera Pii Quinti Pontif. Max. Constitutione longe saluberrima præmoniti, multorum saluti consulere Episcopi poterunt, si Medicis ad infirmos in lecto iacentes euocatis præciperetur, qui post secundam vel ad summum tertiam visitationem illos moneant, vt iuxta Sanctæ Romanæ Ecclesiæ ritum omnia peccata sua Sacerdoti confiterentur; nisi ob aliquam rationabilem causam prætermittentes, infirmos ipsos visitare non audeant: quod si qui medicorum prædicta non obseruauerint, mulctentur iuxta Pontificum constitutiones.

DE TESTAMENTIS. RVB. LIIII.

*Notarij tenentur Episcopis denuntiare legata ad pias causas
& canonica portio soluatur. Cap. I.*

QVoniam piis defunctorum voluntatibus iura maximè fauent, & tamen vel heredum, executorum vè, aut avaritia, vel Notariorum negligentia, aut impietate persæpe ad pias causas relicta occulta manent, & quasi cum defuncti cadauere tumulata, monet Synodus omnes Notarios requisitos ab Episcopo teneri ad denunciandum legata facta ad pias causas, vt sumi de eis nota possit, quando tamen iuxta leges loci & consuetudinem id facere possint. Atq. vt Ecclesiis iura sua restituantur, statuit, vt posthac Canonica portio integre, & realiter persoluatur non obstante quacunq. consuetudine, aut priuilegio.

In curia

In curia Episcopi retineatur liber legatorum piorum.

Cap. I I.

VT autem horum legatorum memoria facilius custodiatur & obseruetur, statuit, & ordinauit in qualibet curia Episcopali retineri debere librum, in quo specialiter ista describantur, ad id deputatum, qui Notarius describens pro scriptura, & labore, in redigendo memoriā cuiuslibet legati in codicem designatum aliquam mercedem arbitrio Episcopi consequi debet ab eo, cui legatum huiusmodi relictum fuerit, scribing enim Notarii nomen testatoris, legatarios, diem, annum, & testes.

DE FORO COMPETENTI. RVB. LV.

Causse etiam regularium, & Hospitaliū, & locorū piorū in prima instantia coram Iudice Ecclesiastico agendo, vel excipiendo agitentur, vel cum licentia Episcopi ex causa concedenda, alias omnia acta sint nulla. Cap. I.

QVoniam causse omnes ad forum Ecclesiasticū quomodolibet pertinentes iuxta sacros canones, coram Ecclesiasticis dumtaxat iudicibus debent cognosci & terminari: ideo Episcopi suo arbitrio pœnis, & censuris (si opus fuerit) afficiant omnes, & singulos Clericos, etiam regulares, administratores hospitaliū, & aliorum piorum locorum quorumcumq., qui in causis ut supra vel agendo, vel excipiendo, vel aliter in iudicio, & foro sæculari comparere, veleis se subiicere præsumpserint,

rint, nisi de licentia Episcopi, quæ rarò, & ex causa tantum concedatur: declarando præterea nullius esse roboris, vel momenti processus & actus quoscumq., qui tam in præmissis, quam in omnibus aliis causis ad forum Ecclesiasticum ex decreto Concilii Tridentini pertinentibus coram iudice & foro sæculari quacumq. occasione, aut prætextu actitati, aut ventilati fuerint, atq. ut hoc decretum inuiolabiliter seruetur, Episcopi diligenter operam dabunt.

Causæ omnes appellationum tractari debent in ciuitate Florentiæ, & committi Iudicibus in Rotulo descriptis. Cap. II.

IN secunda autem, & tertia instantia causæ omnes appellationum tractari, & cognosci debeant, in Ciuitate Florentiæ, vel coram Archiepiscopo, vel eius Vicario, quando erit appellatum a sententiis Suffraganeorū, vel coram Iudicibus a sede Apostolica delegatis in causis, ubi necessaria est Apostolicæ sedis commissio, quos quidem iudices commissarios deputandos esse debere voluit vnum vel plures ex numero eorum dumtaxat, qui erunt descripti in rotulo, & si partes alios iudices extra descriptos, & designatos in rotulo impetrauerint, puniri voluit.

Procuratores, & notarij contrasacientes præcedentibus capitulis priuentur curia, sine sse restitutionis, nisi intra octo dies causam reducerint ad Ordinarium. Cap. III.

Eos

EOs igitur Notarios, & Procuratores, qui contra præmissa causas in prima instantia per alium quam per loci Ordinarium, & in secunda, & tertia instantia committi, aut delegari alicui Iudici in rotulo nō descripto, vel qualiter quidquam fecerint, aut procurauerint, eo ipso ingressu curiæ Ordinariorū suorum, a quibus causam, amouerūt, priuatos esse voluit, nisi celeriter, idest, nisi intra viii. dies causam, vbi erat cognoscenda, restitui vere curauerint, de Notariorum, & Procuratorum rotulo sine restitutionis spe omnino tollendos.

Quid agendum quando Delegatus allegatur suspectus.

Cap.

IIII.

Sed ne tamen cogatur quis litigare coram iudice suspecto, statuit, vt si quis recusaret causam suam coram aliquo iudice delegato agitari, compareat, & causam suspicionis alleget, tuncq. vt iuris est, eligantur tres arbitri sorte ex numero eorum, qui erunt descripti in rotulo iudicum delegatorum, qui suspicionis causam infra quindecim dies cognoscant, & terminent, quibus elapsis, si causa suspicionis definita non fuerit, Delegatus procedat in causa, reiectis omnibus Appellationibus, & recusationibus. At si contingeret per eosdem arbitros electos Delegatum esse iure merito suspectum, voluit sorte extrahi quattuor ex iudicibus etiam rotulo descriptis, & Delegatus teneri alteri eorum, vel duobus coniunctim, si ei videbitur causam committere, & delegare, a quibus Iudicibus si postea contingat appellari, voluit seruari omnia quæ seruanda sunt, quando ab ipso Delegato prouocatur, & appellatur.

Q ii

Notarius

Notarius prohibetur causas agere, & procurare, nisi ab Episcopo approbetur, & qui in patrocinij deliquerint uel errauerint, priuentur curia ad libitum Episcopi. Cap. V.

NVllum Notariorum tractare causas, acta rogare, vel procuratoris officium exercere posse statuit quomodocumq. coram aliquo Iudice Ecclesiastico siue Ordinario, siue delegato, nisi sit de notariis, aut procuratoribus deputatis ab Episcopo, cuius foro, vel curia se exercere voluerit, qui quidem Notarii ab Episcopo non aliter eligantur, & approbentur, nisi sint experientia, probitate, scientia, & ætate præditi, ut in illis delinquendi suspicio haberi non facile possit, quod si errasse, aut deliquisse reperti fuerint in litibus, & causis Ecclesiasticis, ac spiritualibus, exercendi usum perpetuo, vel ad tempus eis prohibere Episcopi debent, vllaq. appellatio interdictionem Ordinarii vlllo modo suspendat, prout idem Tridentinum Concilium decreuit.

Actorum Notarij in foro Ecclesiastico Florentino, non excedant numerum xij. in foro Fesulano duorum, in alijs locis relinquatur arbitrio Episcopi, & acta per se, vel substitutum approbatum solum scribantur sub pœna.
(ap. V I.

NVmerum autem Notariorum deputandorum ad acta conscribenda non excedere numerum quattuordecim statuit, & ordinavit, quorum duodecim deputari voluit

voluit in curia Archiepiscopali, & duo in curia Episcopali Fæsulana; in aliis vero foribus, & curiis Episcoporum, liceat locorū Ordinariis tot eligere, ac deputare, ac constituere quot tribunalis negotiis, causisq. sufficere videbitur, qui quidē Notarii vniuersa iudicii acta per se, vel substitutum ad probandum, non per alium scribere debeant, alias qui contrafecerint eo ipso per mensem ab actibus conscribendis sint suspensi; subnotarios autem, siue substitutos possunt pro actibus exemplandis, & copiis exhibendis de licentia Ordinariorum suorum habere quot voluerint.

*Procuratoris officium quis non potest exercere, nisi examinetur
& prohibetur acta scribere. Cap. VII.*

NE Ex Procuratorum imperitia vilescat ministeriū Episcopalis curiæ, statuit nullum posse Procuratoris officium exercere in causis vertentibus coram Ecclesiasticis Iudicibus, tam Ordinariis, quam Delegatis, nisi fuerint diligenter examinati, & approbati per locorum Ordinarios, iis tamen conscribere acta sit omnino prohibitum.

In curia deputentur procuratores pauperum, è bursa extrahendi, qui gratis causas agant, idem seruetur quando litigans non inuenit procuratorem.

Cap. VIII.

NE Pauperes Procuratorum defectu propter eorum inopiam indefensi remaneant; statuit, quod Ordinarii

narii in suis curiis Procuratores pauperum instituere non omittant, ut si contigerit miserabilem personam litigare, Iudex, coram quo iudiciū vertitur, teneatur mādare extractionem ex bursa Procuratorum ad id deputatorum vnus ex illis, qui in Apodisis in dicta bursa nominatis continebuntur, & qui fuisset ita extractus, debeat gratis officium suum impendere sub pœna priuationis ab vsu & exercitio procuratoris in foro Ecclesiastico, eundem quoq. modum seruari voluit, quando aliqua pars litigans non inuenit ex dictis procuratoribus, qui patrocinium suæ causæ suscipere velit sub eisdem pœnis.

Nota: ij in causis ordinarijs extrahantur è bursa, exceptis causis executiuis, feudalis & beneficalibus. Cap. IX.

AD tollendas suspiciones in iudiciis, quæ non minus oriri solent contra Notarios, quam contra Iudices, statuit, & decreuit in omnibus causis non executiuis excedentibus summam librarum ducentarum, siue agatur coram ordinariis, siue coram delegatis, & aliis iudicibus Ecclesiasticis, quocumq. nomine censeantur notarios, e communi bursa in curia Florentina extrahendos esse, & in quacumq. etiam alia curia alterius loci cū illa reservatione ad libitum Episcopi causarum criminalium, feudalium, & beneficiorū, quas inter notarios eius arbitrio sibi reservauit; in aliis vero curiis Episcoporum is ordo modusq. seruetur, quos Episcopi magis expedire iudicauerint, dummodo suspiciones huiusmodi magis, quam fieri potest, tollere curent.

Notarij

Notarij extra curiam, in ciuitate Florentiæ non possunt rogare contractus rerum ecclesiæ, ac materiarum spirituum, alias fidem non faciant. Cap. X.

STatuit nullum notarium rogare posse in ciuitate Florentiæ contractus rerum Ecclesiasticarum ad forum Ecclesiasticum pertinentium, vt decretorum interpositiones, beneficiorum renuntiationes, vel ad renuntiandum procuraciones, sponsaliorum dissolutiones, & similia, nisi sint descripti in numero Notariorum Curie Archiepiscopalis Florentinæ, aut Episcopalis Fæsulane: scripturas vero huiusmodi ab aliis notariis confectas, scriptas, & rogatas nullum in Ecclesiasticis iudiciis fidem facere statuit, & decreuit, nisi essent confectæ, & rogatæ extra ciuitatem Florentiæ, quia tunc eisdem fidem adhibendam, & attendi debere voluit, proinde ac si a notariis deputatis confectæ, ac rogatæ fuissent.

Clerici & vassalli laicorum a laicis possint iudicari, sed contra eos non potest fieri executio in personam, vel rebus Ecclesiæ. Cap. X I.

DE Clericis tamen, & laicorum vassallis, ratione feudi quod a laicis tenent, iudicari posse declarauit, vt scilicet feudo priuari possint, & in feudalibus bonis contra eos fieri executio, in persona autem, aut Ecclesiasticis bonis, nullatenus distringi, aut iudicari.

In causis mixti fori locus sit præuentioni, & eas declarat quæ sint. Cap. X I I.

IN

IN caussis autem extra præmissa pietatem concernentibus, vt reprimere diuites, ne carius debito victualia vendant, ne Aromatarii res adulteratas, vt factores, lannii, pistores, & huiusmodi habeant mensuras, & pondera iusta causæ miserabilium personarum, coactio laicorum ad satisfaciendum legatis piis, punire periuros, adulteros, stupratores virginum, sodomitas, sacrilegos, incestuosos, concubenarios, violatores pacis, effractores Ecclesiarum, blasphematores Dei, & Sanctorum, vendentes, aut laborantes diebus festiuis, seu festa quomodolibet inhonorantes, piratas, seu corsarios cum suis fautoribus spoliantes Christianos, qui naufragium patiuntur, publicos latrones, & alia crimina, quod misti fori iudicari videntur, voluit locum esse præuentioni.

*Mantellata, corrigiata, & fratres de tertio ordine sine Collegio
habitantés in proprijs domibus subiciantur secularibus,
& eorum parrochianis in spiritualibus.*

Cap. X I I I.

Sequendo decreta Lateranensis Concilii in xi. Sessione statuit mantellatas, corrigiatas, & fratres de tertio ordine, & similes personas conueniri posse coram laicis Iudicibus, & ab eisdem iudicari, quando in propriis domibus sine collegio habitant, secus autem quando vna in congregatione viuerent, nec non eiusdem Concilii vestigiis inharendo, declarauit eorundem fratrum de tertio ordine, mantellatarum, corrigiatarum, & id genus in propriis domibus habitantium personas, quo ad sacramenta recipienda, & iura parrochialia omnia, vt sæculares iudicari,

iudicari, & pro secularibus haberi debere, sicq. teneri. à
parrochis, Extremam vñtionem, Eucharistiam in Pa-
schate, ceteraq. Ecclesiastica Sacramēta recipere, ipsosq.
Ecclesiarum Rectores ab Ecclesiis, apud quas sepulturā
elegerint, consuetam funeralium partem exigere, non
obstantibus consuetudinibus quibuscūmq. hactenus in
contrarium obseruatis.

*Contra illos qui iudicium seculare fugientes, ordines assu-
munt, vel professionem emittunt. Cap. XIII.*

Quo ad illos autem, qui iudicii secularis declinandi
gratia ordines assumunt, aut professionem emit-
tunt, siquidem id iam lite mota faciunt, nullatenus pro-
desse declarauit, quo minus ab eo iudice, coram quo iu-
diciū inceptum est, ciuilitè iudicentur; si vero ante
motam litem ad clericales fuerint ordines promoti, sæ-
cularem effugere statuit potestatem; quinimmo & cri-
minaliter iudicare posse declarauit, quando accepti or-
dinis, vel emissæ professionis tempore pro aliquo cri-
mine perpetrato carceri adiectus erat.

*Eadem probationes sufficiant contra eos in foro Ecclesia-
stico, quæ valide erant in curia seculari.*

Cap. XV.

Quod utiq. generaliter obtinere voluit, quando-
cumq. in foro Ecclesiastico est contentio de iis,
quæ gesta sunt a personis, quæ tempore natæ obliga-
tionis subeant alicui foro, in quo leuiores erant pro-

R bationes

bationes, vt scilicet eadem probationes in foro Ecclesiastico parem vim eandemq. habeant efficaciam.

DE IUDICIBVS DELEGATIS. RVB. LVI.

Forma eligendi, & qualitates assumendorum in delegatos.

Cap.

I.

CVrent Episcopi, vt in prima (quæ cogatur) Diocesana Synodo ex Decreto Tridentini Concilii præscriptus eligatur numerus insignium virorum, qui Canonici cathedralium sint, aut in dignitate Ecclesiastica constituti, canonum scientia, ac probitate vitæ ornat, qui iudices delegati ab Apostolica sede, aut eius Legatis, & Nuntiis in causis, quæ fori Ecclesiastici sunt, soli constitui possunt, atq. descripti ad Sanctiss. D. N. mittantur; ceteraq. omnia persoluantur, quæ in dicti Concilii Decretis tradita sunt.

Quod delegati intra x. dies latæ sententiæ teneantur dare motiva actuarijs sub pœna, & in locum præmortui, vel absentis Episcopus alium substituat eius loco, & nō possunt reddere iura in Ecclesijs, sed in locis per eos eligendis. *Cap. I I.*

HI autem infra decem dies a die latæ per eos sententiæ causas, & rationes, ac auctoritates, quibus adducti adeo modo pronuncian dum fuere, scriptas, aut subscriptas propria manu notarii, qui acta causæ conscripsit, consignare teneantur actis adscribendas, Alioquin
viginti-

vigintiquinq. multam aureorum pro dimidia parti succumbenti, & altera dimidia egentibus Monialibus ab Episcopo declarandis ipso facto applicatam. Siquis autem ex supradictis decedere, aut iuxta abesse contigerit, alius per Episcopum subrogetur, qui eodem modo adnotatus ad superiores superius nominatos deferatur. Caueant autem eiusmodi iudices, ne in Ecclesiis vlllo modo ius dicant, sed eligant Archiepiscopalem curiam Florentinam, vel Episcopalem Fæsulanam, vel alios locos, qui sibi commodiores videbuntur.

Ambæ partes sportulas pro dimidia deponant actuario ante actorem exhibitionem. Cap. III.

Qui omnes delegati sportulas, quæ in Diocesanis Synodis, vel ab Episcopis constituentur, post latas sententias accipiant, quæ sportulæ per ambas partes pro dimidia ante exhibitionem actorum in manus actuarii deponi debent.

Prohibentur iudices etiam quid obsequij accipere. Cap. IIII.

Omnes Iudices Ecclesiastici, tam Ordinarii, quam Delegati, nihil muneris omnino à litigatoribus, aut eorum causa accipiant, non modo pecuniam, sed nec obsequia quidem, aut aliud, quod pecunia extimari possit, sub pœnis Episcopi arbitrio inferendis.

DE CAUSSARVM AVOCATIONIBVS, ET
DE IVDICIIS. RVB. LVII.

*Forma iudiciorum, quæ fuit in Synodo tractata, relinquitur
in futura Synodo, & interim Ordinarij pro-
uideant. Cap. Un.*

QUod vero attinet ad formulam Iudiciorum, quæ in alia prouinciali Synodo hoc loco latissime tractata fuit, cum nequeat hoc tempore ea ratione præscribi, vt omnibus locis accomoda æqualiter esse possit, hæc sacra Synodus eam in dispositione, stilo, & consuetudine, quo ad prædicta tantum vsq. ad futuras Synodos Diocesanas relinquendam esse decreuit, ita tamen, vt interim etiam huius Synodi auctoritate litium diuturnitati, & anfractibus, ac litigatorum artibus, & cauillationibus, prout Ecclesiarum status requireret, omni diligentia, & studio ab Ordinariis prouideatur.

DE EXCOMMVNICATIONE. RVB. LVIII.

Abstinentum est a censurarum fulminatione, & executione. Cap. Un.

REcte fuit a sacra Tridentina Synodo statutum, vt excommunicationes, atq. etiam illæ quæ monitionibus præmissis fieri solent ad finem reuelationis, non nisi sobrie & magna circumspectione concedantur, cum gladius iste neruus sit Ecclesiasticæ disciplinæ, quare
Episcopos

Episcopos huius etiam Synodi hortatu meminisse oportet, ut tam in monitionibus, quam etiam in executionibus ciuilibus, & criminalibus a decernendis huiusmodi censuris omnino abstineant, nisi forma exacte seruetur, quam Tridentinum Concilium accuratissime præscripsit. Illudq. etiam animaduertant, quod si eorum culpa hæc arma spiritualia contemni contigerit, nullo modo se excusare poterunt, quominus Deo rationem reddere debeant de perniciæ, quæ loco salutis animarum hac de causa secuta fuerit.

DE POENIS.

RVB. LIX.

Pænæ constitutionum, arbitrio Ordinariorum, inspectis circumstantijs moderentur. Cap. Un.

QVoniam ob varietatem locorum non potest in legum executione omni æqualitas, & idem modus seruari, multæq. statutæ sunt pænæ, quæ moderatione in aliis Diocæsibus indigeant, præterea possint Episcopi quascumq. pœnas in his constitutionibus expressas, pro qualitate locorum ad statum suarum Ecclesiarum, ut res exposcere videbitur, redigere & coaptare, quos non dubitandum est omnia ad pietatem, & animarum salutem relatuos. In pœnis item infligendis capitulis, & Canonicis Cathedralium Ecclesiarum, eorum privilegia salua maneant iuxta Concilii Tridentini constitutiones.

DE

DE CONSTITVTIONIBVS. RVB. LX.

Verba constitutionum ad litteram intelligantur. Cap. I.

ATq. vt cauillationibus locus nullus, & occasio præbeatur, constitutiones ad verborum proprietatē, & (vt dicitur) ad litteram intelligantur, nulla admota, aut intensiua, aut extensiua interpretatione, vltra quam verba ipsa significant.

Infra duos menses post impressionem constitutionum pœne habeant locum. Cap. II.

HÆ Constitutiones, quatenus noui aliquid statuant, aut nouas imponant pœnas, ex quo impressæ fuerint, infra duos menses vim suam obtinere, & quoscumque tenere decretum est.

DE INTERPRETATIONE CONSTITVTIONVM. RVB. LXI.

Dubitationes super constitutionibus declarentur ab Archiepiscopo, cuius declarationi stare debeant Prouinciales, abrogatis omnibus alijs constitutionibus pristinis, salua Pontificis, & suprema auctoritate.

Cap. Un.

SI in his Constitutionibus dubitationis, aut ambiguitatis aliquid quomodocumq. exortū fuerit, Reuerendissimus Metropolitanus in sua Prouincia interpretabitur,

bitur, cuius sententiam omnes sequi omnino teneantur, quousq. alia Synodus prouincialis habeatur, abrogatis penitus omnino, præterquã vt supra decretũ est de causarum auocationibus, & iudiciis, pristinis omnibus constitutionibus; in ciuitatibus vero, & Diœcesibus exemptis Episcopi ipse eo interpretandi, & declarandi munere fungantur vsq. ad prædictum tempus, salua tamen Sanctiss. D. N. & Sanctæ Rom. Eccle. suprema auctoritate, cui omnia in hac Synodo decreta, & acta interpretanda, mutanda, & emendanda, qua debet obedientiæ propensione, ac reuerentiæ humilitate subiiciuntur.

DE BVLLIS APOSTOLICIS PVBLI-
CANDIS. R V B. LXII.

*Curent Episcopi bullas omnes Pontificum populis vulgari
sermone publicari. Cap. Un.*

EPiscopis valde curæ sit, vt Summorum Pontificum Bullæ non solum in his Decretis memoratæ, & hætenus emanatæ, sed quæcumq. aliæ pro tempore emanabunt, frequentibus populis, vt in more est, materno sermone exponantur, ac sæpius in memoriam reuocentur, ne ignorance, aut negligentius obseruent, aut si omiserint, vel contra conuenerint, in censurarum, quos illæ contineant, laqueos inciderent.

DE FINE SYNODO IMPONENDA.

R V B. L X I I I.

Finis Synodi. Cap. Unicum.

Confectis

Confectis iam, Deo fauente, absolutisq. iis, quæ hoc potissimum tempore pro restitutione, & conseruatione ecclesiasticæ disciplinæ in Prouincia Florentina statuenda, & decernenda fore videbantur, ipsam Synodum merito dimittendam esse existimamus.

Quare Reuerendissimi Patres, placet ne vobis, vt ad laudem omnipotentis Dei huic Synodo finis imponatur, & confirmatio omnium Decretorū nomine huius sacre Synodi per Reuerendissimum D. Archiepiscopum a Sanctis. D. N. petatur?

Responderunt. Placet.

Acclamationes Patrum in fine Synodæ.

1 **B**eatissimo GREGORIO Domino nostro Sanctæ & Vniuersalis Ecclesiæ Pontifici, cuius Auctoritate hoc Sacrum Prouinciale Concilium inchoatum & perfectum est, multi anni & æterna Memoria.

Resp. Domine Deus Sanctissimum patrem diutissime Ecclesiæ tuæ conserua multos annos.

2 **S**erenissimo Cosmo Etruriæ Magno Duci nostro orthodoxo & Christianæ Religionis defensori bona valetudo & multi anni.

Resp. Catholicum & Christianæ Religionis defensorem Imperator cælestis conserua multos annos.

3 **I**llustrissimo & Reuerendissimo Ferdinando S. R. E. Cardinali perpetua felicitas & verū gaudiū.

Resp. Perpetuam Felicitatem & verum gaudium tribuat Deus.

Serenissimo

4 **S** Erenissimo Francisco Principi nostro qui hanc
 sacram Synodum protexit multæ gratiæ & multi
 anni

Resp. Magnas gratias & multos annos.

5 **R** Euerendissimo Domino Archiepiscopo huius
 Sanctæ Synodi præfuli, & Reuerendissimis Epi-
 scopis vita & felix ad Ecclesias reditus.

Resp. Præconibus veritatis perpetua memoria ortho-
 doxo Senatui multos annos.

6 Sacrosanctæ prouincialis Synodî decreta.

Resp. Semper confiteamur semper seruemus.

7 **O** Mnes ita credimus, omnes id ipsum confitemur
 omnes idem sentimus.

Resp. Ita credimus, ita confitemur, ita sentimus.

8 **H** Is decretis inhærentes digni reddamur miseri-
 cordia & gratia præfati magni & supremi sacer-
 dotis Iesu Christi Dei, intercedente simul inuiolata
 Domina nostra Deipara & omnibus sanctis.

Resp. Fiat fiat. Amen, Amen.

*EGO Antonius Altouita Ecclesiæ Metropolitanae Floren-
 tinæ Archiepiscopus supradictis omnibus Decretis consensum
 præsto, & manu propria subscripsi, &c.*

*Ego Bernardettus Mineruectus Episcopus Aretinus Sedi Aposto-
 licæ immediate subiectus eligens &c. supradictis omnibus
 decretis consensum præsto, & cum iam factis protestationibus
 quas & hic repeto subscribo, &c.*

*Ego Nicolaus Tornabonius Episcopus Sancti Sepulcri, supra-
 dictis omnibus decretis consensum præsto, & ut supra subscri-
 psi, &c.*

S Ego

Ego Spinellus primus Episcopus Politianus Sedi Apostolicae immediate subiectus eligens &c. supradictis omnibus decretis consensum praesto, & cum iam factis protestationibus, quas & hic repeto, subscribo, &c.

Ego Ludouicus Antinorius Episcopus Volaterranensis Sedi Apostolicae immediate subiectus &c. eligens supradictis omnibus decretis consensum praesto, & cum iam factis protestationibus quas & hic repeto subscribo.

Ego Franciscus Diacetius Episcopus Fesulanus supradictis omnibus decretis consensum praesto, & subscribo, &c.

Ego Carolus Vexellineus praepositus Pistoriensis Vicarius & procurator, & eo nomine R.D. Episcopi Pist. Alexandri Medices, suprascriptis omnibus decretis consensum praestiti, & subscripsi ad laudem Dei, &c.

Ego Philippus Modestus Can. & Vicarius R.D. Honofrij Camaiani procurator, & eo nomine Praepositi Pratensis Sedi Apostolicae immediate subiectus supradictis omnibus decretis consensum praesto, & salua protestatione subscribo, &c.

Ego Guido Serguidius Praepositus & Vicarius Floren. Synodi huius a secretis &c.

Ego Sebastianus Medices Trothonotarius Apostolicus huius Prouincialis Concilij Promotor, & Commissarius &c.

ET Ego Benedictus quon. Francisci Albizi pub. Apostolica, & Imperiali auctoritatibus notarius, & Cuius Floren. atq. Archiepiscopalis curiae Florentinae, & huius Prouincialis Synodi Florentinae, una cum Domino Philippo Franchino coram praebatis Reuerendissimis Metropolitanis, & Episcopis, atq. alijs Reuerend. patribus scriba, quia praemissis, dum sic decernentur

tur

eur & sancirentur interfui, & ea sic fieri decerni, & sanciri vi-
di, & audiui, & sanctiones, & decreta, & alia facta &c.
Ideo in fidem præmissorum manu propria subscripsi cum mei so-
liti signi appositione, prout subscribet &c. Idem Philippus Fran-
chinus & eius signum apponet, rogatus & requisitus.

ET Ego Philippus quondam ser Petripauli ser Luca de Fran-
chinis de sancto Miniato sacris Apostolica & Imperiali au-
toritatibus iudex ordinarius Notariusq; publicus, & ciuis
Floren. nec non Archiepiscopalis curiæ Florentinæ, & huius
prouincialis Concilij Florentini, unà cum superscripto Domi-
no Benedicto coram prælibatis Reuerendissimis Metropolita-
no, & Episcopis, atq; alijs Reuerendis patribus scriba quia præ-
missis dum sic fierent & decernerentur interfui, et ea sic fieri vi-
di & audiui, & sanctiones & decreta atque alia superscripta
&c. Ideo in fidem omnium præmissorum propria manu sub-
scripsi, signumq; meum apposui consuetum, prout ambo rogati,
& requisiti fuimus.

Quia superscripta decreta, & constitutiones concordant cum ori-
ginali, Ideo imprimendi licentiam impartimur; Nos Ludoui-
cus Martellius Can. & Generalis Vicarius Florentinus Die
XXV. Mensis Decembris MDLXXIII.

Errata.

Fol. 4. linea 23 sanguinem
F. 9. l. 2. & supra
F. 10. l. 19. effingendas.
F. 11. l. 24. representari.
F. 26. l. 4. Digamus.
F. 40. l. 24. debent.
F. 56. l. 12. urgente,
F. 56. l. 17. urgente.
F. 71. l. 1. pro annum.


Corrigito.


sanguinem.
ut supra
effingendas.
representare
Bigamus
possint
urgenti
urgenti
per annum.





FLORENTIAE,
Apud Bartholomæum Sermartellium.
MDLXXIIII.


216.262











005646998

